

السُّرُورُ السَّيُوفُ

لِلشَّاعِرِ
مَجْبُولِ مُحَمَّدٍ الْحَشَّاشِ



شعر شعبي

أوراق مكشوفة

للمشاعر
مجلد محمد الحشاش

الطبعة الأولى شعر شعبي ١٩٨٨

يطلب من
مكتبة البخاري

الغماميل - تلفون: ٣٩٢٤٣٥٤

جوليه - تلفون: ٢٦٢٦١٨٢

ص.ب.: ٤٨١٠٠ الصباحية

الرمز البريدي: 54551

الْقَدِيرُ

الْحَمْدُ لِلَّهِ الَّذِي رَضَعَ وَيُولَدُ بَيْنَ
يَدَيْهِ وَيَقُولُ بِقَوْلِهِ وَقَالَ بَعْضُ صَفْحَاتِهِ

(بسم الله الرحمن الرحيم)

المقدمة

عزيزي القاريء : ربما الكتابة لا تستطيع أن تعبر عن ما في نفس الإنسان من مشاعر وأحاسيس، فإنه يسعدني بهذه اللحظة وأنت تقرأ هذه الحروف أن تكون أحد القراء الذين تصفحوا كتابي، فهذا هو كتابي الأول وباكورة انتاجي الذي اجتهدت من أجل أن أجمعه بهذا الديوان وأقدمه لك راجياً من العلي القدير أن يحوز على رضاك وينال إعجابك .

فقد بذلت كل ما في وسعي لأجل أخرجه لك بالشكل المطلوب بكل الصفات سواء من مادة أو طباعة أو غيرها من ما يحتويه هذا الديوان .

فيا عزيزي القاريء: قد تجد بهذا الديوان ما ترغب به حيث أنني جعلته شاملاً تقريباً لجميع أغراض الشعر من: وطنيات ومناسبات وأجتماعيات ونقد وغزل وردود الشعراء الذين تحاورت معهم فكل هذا محاولة مني للوصول إلى رضاك، فلا تتسرع بحكمك على ديواني هذا بقراءتك لقصيدة أو قصيدتين فقد تكون بتلك اللحظة لم تصل إلى القصيدة التي تناسبك وتعالج وضعك الذي تعيشه سواء كان عاطفياً أو اجتماعياً أو غير ذلك.

فالشعر معانيه متعددة وبحوره طويلة فمهما كتبت لن أستطيع الوصول إلى أقصاه فالشعر بحراً كبيراً فكل ما كتبت كنقطة ماء من هذا البحر الواسع.

فأعلم عزيزي القاريء أن اصداري لهذا الديوان ماهو إلا لحفظ ما كتبت من قصائد ومشاركة مع اخواني وزملائي الشعراء الذين يساهمون في الحفاظ على هذا اللون من الشعر.

فالشعر النبطي تراثاً نعتز به فمهما ألفنا من دواوين لن نستطيع أن نعطي هذا التراث حقه. عزيزي القاريء الكريم: ستجد بهذا الديوان أنني وضعت لبعض القصائد مقدمات، فإنني اتخذت هذه الطريقة حتى أجعلك تتعاش مع المعنى المقصود بتلك القصيدة فتجده بعد ذلك مكتوباً شعراً بالقصيدة فتحس بترجمتي للمعنى بالشعر وصياغته بالوزن والقافية فتعرف من ذلك بأن الشعر هو المعنى وهو الموقف المصور بقواعد الشعر، فإن خلى الشعر من المعنى لا يسمى شعراً لأن المعنى هو القاعدة الأساسية للشعر وليس القافية والوزن فقط.

فإنني أيها القاريء الكريم كتبت بعض المقدمات معبراً عن عدد معين من الأبيات وليس عن القصيدة بأكملها وذلك حتى أتركك أن تكمل أنت بنفسك قراءة القصيدة وتضع لها تكملة التعبير لمفهومك الخاص وحتى لا أجعلك أن تتقيد بما كتبت.

فيا عزيزي إن فكرة إصدار هذا الديوان لم تأت وليدة الصدفة ولكنها جاءت بعد تفكير وتمعن ومراجعة فهذه الفكرة قد راودتني قبل سنة أو أكثر ولكنني انتظرت حتى أقدم لك هذه القصائد التي بين يديك الآن.

فإن هذا الديوان سوف يعقبه دواوين أخرى إنشاء الله فحتى حين الوقت المناسب سوف أحاول لأجل أن أسلك الطريق الذي يجعلني أكتب وأقول الشعر الذي يرغب به الجميع.


فهذا كل ما أستطيع أن أخطه لك بقلمي مقدماً لك ديواني الأول الذي أتمنى أن أكون قد وفقت في كل ما يحتويه.

فاترك الآن لتتصفح هذا العمل المتواضع عسى أن يحصل على حكم الرضاء منك أيها القاريء الكريم.

مجبل الحشاش



بِسْمِ اللَّهِ الرَّحْمَنِ الرَّحِيمِ
مَجْلَدُ الْحَمْدِ لِلَّهِ الْعَلِيِّ الْكَافِي



شكر و تقدیر

أَتَقَدِّمُ بِجَزِيلِ الشُّكْرِ وَالتَّقْدِيرِ

لِلدُّخْلِ الْفَنَانِ التَّشْكِياعِي

فَاخْرَجَ حَسَنَ الرِّفَاعِيِّ

عَلَى مَا بَذَلَهُ مِنْ جُهدٍ فِي
رِصَالِيهِمْ وَرِسْمَاتِهِ هَذَا الدُّرِّانِ

تسمية الديوان

من شعري ألفت ديواني
وسميت به أسرار مكشوفة
أسرار قلبي ووجداني
مع سيرة الوقت واطروقه
وقت ضحك لي وبكاني
حلو.. ومره.. ومكوفه
وذكرى حياتي مع أزماني
وأخبار بالشعر موصوفه
ترجمتها أحروف بلساني
وسجلتها إسطور مصفوفه
شعري.. ومعناي.. وألحاني
وديوان شعري.. مع إحروفه
أهديه لكل من داني
ما أخص به ناس معروفه

* * * *

بابُ الحِنَّاءِ بِطَرَحٍ

قصايد قلتها بمناسباتٍ حافلةٍ وأعياد
تعايير الفرح فيها وطلب الخير والتمجيد
معاني والمعاني تندرج للشاعر المعتاد
وقرى الشاعرُ يغني دأبهم بمناسبه أوعيد
كتبتُ أحروفاً مني مع الميعاد والليلا
ولكن يا جماعة ما ذكرت الوقت بالتحديد



البوميل الفصحى

وطن صغير بحجمه... كبير بشعبه.. حقق أستقلاله في ظل آل
الصباح الكرام.. وحقق مجده وازدهاره ورفع الراية عالية خفاقة في
المحافل الدولية.. ففي هذه المناسبة زينت الشوارع ورفعت الأعلام
وتوالى الأفراج.. في ظل هذه السعادة التي أظهرت حب الوطن عند
الجميع بمرور خمس وعشرين عاماً على الإستقلال.


ابدي ابذكر اللي علم غيب الأقدار
علام مافي برها مع بحرها
الواحد المعبود علام الأسرار
اللي بتديره يمشي قدرها
ومن بعد ذكره في تعابير الأسطار
يوم الفرح عم البلاد وغمرها
أقول أنا مبروك يا دار الأحرار
يا ديرة بالخير كل ذكرها
مبروك يا كويت العروبة بتكرار
ليلة فرح عيدك تبين قمرها
في خمسة وعشرين عيدك والأبشار
وكل تباشير الفرح لك سطرها
أعلامك الحلوه وتشكيل الأنوار

فوق البيوت وبالشوارع سفرها
 عم الفرح يا دارنا إصغار وإكبار
 والناس في عيدك تزايد فخرها
 وعم الفرح والشعب لك بالوفاء سار
 يا أم الجميع اللي علينا نظرها
 انتي رعيتينا بعطفك والأنظار
 يوم الليالي نوقتنا كدرها
 يا دار لك شعب وفيين وأبرار
 في فرحتك زادوا ليالي سمرها
 يا دار في عيدك نهنيك بفخار
 وكل تهاني فرحته لك نشرها
 العيد هذا لك ربع قرن يا دار
 عساك دايم بالعلا عن خطرها
 في ضل جابر شيخنا واف الأشبار
 شيخ البلاد اللي بحكمه شهرها
 اللي رفع تقديرها بين الأقطار
 أبو مبارك بالتطور عمرها
 وأبو فهد في موقف العزم مختار
 صعب الأمور اليا تحدث قدرها
 يضرب على الكايد اليا صار ما صار
 ويمنا تطاول في طريقة قصرها

أشيوخ ديرتنا هل العز والكار
آل الصباح أبحكمهم جاء نصرها
يا الله عساهم من طويلين الأعمار
أفعالهم بالطيب كل ذكرها
والختم صلوا عد ما وادي سار
على نبي سنة الله نشرها

* * * *





شهر الله حفلات

يعتبر شهر فبراير هو شهر الإحتفالات.. حيث تحتفل الكويت في الخامس والعشرين منه في عيدها الوطني المجيد من كل عام

أبدي بذكر المعتلي خالق الكون
الواحد الفرد الصمد عالي الشأن
اللي على أمره سيّر الكاف والنون
سبحانه اللي خالق كل مكان
وأقول أنا في بادي القاف ممنون
ليلة فرح عيد الوطن وقتها حان
مبروك يا دار بها الخير مأمون
في عيدك انهنيك يا عز الأوطان
الشعب كله يا بلد لك يهنون
واليوم كل يا بلد فيك فرحان
يا دار شوفي شعبك اليوم وأشلون
كل فرحبك من شباب وشيبان
كل فرح وأستقبل العيد بفنون
تعبير فرحة شعبك أشكال وألوان
يا كويت في عيدك لك الشعب يدعون
يوم الفرح عمك ونور السعد بان
يا دار غني في زغاريد والحنون
شيلي بعيديك يا بلد زين الألحان

يا جوهرة يا منبع الخير والعون
الله يدوم إلك الفرح طول الأزمان
يا كويت حبك داخل القلب مضيون
الله يحفظك للعلا دوم عنوان
الله يعزك دوم بالحفظ والصون
بأمر الولي في حكم ذربين الإيمان
آل الصباح إمزنت كل مديون
عز الضعيف اللي عليه الدهر شان
حكامنا اللي للعلا دوم يسعون
اللي حموك أبفعلهم يوم الأكوان
اللي على عزك وشعبك يحامون
وجميلهم ضاف على كل سكان
الله يسلمهم لنا دوم يوفون
في حكمهم صرنا جماعات واخوان

* * * *





صاحب السمو الشيخ جابر الأحمد الصباح
أمير دولة الكويت

من أجل الشيخ والشعب والدار

يد الله فوق الظالم وإرادة رب العالمين ترد كيد المعتدين فبعد أن استمتعوا في خيراتها واستوطنوا في أراضيها.. نسوا المعروف والخير.. فجاء الإعتداء الغاشم على موكب سمو أمير البلاد حفظه الله ورعاه وشاء القدر أن يرد كيدهم لنحورهم فرعاية الله وحده هي التي تحمي الكويت وأميرها وشعبها.

حماك الله من أيدين شريره
رعاك من المكيدات الخطيره
وعسى دنياك في وجهك سفيره
ردعهم عنك علام السريره
فشل تخطيطهم في كل سيره
عليهم خيرها ينثر غديره
عدوا الحق من خانه ضميره
ونحو للشر عدوان الجزيره
طريق الخير ما يجزا بغيره
عطيت الشر من يعطيك خيره
بهم دور الليال المستديره
يده عن دارنا تصبح قصيره
يوم إنه سلمك عز وذخيره
وجماهيرك من الفرحة غفيره
وفرحنا بشوفتك جانا بشيره
حياته فدوة لك يا أميره


خطاك السوء يا شيخ البلادي
حماك المعتلي رب العبادي
عساك تدوم للديره اسنادي
حماك الله من ايدين الأعادي
غشاك النور وأخطاك السوادي
نسوا داربها المعروف زادي
نسوا داربها للخير بادي
كلوا من خيرها في كل وادي
ألا يا ناكر المعروف غادي
عقب ما عشت في عز وركادي
جميع أهل الخطا وأهل العنادي
وعلينا اللي نوى ليقا النكاذي
حمدنا الله حيثه خير هادي
جميع الشعب بالفرحة ينادي
ليالينا من الفرحة اجدادي
جميع الشعب لك بالروح فادي

وعسى الدار بوجودك مستنيره
ولي العهد حلال العسيره
وعسانا دوم في عز وستيره
فدوا بالروح في حزه عسيره
كلام العازمي حسب اتعبيره

عساك تدوم يا طير الهدادي
وعسى يسلم لنا ضد المعادي
وعسى الحكام تسلم والبلادي
وعسى الله يرحم محمد وهادي
وبختم ما كتبته من فؤادي

* * * *

للعلم عزيزي القارىء
فالأسماء التي جاءت في البيت قبل الأخير
هي أسماء جنود الحرس الأميري الذين
استشهدوا في حادث الاعتداء على موكب أمير البلاد .





سمو الشيخ سعد العبدالله السالم الصباح
وفي المعهد رئيس مجلس الوزراء

سرَّ الكويِّتِ

هذا هو سعد الكويت يعود إلى وطنه بسلام بعد أن مَنَّ الله عليه
بالشفاء.. لك يا سعد الكويت ألف تحية تطلقها منازل الكويت بقلوب
ملؤها الفرح والسعد بوصولك يا سعد.. فحمدًا لله وشكرًا له على سلامتك
يا بوفهد .

الحمد والشكر لك يا ربنا العالي
على سلامة سعدنا شيخنا الغالي
أهلاً وسهلاً يوم أنك جيت متعافي
شوفتك فرحة لنا يا طيب الفالي
الله يحييك في دارك وبين أهلك
جيت بسلامة وعنك الشر زوالي
عساك يا بوفهد دايم لنا سالم
لحظة وصولك لشعبك تشرح البالي
الشعب في جيتك يا شيخ فرحانه
تعبير شعب الكويت ألوان وأشكالي
يستقبلونك بحبٍ لك يشيلونه
ويا شيخ بقلوبنا لك منزلٍ عالي
فرحة وصولك لنا فرحة مثالية
شوفك لشعبك ودارك مالها امثالي
عم الفرح بالكويت اليوم بأكملها
افراحها زادت وشوفتك الاكمالي

في جيتك شعب ديرتنا يهنونك
 على سلامتك يا ممدوح الأفعالي
 واليوم شرفتنا في جيتك هاذي
 أقولها يوم أنا دوري تهياي
 أهلاً وسهلاً هلا والفين ترحيبه
 في جيتك يا ولي العهد تنقالي
 شرفت حفل على شانك مسوينه
 تعبير فرحة وصولك يا بن الأبطالي
 الله يحييك يومك جيت بالحفلة
 على شرف جيتك زاد الفرح تالي
 يومك لدارك رجعت اليوم عمقنا
 فرحة وصولك سليم وزين الأحوالي
 واليوم في جيتك طابت ليالينا
 عم الفرح كلها اكبار وجهالي
 إنقول مبروك وانغني قصايدنا
 أنعبر افراحنا في بدع الأمثالي
 يحميك ربن جميع الناس يرجونه
 يا حرننا اللي شهر بالماكر العالي
 أقوله وكلبوهم لك يقولونه
 وارجو السموحة إذا زليت بقوالي
 والختم صلوا على محمد بتاليها
 نبينا عد نزالٍ ورحالي

* * * *

شباب العِز

هنيئاً لك يا كويتنا الغالية بشبابك الوفي المخلص الذي يعمل بجهد
لأجل رفعة اسمك عالياً شامخاً وسط النجوم فشبابك المخلص هو الأمل
والمستقبل المشرق الذي يتفاني في خدمتك.


ألا يا كويت يا دار الأصايل
تهني يا بلدنا في شبابك
شباب اليوم يا دار ايهتف لك
فذاك اليوم في روحه ودمه
شباب اليوم من شانك يضحى
والا يا دار لك حق علينا
ربينا في ذراك أطفال نلعب
رعيتينا بكل اللي نريده
وترانا اليوم يا دار انتصبنا
شباب اليوم كله حاضرك
شباب اليوم في كل المساعي
على كل المجالات أدخلوها
عمود الدار في كل الطرائق
شباب واصل العلم وتخرج
تخرج منه دكتور ومهندس
وتخرج منه طيار ومدرس
مع الضباط وجنود بواسل
على درب الخطر لجلك تقدم

يا دره سومها بالسوق هایل
شباب طاوعك يا أم الجمایل
ولك بالقلب صاف الود شایل
ويرد بموقفه من كان عایل
علشانك مشى درب الهوايل
لرزم إنا نرده بالكمایل
مع الدنيا على عدل ومايل
وحميتنا من أسوم القوايل
وكل قادر شيل الحمایل
وعلى ما قلت أنا عندي دلائل
مشالك يا بلدنا بالصمايل
وهم عز الوطن والكل قايل
شباب اليوم هم درب الوصايل
على كل المناهج والعمایل
رسم خطة تقدم بالعدايل
مشوا لرضاك يا دار الفضایل
كتايب والسرايا والفضایل
وتجيلك يا بلد كل القبایل

عسى عمرك لنا يدار طایل
شباب العز ورجال النفايل
لزوم نغتنمها بالوسايل
وترى عمر الشباب بسرع زایل
ويصير لديرته بالخير نايل
ويجيله في طريق العز فايل
عدد ما هل من مزن المخايل

تهني في شبابك يا بلدنا
تحية للشباب اليوم منى
وترى عمر الشباب اليوم فرصه
تراها مرحلة ما هي طويله
وعسى الله يصلح اللي شذ منهم
ويتبع بالهدى دينه وداره
وصلى الله على سيد البريه

* * * *



من أجمل الدار

قيلت هذه القصيدة بمناسبة العيد الوطني وهي من نوع العرضة :
يا دارنا بالعيد عليك تهنتين
يا عل عيدك عايد في كل عام
في ظل حكام الصباح الطيبين
اللي لهم بالطيب وقفات ومقام
أهل المعزة من قديمات السنين
في ظلهم ساد البلد عز ونظام
يا دار كل الشعب لجلك حاضرين
وكل بقلبه لك معزه واحترام
الله يحفظك من يدين العابئين
عساك دايم يا بلدنا في سلام
قولوا معاي أمين يا اللي سامعين
دعوه من أجل الدار في مسك الختام

* * * *

فرحة العيد

في شهر ذي الحجة من كل عام يحتفل العالم الإسلامي بمناسبة
عزيزة على نفس كل مسلم ألا وهو عيد الأضحى المبارك.. عيد من أجمل
الأعياد يفرح فيه الصغير قبل الكبير.. نتمنى أن يعيده الله علينا بالخير
واليمن والبركات في ظل أمير الشعب الوالد القائد حفظه الله.

هلا بالعيد وأهلاً في قدومه
عساه يعود دايماً بالسلامه
وأنا بمناسبة عيد الضحية
واهني ديرتي بأول كلامي
تغني بالفرح وأحلي التهاني
واهني بالفرح من كان فيها
عساكم تهتنون بكل فرحه
قدوم العيد فرحة وابتسامه
به العالم تزاور مع بعضها
وكل يحتفل بحلى الليالي
وتأخذ فيه الأطفال العيادي
وفيه الخير يكثر والعطايا
وعلينا واجب فيه التسامح
عسى الله دايماً ايعوده علينا
ويحفظنا عليم الغيب بأمره
ويحفظ ديرة فيها ربينا
أبحكم آل الصباح اللي رعوها

عسى الله بالفرح دايماً يدومه
وعلى كل البشر تنور انجومه
أزف أحلى التهاني في قدومه
كويت العز في مبدأ رسومه
تهاني العيد في ليلة ويومه
أميراً ثم شعباً والحكومه
ونفوس الخير بالعز إمحشومه
وكل بالفرح يتبع إسلومه
بنية خير وقلوب رحومه
ويلبس بالفرح أجمل اهدومه
يحصّل كل واحد به اسهومه
على بعض من الناس امحرومه
وكل فيه يبعد عن أهمومه
وعلى الإسلام في خير ونعومه
عليم بخافي الكون وعلومه
بلاد في ذرا العز امحكومه
وتعلت بالفخر عالي ارجومه

عساها عامره بالخير دايـم وعلى الفرحات بالخير معزومه
وأكرر كلمتي قبل النهايه أهنيكم بها لعيد وقدومه
وصلى الله على الي في طريقه امظله الولي بأحسن اغيومه

* * * *



سبح الشهيد

حب الوطن يبقى عالماً في قلوب شعبه أبد الدهر فالشهادة ليست
غالية من أجل هذا الوطن العزيز... فهنيئاً للوطن بشهادته الأبرار الأوفياء
الذين ضحوا بأنفسهم للحفاظ عليه.

باسمي وباسم الكويت وباسم من فيها
أكتب أحروف القصيدة في معانيها
وأقول أنا أهلاً وسهلاً وألف ترحيبه
للحاضرين... أبدي الكلمة وأحييها
ياسامعين القصيدة كيف أعبرها
إحساسي أقوى من أشعاري وما فيها
حبي لهدار والله صعب توصيفه
والحب والله لحاله ما يكفيها
الحب يسري لها بالدم وأعروقه
وإكويتنا الغالية بالروح نفديها
فيها أنولدنا وبحماها تربينا
وعشنا بخيرات حاضرها وماضيها
حنا فداء الديره اللي وسطها عشنا
واجب علينا التكاتف لجل نحميها
لا خير في شعب أسمه ماحمي داره
والدار ما تنحني من غير أهاليها
الدار هي أمنا وأعيالها حنا
دار رعتنا لزوم إنا انراعيها

في كل ما نملكه لكويتنا الحره
 وأرواحنا لجل حب الدار نهديها
 ويوم الشهيد الشجاع اللي فدا داره
 نذكره بمناسبةنا اليوم نحییها
 نذكر إرجال من أجل اترباها ضحوا
 ماتوا لجل عزة الديره وأراضیها
 يا حلو موت الشهادة دون أراضينا
 موت الشهادة يخلد ذكر راعیها
 من مات دون الوطن موته على عزه
 روحه ولو مات.. حیه عند والیها
 وقرایبه روسهم للعز مرفوعه
 وحنا إنبارك علیها ما نعزیها
 ونطلب لهم رحمة الوالي وغفرانه
 یرحمهم اللي علیم فی خوافیها
 وحب الوطن یعجز التعبير من دونه
 لو قلت أقصر عن احقوقه ما أوفیها
 ویا سامعین اطلبوا من ربنا العالی
 یحفظ لنا اكویتنا فی حکم حامیها
 أمیرنا اللي عسی عمره لنا طایل
 فی حکمته دارنا عزز مساعیها
 وولي عهد الكويت وشعبها الطیب
 آمین قولوا معی بأخر قوافیها

* * * *

وحي ربيعة

يا واحدٍ بأمرِك تصاريف الأقدار
وباللي يصير وبالذي ما بعد صار
وتسقي وطننا من هماليل الأمطار
سحاب ترعد وتبرق بالأنوار
ويسقي مطرها دار وافين الأشجار
يأخذ مطرها عدة أيام سمار
وتمشي أسبول الماء على كل معبار
لين الأراضي كلها تصبح اقفار
كل الفياض امخضرات بالأزهار
والأرض كاسيها خضر لون الأشجار
تفرح لياشافت من الفقع مسمار
عقب المطر كل له اليوم دوار
وكل العرب تفرح على الخير بالدار
هذا ولد عم وهذا بعد جار
الوقت كله في وناسات واسهار
وشوف الفياض امنورات بالأخطار
ياخذ اصور عنده اتصير تذكار
بجاه النبي اللي لجاد داخل الغار
حيث العرب ترجيه في كل الأقطار
يا خالق الدنيا من أصغار واكبار

يا الله يا اللي ترزق الحوت والطيور
يا عالم غيب الزمن والمقادير
إنك تجيب لنا الحيا والتباشير
من نوصلفات المزون المزابير
سحاب تنزل على ديرة الخير
تمطر بسيل يروي القاع ويسير
لين إيتروى سيلها بالمحادير
تروي بها أرض ذاريتها المعاصير
وتكثر خباريها المليات وتصير
يا ما حلا وإن زان نبت النواوير
لقط الزبيدي والعرب له مداوير
كل تعناله من إكبير واصغير
يفرح به اللي يسمعه بالتذاكير
تلقا الخيام امبنيات طوابير
متقاصرين للنوناسة وتقزير
متباشرين بشوفة العشب تبشير
كل خذاله في حلا الجو تصوير
يا الله بامرك جعل ما قتله ايصير
إنك اتحقق ما طلبته على خير
وتمت بذرك يا ولي التباشير

* * * * *


زيارة أمير البلاد الديوانية شعر النبط

في كل سنة من رمضان وخاصة في العشر الأواخر منه يقوم صاحب
السمو أمير البلاد بزيارة ديوانية شعراء النبط مقدما تهانيه لأعضائها...
ففي تلك المناسبة يشارك بعض الشعراء في تقديم قصائدهم مرحبين
بسموه.

باسم الله أبدي في كلامي وأناجيك
وأسمّعك قافٍ عليه ابتدينا
يا بومبارك في قدومك نحبيك
وازيارتك خطوه عزيزه علينا
أقوالها والكل قالوا هلا فيك
في جيتك واللي معك حاضرينا
أهل الديوانية تباشربطاريك
وبزيارتك ياشيخ مستانسينا
لفته كريمه من تواضع مباديك
أكبر شرف يا شيخنا انك تجينا
شرفت ديوان النبط في خطاويك
وفي جيتك لك بالقصايد هدينا
كل القصايد والشواعر تهديك
أجمل تعابير الوفاء مخلصينا
يا شيخ في كل المواقف نصافيك
أمر وحنال ك ترى ما عصينا

حنا بحزات المواجيب نفديك
ونوفي بحقك ما يخونك حدينا
نحب من حبك ونبغض معاديك
ودرب النصاح بسيرته لك مشينا
يا شيخ جعل الله على العزيبك
لأرض الكويت اللي عليها ربينا
وعساه من سوء المخاطر ينجيك
رب كريم ما لغيره دعينا
هذا شعور اللي من القلب مغليك
وبزكى سلام وبحترام انتهينا

* * * * *



ذكري وتخليد

من منا يجهل الشاعر المرحوم صقر النصافي.. من منا لم يغوص في بحور شعره الموزونه والتي تغنى بها معظم الناس.. فقد كرس حياته للشعر والشعراء. وتخليدا لذاكره أقيمت أمسية شعرية قيلت فيها بعض القصائد التي شارك فيها معظم الشعراء.


لكم يا أهل الكرم وأهل الحميه
تحية واحترام ومقدريه
أبي التوفيق من رب البريه
بذكر اللي تماثيله قويه
أعبر يوم وصل الدورليه
أديب وكل كلماته قويه
مع الشعار وحدوده مديه
وطواريقه جميلات وعذيه
على طول الزمن ذكراه حيه
حفضنا منه قوة شاعريه
وعسى الغفران له من كل سيه
طلبت الرب وأرفع له يديه
شواغير الليال إلا وليه
ولهم بالشعر روحيات وجيّه
يردد من عصور الجاهليه
تطور في مجالات أكثرليه
تخصص عندها له قابليه

بداية كلمتي مني تحيه
لكل اللي حضر معنا وجانا
وبعد يوم جاء بالحفل دوري
أبدي كلمتي ببيات شعري
بحفل إحياء ذكر صقر النصافي
صقر لا من قرئت أبيات شعره
جميع أبحور شعره غاص فيها
تغني معظم العالم قصيده
وخلد بالشعر ذكراه واسمه
توفى بس شعره ما توفى
عسى الله يرحمه بالفعل شاعر
عليه اليوم مني رحمة الله
من الواجب ذكر شعر القداما
تغنوا بالشعر في كل معنى
تراث أجدادنا منهج لغتنا
قديم وحافظه معنا تجدد
تلفزيون وأذاعات وصحافه

فَعُولُهُ وَاضِحَةٌ مَا هِيَ خَفِيَّةُ
عَسَى دُنْيَاهُ فِي وَجْهِهِ هَنِيَّةُ
مُؤَسَّسَهَا لَهُمْ مِنْهُ هَدِيَّةُ
أَقْدَمَ كُلَّ شُكْرِي وَالتَّحِيَّةُ
نَجَاحُهُ وَاسْتَعَدَّ بِكُلِّ شَيْءٍ
عَمَرْتِي يَا اللَّيَالِ الْجَامِعِيَّةُ

بِفَضْلِ اللَّيِّ رَفَعَ قَدْرَهُ وَشَالَهُ
مَخْصُصٌ لَهُ مَكَانُ الشَّيْخِ جَابِرِ
بَنَى الدِّيْوَانَ لِلشَّعَارِ مَدْهَلِ
وَقَبْلَ أَنْ يَكْلَامِي بِالْقَصِيدَةِ
لَمْ يَسَاهَمْ بِهَذَا الْحَفْلِ وَأَظْهَرَ
أَقُولُ بَعْزُ أَنَا مِنْ كُلِّ قَلْبِي

* * * * *



غير رمضان

في كل عام بالفرح والسلامات
شهر التقرب للولي والعبادات
الله يعيده بالليالي الهنيات
عسى الليالي كلبوها سعيدات
والدار بالفرحة تحط احتفالات
لألّ الصباح ارفع جميل التحيات
ويا علمك دايماً بخير وفرحات
والله يهنئكم على طول الأوقات
وحقوق عيد الله علينا كثرات
امشوا بها ياهل القلوب النظيفات
تعاملوا بالمعرفة والسموحات
تري التزاور حق بين القربات
حيث النبي وصى لنا بالزيارات
العطف والرحمة وشيل الخطيات
الكلمة الحلوة تعيد ابتسامات
يا واحد تعلم جميع الخفيات
بالخير وافراح الليال الجميلات

راح ارمضان الله علينا يعيده
شهر الفضائل والليالي الحميده
واقبل علينا عقب ما راح عيده
عم الفرح بين البشر في نشيده
كل لبس زين الثياب الجديده
وأرفع جميل التهنة بالقصيده
وللشعب بالتبريك ثاني نعيده
عسى لياليكم عليكم سعيده
العيد فرحة والليالي مديده
احقوق عيد الله علينا عديده
خلوا ادروب الحقد عنكم بعينه
تزاوروا بالعيد ياهل العقيدة
تري الزيارة للقرايه مفيدة
وفعل التسامح والعلوم الرشيدة
وحق المساكين الضعافا تزيده
ويا الله ياللي جملة الخلق بيده
إنك علينا كل عام تعيده

* * * * *

« استراحة »

يارب تحفظ بلاد العز معموره وحنا فداء الدار والي قاد رايتها
وعسى الكويت بسلام العز منصوره والشعب والدار بقيادة حكومتها

الناس يالايي بالك تحاقرها كانك تحاقر ترى العالم يحقرونك
إنقدر الناس من بالفعل قدرها والناس في مثل نظراتك يشوفونك

لا تحسب إن الوقت خل يصافيك ترى الزمن لوصاحبك دوم غدار
الوقت دايم لاتظنه اغاويك لو زان لك يوم ترى الوقت دوار


ياكثر ناس من الضيقات مشحونه وياكثر ناس من الراحة فرحانه
كل حياته يمسيها على افنونه مرات تريح وبعض امرار خسرانه

ياحبيبي عشري لك من زمان مع مرور الوقت تمشي بالصعود
لويطول الوقت لك عندي ضمان والجوارح كلها لجلك شهود

=====

بَابُ الْجَمْعِ عَالِمًا وَالنَّفْدِ

هَذَا قَصِيدُ النَّفْدِ وَالْاجْتِمَاعِ
وَمَشَاكِلُ عَالَجَتَهَا فِي قَصِيدِي
حَاوَلْتُ أَنْ تَرْجُمَهَا بِكُلِّ الْمَسْأَلِ
وَأُشْرِحَ مَعَانِيهَا لَكُمْ فِي نَشِيدِي
وَعِنْدِي عَنِ الْمِيلَاتِ قُوَّةٌ دَفَاعِي
أَخْصُ ... مَا عَمِيَتْ وَاللَّهُ شَهِيدِي



سُرُود

من منا لا يفعل عزيزي القاريء عندما يعلم بأن لمحبوبته محبوباً
آخر... ومن منا يرضى أن يشاركه في حبه إنساناً آخر.. ومن منا لا يحس
بالغيرة تجاه من يحبها ومن يرضى بتشهير حبيبته أمام الناس وتقبيلها
غير مبالياً بمن حوله... نعم إنه أنا مع الإنسانية التي قتلت روح الغيرة في
نفسي .

عندي قصيدة يا عرب ببتديبها
والدور يوم إنه وصلني بجيبها
قصيدة من قلبي اليوم قلتها
وعن سكة النقد أنا منتحيبها
أحاسب لناس على النقد جاهزه
ناس عليم الكون ردا نصيبها
وابعدتها عن سكة العيب والخطا
أخاف أحد لاسمعها يهتزيبها
لأنني مع الشعار امثل قبيلتي
وياجب على أرعى اسمها واعتني بها
وبشرح لكم قصة هالأبيات واسمعوا
أسبابها بقولها وابتديبها
أسباب أنا قلت القصيدة أمن أجلها
للعلم ماني صوبكم مشتكيبها
صدفة سألني واحد واستمتعت له
وركزت بسألته وشنهو يبيبها

وأثره مقصوده بسؤال عاطفي
بالحب وأدروبه وما يحتوي بها
يقول إنا بسألك بالله والنبي
تقول عن نفسك ومنهو حبيبها
منهي حبيبة قلبك اللي تحبها
عسى تهنا بك وهي تهتني بها
وردت من قلب بالأشواق ممتلي
ونفس صراحة حبها تلتزيبها
لي الشرف في اجابتي يوم أقولها
إجابة نفسي تفاخر بطيبها
يا ناشد عن حب قلبي ومهجته
وتبي خبر نفسي وكنك طليبا
حبيبتي بالكون ما أظن مثلها
ولا تنوجد فبعيدها مع قريبها
نبح الغلاء والحب والصدق والوفاء
صريحة في حبها الله يثيبها
أحبها من قلب والكل يستمع
واشهر محبتنا وكل دريبها
يضيق بالي يوم ما أشوف زولها
وأحس نفسي كل عله تصيبها
اغلاء الخلايق داخل القلب حبها
إمصاحبه قلبي وقلبي صحيبها

تفرح بفرحاتي وتحزن لضيقتي
لو نفسها لجلي يزيد اتعذيبها
وأجيلها دايماً وكلن يشوفني
وجياتها ماني من الناس أهيبها
واحبها وأجلس معاها بقربها
وارتاح أنا يا ناس يوم التقبها
ما هي من اللي تخون بالحب عهدا
ولا هي من اللي دايماً ينحكي بها
لو غبت عنها إسنين لي ما تغيرت
ومحبتني في قلبها ما تسبها
وأدريها غيري لها ناس غاليه
تحب غيري بس ذا ما يعيبها
أحبها لو حبت الناس كلهم
عندي عزيزه ما تغير رتيبها
لأنها من قلب فعلاً تحبني
وحبي لها ما ينوصف يا عجبها
ما غيرني عن غلاها وحبها
من يملكن من الوصايف غريبها
خشوف عليها الزين والملح والحلا
ما غيرن قلبي وهو يدعيها
هذا هو الحب الحقيقي ومنبعه
لا قالته من صبح ما هو كذيبها

وحببتي يا ناس لحد يلومني
 هي «أمي» اللي مرضعتني حليبها
 أمي هي الي كل هالحب لجلها
 ومحبتني قلبي لها يقتديها
 ما ألحق جزاها لو بها كنت مجتهد
 وافضولها ما ظنتي تنجزها
 يا ما وياما لو بعدد افضولها
 لكني ابدي كلمتي واكتفيها
 واذكر مثل ما قلت أنا اللي تحبهم
 تراهم اخواني وهم بعد صبيها
 واللي بعد حبه يعادل حبها
 ومحبه عندي بقلبي نديها
 اغليه أنا وبوسط قلبه مكانتي
 ومعزته يشهد عليها رقيبها
 وأضنكم صرتوا تعرفون مقصدي
 «أبوي» واسمه عزوتي وأعتزبها
 اثنين أعز الناس عندي واحبهم
 وافدي لهم نفس غلامهم يصيبها
 «أمي وأبوي» الله يطول عمارهم
 وعسى الولي لي طلبتي يستجيبها
 والختم صلى الله على سيد البشر
 عد الليال وعد مخضر شعيبها

* * * * *

المرءة

كثرت المشاكل الإجتماعية والمادية في المجتمع العربي وخاصة في
الأونة الأخيرة... وترتبت على أثرها مشاكل أخرى أثرت على بعض
الشباب والأسر فأدت إلى الضياع والفشل والصراع.

يا كثر اللي يعانون المشاكل
أحد يشكي مشاكل نقص مالي
أحد يشكي من الفقر ومعاشه
عليه أقساط واديون كثيره
وأحد بالبيت يذنه حريمه
هذيك اتصيح جبلي بيت ثاني
ابيلي بيت أمكمل الحال
والأخرى له تقول إنك منافق
اتوديه وتشتري كل حاجه
حياته من سببهن غير حاله
وترى بعض الشريكات بسعاده
وفيه أطفال يشكون التعاسه
عليهم عمه ما هي رحيمه
تفرق بين الأخوان وبعضهم
وأبوه سالي ما هوب داري
حرام اتخلي أطفالك ضحايا
وبه عمه تعوض الطفل بأمه
وفيه أيتام عنهم راح أبوه
هو اللي كان حافظهم وجوده


مشاكل من قضية في قضيه
وأحد يشكي مشاكل عائليه
قليل ولا يسد المصرفيه
وحظه دايم اعزومه رديه
معه ثنتين في بيته سويه
جديد وفيه أواني منزليه
أنا مليت من زوجتك ذيه
اتطاوعها وأنا صرت الضحيه
وأنا لاقلت لك قلت أمعصيه
اليامنه طلع يفرح اشويه
خوات ابيتهن في كل ريه
عقب موت أمهم راحوا وطيه
ولدها تفرقه من دون خيه
حشى لله ما هيب آدميه
ما همه لو يشوفون الأذيه
لزوم اتراعي ابنفس رضىه
ترى العمات فيهن اجوديه
توفى جعل باخرته هنيه
عن المنه وعن طلب العطيه

يود يهم ويشري كل شيء
 تكدر صفو دنياه الهنيه
 تردد بين روحيات وجيه
 مشي والا مع الجيران خيه
 وتسهل دربهم في كل نيه
 علينا ظاهره ما هي خفيه
 وهي حب المظاهر والعليه
 تمشي داخل السوق وجريه
 من المكياج صارت «مزهريه»
 وشنطتها من الزينه مليه
 أخص اللي بهن هالموصفيه
 شباب صارت انفوسه دنيه
 يبي طوله من الأمتار ميه
 حشى سيارته ذي قنصليه
 يحسب الناس ما تفهم غبيه
 يقلد فيه عادات أجنبيه
 بليله مع نهاره وضحويه
 عليه امسجلات كل سيه
 جمعهن في ملفات الهويه
 لعين وبه خلائق هستريه
 أنا خصيت ما أعم البريه
 لو أشرحها أنطول بالقضيه

هو اللي كان يتعب من وراهم
 وعقب ما مات يا ناس انظروهم
 حوايجهم تجيهم بالتعاسه
 إذا صاروا يبون اعلاج راحوا
 ألا يا الله تجبر من عزاهم
 وفيه أيضاً بعد ياناس شغله
 على الجنسنيين شبان وصبايا
 تشوف البنات في ثوب امصلخ
 بوسط الوجه حطت كل صبغه
 تحب الفخفخه في كل حاجه
 وأنا ما عمهن كل البناتي
 وأعود للشباب وما يسوي
 يحبون التكشخ بالمواتر
 تشوف بموتره عشيرن أريل
 ترى ندري دعايه في دعايه
 يطول قصته كنه خواته
 يدوج بالشوارع كل حزه
 وبعضهم تارك التجنيد فاشل
 غياب وخصم وأيضاً فيه اضافه
 في خدمة موطنه عيا يداوم
 وأقول أيضاً مثل ما قلته أول
 وبه عدة مواضيع كثيره

لاشك ابختصر يا ناس قولي
 كتبت القاف مني لجل ذكرى
 عسى ما قلت في قولي خطيه
 وصلی الله على سيد البرايا
 لكل الناس بالدنيا الفضيه
 عدد ما هل وزن الخرمسيه

* * * * *



أوضاع عزيزي

رغم المشاكل التي يعيشها كل منا في حياته إلا أن الحياة حلوة...
بكل مافيها.. فابتسم عزيزي القاريء وأنت تقرأ هذه الشكاوي.. واحمد
الله دوما وأبدا فأنت افضل من غيرك.

بسم الرحمن الرحيم	اللي بالخافي عليم
سبحانه رب كريم	أبدي باسمه وأستعين
ومن بعد ذكر الرحمن	العالي عزيز الشأن
نبدي في بدع القيفان	وانرتبهن بالتلحين
بتكلم معكم وأقول	كلام كله معقول
مشروح في عرض وطول	وموجودات البراهين
موضوع شفته موجود	متكرر دايم بالزود
بالمجتمع دون إحدود	وأكثركم عنه دارين
أبقوله واسمعوه	يا جماعة وافهموه
واذا مخطي صحوه	واسمعوا يا سامعين
أول نبدي بالشباب	وأیضا للبنات أحساب
والعجايز والشباب	كل في دوره يحين
بعض الشباب المقصود	فعله ما أظنه محمود
تصريفه دايم مقرود	عسانا عنه ابعيدين
أهله من طبع الحال	يبونه يصبح رجال
هدفهم فيه الأموال	يرجونه ينفع بعدين
من صغره معهم ربوه	وكل شيء يطلب جابوه

ويومه كبر زوجوه
لكن بعد العرس اشصار
قالوا منه يا ستار

الحرمة شئخها حيل
في ما قالت له يميل
يرضيها لويزلون
للحرمة دايم ممنون

واليا حصل معهم شي
ولو الخطا منها هي
والحرمة قالت ياليت
ناخذ راحتنا بتثبيت
وهو لما قالت قال
ماكنه هو الرجال
خلى أمه وأبوه وراح
لرضاها يمشي بنصاح

ما قصده ضيق في البيت
ازعل كانك ما سويت
نسى فضل أمه وأبوه
ياما زعلهم وأرضوه

خليت اللي هم ربوك
غلاهم ما فيه اشكوك

وفي عرسه هم فرحانين
عقب الفرحة شبت نار
يا الله يا ربي تعين

يمشي معها بالتدليل
وابشري باللي تبين
اهله ما يهمون
المهم انتي ترضين

لوا بسط من شرب المي
قال انتم دوم المخطين
نطلع عن أهلك أبيت
نكون أحسن حنا اثنين
امرك نمشي به بالحال
تلعب فيه ايسار ايمين
وياها وهو مرتاح
قال إلهم حنا ماشين

لكن قالت له مليت
عفريت وطق براسين
اللي من صغره ربوه
اللي لجله تعبانين

أهلك أمك ويا أبوك
ضحيت ابهم لجل الزين

واستفحل جاله منهاج
ما سوى مثله هالحين
تعبهـم ما هو مخلوف
ويكونو عنه راضين
اللي يمشون بحقران
تلعنهم ليوم الدين
اذا انتم لا تزعلون
قبل الحرمة كنتم وين
ويألهـه دايـم مبسوط
فيهم ناس مضبوطين
نشوف اخطاهن بثبات
وانبين كل النوعين
تمشي في خطه وافنون
وبعدين الصاع بصاعين
حب وتقدير ممزوج
وتنفذ خطتها زين
قالت حمّل يا حمال
وتجنن عقله تجنين
وتسوي ما تشتهيـه
وتحط بقلبه جرحين
في طلبتهم بهذلوني
لو انهم معها زينين

نساهم عقب الزواج
يوم أنه قبل محتاج
وشحقه ينسى المعروف
الواجب فيهم يروف
ودك هالنوع التعبان
لاهلهم ويا النسوان
ويا اللي مني تسمعون
ابسألکم بالقانون
ولا أنسى اللي فيهم مضبوط
عرّابي والا مربوط
ونرجع ثاني للبنات
ناخذ معهن ودوهات
بعضهن لا اعرس ملعون
بدايتها معك اتهون
بدايتها ويا الزوج
حتى يركد فيها الموج
والياجابت منه اعيال
تلعب في حال الرجال
دايم هي تامر عليه
شغلتهـا دايـم تذيـه
تقول أهلك يزعلوني
لو ارضيهم هم يذوني

مذهبا مذهب غشاش
 لا منه راح لمطراش
 جنته ويا عائلته
 منهم تعذيبي شailته
 حاله منها في تعذيب
 في راسه طلعت الشيب
 بعض الزوجات اكبر عله
 ارضاها صعب توصله
 وارجع ثاني بالكلام
 فيهن زوجات تمام
 وصلت لدور الشياب
 ما قلته من دون اسباب
 بعضهم من شين افعاله
 ما شي بالراي لحاله
 رايه بس اهو المفروض
 صراحة طبعه مرفوض
 حياة اعياله في كيفه
 مشاهم غصب بتصرفه
 يرذلهم دايم ترذيل
 اسمعوا مني ما قيل
 ولا عند اعياله ديوان
 عنده هالمبدأ تعبان
 ويا اهله دايم بهواش
 دايم منها متأذين
 كل شي فيهم قايلته
 معهم محنا مرتاحين
 لا راحت ولا ترتيب
 وايضا حملته بالدين
 ولو تعطيها عمرك كله
 وحده لكن عن خمسين
 ما أضلمهن هذا حرام
 ما حنا عنهن ناسين
 ابذكرهم دون اعتاب
 شيء مشيوف بالعين
 متدهورة حال اعياله
 ما يفهم جيم ولا سين
 كن الدنيا عنده فوض
 لو قلنا عنه مقدين
 هذا ابيه وهذا اعيفه
 في تهديد وفي تلعين
 انتم منتوا رياجيل
 بالقوة ما هو باللين
 يسترهم لاجا ضيفان
 ولا يحب الدواوين

وفي عرس اعياله لا امعنت
المعرس هو وإلا انت
اوليده يتوهق فيها
قايله والله ما بيها
وترى زواج المجبور
كلام كله مخبور
من بنات ومن شبان
زوجوهم بالعصيان
المحاكم متروسات
وإلا بعد مطلقات
ولا أقول الوحده تختار
اخذوا بالموضوع اشوار
احد راى له مرغوب
كل مع رايه في صوب
والشيبان ايضا ياناس
بعضهم رجل حساس
وهالحين الدور اللى جاي
بالعجايز نبدي راي
العجايز هن الموت
كم هدن عمار بيوت
كم فرقن بين احباب
مشاكلهن دون احساب
هو اللى يختار البنت
حياة وبين الزوجين
علشانه هو باغيها
لكن ما طاع المسكين
ماأظنه يبطي مستور
وياكثر اللى مغصوبين
كله بسباب الشيبان
قوة ما هم مختارين
باسباب اللى مغصوبات
من بعد العرس بيومين
لكن للحرمة مقدار
وادري منتوا متفقين
وأحد من عنده مشطوب
برضاكم والله صعبين
يوجد فيهم طيب ساس
فيهم شيبان عدلين
اللى قلته في معناي
ودور العجايز هالحين
طاريهن مبطي مشموت
وكم فرقن من خلين
وكم واحد منهن منصاب
مذكورات من اسنين

بين الزوجين إلهن عاده
 يا بنتي صيري معتاده
 الزوجة لو كانت زينه
 عقل تقلب موازينه
 اتحرشها للتخريب
 رجلك ما يمشي بالطيب
 الزوجة من طبع الأم
 اما راحة وإلا هم
 العجوز ان طابت فيك
 واذا صارت ما تبينك
 وبعض العجايز مبروكة
 الزينة ماهي متروكة
 واستثنى ما أقول الكل
 اقصد ناس تبي حل
 وانا بشعاري ياناس
 صحيح ان الناس اجناس
 فالطلبة دايماً هداة
 رياجيل ملعونين
 من سبتها تصبح شينه
 وتعطي للخطاة تمرين
 اخذي حقا بالتغصيب
 بالك عنه تسكتين
 هي اللي فيها تهتم
 لازم وحده من ثنتين
 الزوجة صارت تغليك
 شبت في قلبك نارين
 دعواهن ماهي مشروكة
 عنها ما حنا سالين
 ولا امشي درب به مادل
 ما أعم الناس اجمعين
 اقوله تعبير احساس
 فيهم زين وفيهم شين

* * * * *

طبيعة الحياة

باسم الولي بادي بأول قوافيها
علام غيب الليالي وش تواليها
الواحد المعتلي رب البشر كله
اللي على قدرته بأمره يمشيها
ومن بعد ذكره بديت القاف والحونه
مثايل من صميم القلب ناقيها
مثايل تعجب اللي فاهم عاقل
اليا سمعها ومعن وانتبه فيها
ماني بمداح لنفسي وما قلته
لا شك به ناس تفهم وش معانيها
الشي الأحسن على العالم فرض نفسه
وألا الهرايب ما به من يدانيها
نكتب ونشرح قصايدنا على العالم
والمدح واللوم يرجع صوب راعيها
ما كل من جاب قافه صادق قوله
بعض القصايد كثيرات خطاويها
وبعض القصايد معانيها تجي حكمه
من زين قيفانها كل يغنيها
ولا كل من يستمع للقول يفهم له
لو كان لا سمعها باله يلقيها

بعض العرب يسمع الكلمة ولا يدري
 إِمفتاح عيون ميت قلب مخطيها
 وبعض العرب صاحبه وقلوبها حيه
 تفهم معاني كلام اللي يحاكيها
 الناس يا ناس فيها أجناس مختلفه
 محدٍ قدر قبلنا يا ناس يحصيها
 كلٍ على رايه يَمْشِي تصاريفه
 وأنظارها تختلف ويا هقاويها
 ولو كان الأذواق وحده بارت السلعه
 والسلعه اللي بغوها فاز شاريها
 لكن رضا الناس محدٍ يقدر يجيبه
 ما ذكر بالكون شخصٍ كان مرضيها
 كلٍ يبي وقته ايجيله على كيفه
 وكلٍ بوده دروب الطيب يمشيها
 وده على كل شيءٍ بس ما يقدر
 ما هو بكيفه ولو هو أتمنيها
 لو التمني يفيد الناس كثرته
 وكلٍ تفاكير راسه ما يخليها
 لكن عسى الله عن الأخطاء يجنبنا
 حيث المقادير ما نعلم قوافيها
 نسرح ونمرح على الدنيا ولا ندري
 وش تالي أيامها ويا لياليها

دنياً تقلَّب علينا اشكال وألوان
 محدٍ صفت له ولو أنه أمصافها
 تضحك لنا والكدر تخفيه وياها
 سياقتها صارت أكثر من حسانها
 يالله تستر علينا من مصايبها
 دنياً على الناس عجالات طوارها
 كم واحدٍ بالعنا دارت على أيامه
 وصفحاته البيض عقب الخير تطويها
 وكم فرقت بين ناسٍ قبل مجتمعه
 عقب التجمع بعيادات حراويها
 ياما وياما تأذت منها الأجيالي
 مكروهة قبل حاضرها وماضيها
 دنياك ما تنومن يالعبد لوزانت
 بالشين صوبك تعجل في بلاويها
 ويا الله عفوك ورحمتك وتيسيرك
 يا عالم باليالي وش خوافيها
 يا واحد كل الأمة دوم يرجونك
 بذيت ذكرك على أولها وتاليها

سؤال لاجتماع

ابتدي بالله علام السريره
أبتدي به واطلبه لي بالشفاعه
ودي أعبر عن اعلوم كثيره
شفتهن في مجتمعنا يا جماعه
الزواج اليوم مشكلته كبيره
طار سوقه والمهر زاد ارتفاعه
زادت أسعار الزواج اكل دير
كل يوم ايزيد في درب اندفاعه
تفتخر به عائلات اليوم سيره
تفتخر بأعلى سعر مثل البضاعه
والشباب اليوم صار بوسط حيره
لا سمع بالمهر جاء عنده مناعه
وأن بغى يعرس ويمشي بالسثيره
كل ما يملك من الغرضان باعه
ما وراه ودونه يحطه وغيره
ويتسلف يمكن ايكمل متاعه
وإن تزوج بأجنبيّه صار عيره
قالوا انه قد خطب ما شاف طاعه
قد خطب والناس بعلومه خبيره
أو فقير عيشته عيشة مجاعه

ما تبع درب التقاليد المنيره
 ماخذاً من ديرته واطلق شراعه
 بنت ديرتنا تكاليفه عسيره
 والغريبة ما يحبون ابسماعه
 ابتلشنا ما من أحدٍ نستشيره
 العتب واللوم فينا كل ساعه
 والسبب من هالحريم المستشيره
 ثايرات في غلاء المهر ورفاعه
 تلقا الأم اتقول بنتي في قصيره
 مهرها غالي ويلزم في دفاعه
 ظالمات هالبنات المستشيره
 التحدي بينهن ولع شعاعه
 والأبو ماله تدخل بالأميره
 يتبع اللي تامره سمعاً وطاعه
 كل تدبير الأبو عند المديره
 ترسله وهو يتكلف بالطباعه
 لو مهرها غالي مافيه غيرة
 يطلب أكثر في مهر بنته نفاعه
 وين وقت راح وأيام سفيره
 مع زمان أجدادنا يوم النجاعه
 مهرهم لأهل المره يدفع إبعيره
 ويكتمل عرسه ويسعد بقتناعه

والعرب يوم الليالي جت يسيره
اختلف تفكيرهم ما من قناعه
يا جماعه خافوا الله بالفقيه
حظها لا تاقفوا له بانقطاعه
زوجوها دامها بنتٍ صغيره
لا تعنس عندكم ياهل الطماعه
وأنا أخص اللي مشوا في هالمسيره
ما أعم الناس كل له اطباعه
لأن به ناسٍ يحلون العسيره
ينفعك وتساعدك رفعة اذراعهم
وبعد موضوع الزواج أنقول غيره
فيه موضوع انصتوا لي بستماعه
فيه بعض الناس لا سلفٍ عشيره
صد عنه وراح ما رد الوداعه
يوم جاء ينخاه ما قصر ابخيره
قدره واعطاه رجال الشجاعه
ويوم أخذهن راح ما عود أبسيره
صد عنه ولا يببي شوفه ابقاعه
كل ما شافه بوجّه صد سيره
يستحي لا ينطحه يكشف اقناعه
طالت المده ولا رد الذخيره
ويتستر عنه في كثرة اخداعه

ما تعذر منه ربي لا يجيره
 وإن تكلم قال عطني طار طيره
 حط به كل العذاريب ابشاعه
 ناسي يومه تعني يستعيره
 ناسي يومه مشاله بالمطاعه
 خل موضوع السلف يتبع مصيره
 فيه موضوع بداله جاك راعه
 أهل النمات واعلوم الشطيره
 والنفاق وصاحب إدروب المياعه
 بالمجالس يزعجك كثرة هذيره
 يقتفي هذا وهذا في ذعاعه
 عند وجهك يعجبك حسن اتعبيره
 وفي قفاك العيب كله فيك ذاعه
 المنافق لا لقابك درب خيره
 كل شيء لك يجيبه بستطاعه
 في كلامه يضرب ابحوراً غزيره
 ويمدحك قدام وجهك كل ساعه
 لين ياخذ حاجته ويسرع دبيره
 جعل ربي يقطعه راع اللكاعه
 وفيه موضوع عواقبيه خطيره
 انتشر في مجتمعنا بتساعه

جابوا أنواع الخدم من كل ديره
 للغسل والطبخ وأطفال الرضاعة
 والمره بالبيت شغلته وزيره
 تامر وتنهي وتمشي بالدلاعه
 شغلها دايم إتسيّر للقصيره
 للسوالف والتسوق والبياعه
 صح ابيه ناسٍ مواقفهم مريره
 في ضرورة للخدم فيهم وجاعه
 لكن المقصود ناسٍ مستطيره
 الخدم حطوه كشخه وابتداعه
 ما ذكرتوا قصة البنت الصغيره
 هي واخوها قطعتهم في شناعه
 إذ بحتهم خادمه شرسه حقيره
 وغيرها أكثر في جرايمهن بشاعه
 فيه يمكن من يعارضني بشيره
 يختلف رايب ورايه بالسناعه
 هذا تفكيري وكل له بصيره
 خص ما أعم البشر في كل اشاعه
 واسمحوا لي كان طولت المسيره
 جعل ما قلته لكم فيه انتفاعه

* * * * *

الولع الغريب

ظاهرة التحضر الفجائي التي طرأت على مجتمعنا تركت بعض الجوانب الإيجابية والسلبية في حياتنا... مما جعل من سلبياته النظرة المادية تطغى على بعض العقول... وتغير من بعض التصرفات.

قال من شاف العجايب	والهوايل والغرايب
ول من كثر المصايب	في زمننا صايرات
البشر قامت تغيّر	في فعائلها تطيّر
والعقل منها تحيّر	وأبتعد عنها الثبات
يتبعون أهل المظاهر	ودهم بأعلى المفاهر
ناسي من كان خابر	باليالي الماضيات
يوم حاضرم تحولّ	ناسيين الوقت الأول
يوم للرزق إيتجوّل	بالمراره والحالات
قبل بالخبز غداهم	والا بالتمره عشايم
يحمدون اللي عطايم	لو قليل به غنات
ممشاهم درب طويل	يتبعونه للحصيل
يبون الشيء القليل	عيشتهم هم وحسرات
والعالم هالحين اشلون	تغيّر من لون اللون
في واقعهم ما يرضون	يبون أشياء كثيرات
الله زودهم بالخير	والرزق أمن الله كثير
ما يبغونه جاء يسير	جابه رب الكائنات
العيشه هالحين ابراحه	تجي والعالم مرتاحه
توصل للواحد بمراحه	أحمد من زاد الخيرات

كل عايش له في بيت
والكهرب تشب الليت
ومكيفات بالصيف
تجعل لك جو لطيف
مرتاح وعائش بركود
البيت بوسطه موجود
والمسافات الصعيبة
ابسرعه عندك تجيبه
بس الناس ارضاها كاي
دايم يطلبون الزايد
وبالحاضر بعض الرجال
اعياله ويا الحال
ما همه عيشة جهاله
ما فكر في حال اعياله
والله هذا ما يصير
لا يجي منك تقصير
أنت اللي عنهم مسئول
أحفظ نفسك على طول
وتالي نرجع للحريم
يا الله بالحل السليم
بعضهن بالوقت الحاضر
مع رجال البيت اتجاكر
شغلته مثل الوزير

يجيه الماء في تثبيت
وبشتا حطوا دفايات
تنفخ في صوت خفيف
والدرايش بردايات
منته للشغله مظهرود
سواقين وخدمات
فالوقت الحاضر قريبه
سيارات وطيارات
ما توفيه القصايد
والدبل عشر مرات
في بيته ماله مجال
يعطيه الحرمة باسكات
عذره دايم كثر اشغاله
هم حيين وإلا أموات
افهمني مانت بصغير
تكسب فيهم خطيات
في صعود وفي نزول
خل أفعالك غنيمات
نمشي معهن بالتقسيم
لا يجي عندي غلطات
دايم في لجه ومناجر
تبي في أيديها السلطات
تامر وتنهاي وغيره

وتجيهها بكل الحزات
طوّل وياها الجدل
قالت عند الهنديات
دخانه في جوه ثار
مشاكلهم زایدات
يتركها وهو امتبسط
ونجيب ألهامعرفات
بالسهر والا بالنوم
ويزعج ناسه بالصيحات
أحرق في موثره احراق
وقلوسه بالكراجات
لا شفته كنه مدروق
ويتحشرش في البنات
عسى فيهم ما ظلمت
حركني بعض الشارات
يا عالم والله أعلم
وهن اللي دايم عدلات
أتسوي شيء يهيل
ضالمات غلطات
تشوفه ما هو غريب
وبالزينة متمكجات
لا به عرس ولا به لون
للشباب امغانلات

وتسير يم القصيره
واليا سئلها الرجال
وإن سئل وين الجهال
والشباب اليوم صار
استر منهم يا ستار
لا جاء عند أولى متوسط
قال لحاجتنا انتوسط
واشغاله في كل يوم
ولا جاء عند الظهر أيقوم
واليا منه طلع ضاق
بالتشفيط وبالسباق
واليامنه راح السوق
كاشخ وعيونه تبوق
يمكن يكفي ما علمت
من ما شفته تألمت
ونعود لبنات اليوم
دايم حنا فينا اللوم
كم وحده فيهن تعيل
تلومك في قال وقيل
ولا راحت للسوق العيب
أموسعة صدر الجيب
وش حقه تلبس هاللون
البنات اللي يبون


وأنا ما عم الجميع
 لا يصدر حكمه سريع
 صحيح أن الناس أنواع
 وأكثر من هذا يذاع
 لكن جبنا هرج الواقع
 ما حطيت من الصنایع
 الله يكفيننا التوالي
 اللي مروفيها حالي
 غرابيل آخر زمان
 صارت بشكالٍ وألوان
 يا ربي تستر علينا
 من فضلك يا الله تهدينا
 يا لله تحميننا في ظلك
 الخافي عنا باين لك
 تحميننا حنا والدار
 الخير الها دايم جار
 فيها حكام الصباح
 شنفنا فيها السعد لاح
 حطو فيها اليوم اقصور
 ومدارس تمشي بالدور
 ما فيها كله جميل
 تلبس هذاك الكليل
 يا كويت العز العريبه
 لحد في عدي يضيع
 لين ايلحل هالكلمات
 فيهم كريم وشجاع
 فيهم ميزات زينات
 من ما شفته جالي دافع
 أشياء والله حقيقات
 ويستتر من شر الليالي
 تغير كل الساعات
 كان اللي فيها ما كان
 فعايلها غريبات
 من دنيانا ذي تحميننا
 وتبعد عنا المعصيات
 ونمشي في درب راضلك
 نبي منك السّلامات
 يا كويت العز العمار
 مذكوره يا أم الخيرات
 في ضل أطيور الفلاح
 قامت فيها التطويرات
 ومستشفيات وجسور
 فيها كل المرحلات
 كاملة بأحسن تكميل
 ونتفاخر بالحلوات
 سكانك دايم قريبه

نمشي لك درب الطاعات
لابه زود ولا نقصان
عادلتهم بالسوات
تفديك أعيال الحمائل
ولأمرك جينا سباقات
بيِّن قاصيه ودانيه
يطلع يطلع بالخبرات
بأسمك يا كويت العريب
وكل القبائل لك جات
من ربعي ثبت وتأكيد
يشهد لنا وقت فات
في الشجاعة مذكورين
انشد وتلقى الثبات
وبني خالد والحروب
قدايمهم مذكورات
ويا شمر والعقبان
كل خذاله جولات
والمره وياها مطير
فعايلهم معروفات
والشراري والقحطاني
قدايمهم باينات
لا تفريق ولا توزيع
متساوين وجماعات

حنالك وأنتي حبيبه
صرنا في مريبك أخوان
الحضرويا البدوان
يا داري يأم الجمائل
وتمشي لك كل القبائل
كل يشهد له ماضيه
والبيِّن محد يخفيه
كل لأمرك يستجيب
نجيلك دايم قريب
وأول من جاء للتجنيد
واجبنا ما عنه انحيد
العوازم معروفين
من اعصور الأولين
والهواجر والزعوب
من شمال ومن جنوب
والدواسر والعجمان
والسهول مع السبعان
والعنوز مع الظفير
والرشيدي فيه الخير
والفضلي ويا الهرشاني
ويّاهم بعد العدواني
كل القبائل جميع
كل في ذكره يشيع

وبالله يا للي تسمعوني
فيما قلته سامحوني
وآخر موضوع الكلام
على رسول الأنعام
أكثر مني تفهموني
يمكن طولت الأبيات
عدد من في شهره صام
أحلى سلام وصلات

* * * * *




اختلاف الزمن

الناس دايماً تقول الوقت مُتَغَيِّر
ما تدري إن التغير في طبائعها
اختلفت الناس والدنيا على ما هي
أيامها والليالي في سنايعها
الوقت ثابت لا شك الناس غيَّرتَه
حتى الليالي تبيها من تبائعها
حتى الزمن ودها يمشي على أرضاها
لاشك لو حاولت ما الله بطائعها
يا ناس هذا الزمن من خلقت الدنيا
ثابت لا شك العرب شانت نوايعها
هذا هو الوقت وأيامه هي أيامه
الصيف واشتاء وتعرف من سوايعها
والشمس تطلع من الشرق وتجي جبله
ويصير ليل ونهار من طلائعها
واشهورها ما تغير عدها ثابت
كل يعرف العدد محد امضيعها
مير البلاء والتغير صار بالعالم
الناس قامت تغير في شرايعها
قل الحياء والعرب كثرة بلاويها
زادت خطياتها ويا سنايعها

الناس هالوقت ما تدري قوافيها
 ما همها إلا المصالح في نفايعها
 لا صار به مصلحة كل يدورها
 تركض وراها عساها في قلايعها
 وإن كان ما به مصالح في طرايقها
 صدت وكنك على الخدين صايعها
 وشلون الأخوان محد ايزاور الثاني
 قلت زياراتها ويا جمايعها
 وشلون زادت اشكوك الناس بالخونه
 قلت ثقتهم وزادت في صنايعها
 الناس هالوقت قامت تتبع الموضه
 حتى تقاليدها قامت تبيعها
 قلت وناساتها وكثرة مصايبها
 في كل شيء بدى التغيير لا يعها
 الله يستر علينا من غيرهم
 اعقولهم يا الله انك لا تضيعها
 وإناتراني ما عميت البشر كله
 لأن البشر بعضها تحفظ ودايعها
 يقوله اللي يشوف الهول في عينه
 شيء حقيقه ما جبته من بدايعها
 صحيح توي صغير ولكن العبره
 ما هيب صغر العمر بالعقل فايعها

أفهم كثير وكثير اليوم جاهل به
 واللي عرفته كتبته في وضائعها
 ويا ناشدٍ غني إسمع ما تبي مني
 بوضح أصلي وفصلي من دفايعها
 أنا من أهل الكرم والطيب والخوه
 من لابة ذكرها باين وشايعها
 ربعي اعيال العوازم وافتخر فيهم
 ضد المقابل الياحلّت وقايعها
 وأقول كل القبائل حقها وافي
 والنعم في كلها تعرف سمايعها
 وأرجو من اللي سمع قلوي وتعبيري
 يسمح لي إن كاني أخطيت ابطبايعها

* * * * *



«استراحة»

يا الله يا علام ما كان غايب يا واحد بأمرك تدور الهباب
تحمي لنا دار الكويت الحبيبه وتحمي وطننا من جميع المصايب

يا اللي تريد بحياتك طيبة السمعه
اتعب على الرجله لينك اتحصلها
بالك اتحسب لشكل اللون واللمعه
بعض المظاهر ترى العله بداخلها

ترى الدنيا ولو طول حلاها عقب خيراتها يطلع رداها
ولو تعطيك من لذة طربها ترى باكر تبني تاخذ عطاها

بعض المرض ينفع مع اعلاجه الكي وبعضه يضره ما يزيده نجاحي
وترى العقل يفرق طريقه عن الغي وراع الركاده دوم دربه سماحي

خلاص نفسي منك يابنت طايه وعن سكة العشاق والحب تايه
ملت من كثر الغراييل والعنا وش لي بدرج كاثرات مصايه

== = = = =




فقط للعائلات

بما أن للفتيات حق في التنزه والترفيه في الأماكن العامة، أيضا للشباب حق في ذلك... وهذا ما يتجاهله البعض مانعا الشباب من ممارسة هذا الحق.

النوادي واقفه ضد الشباب
والحدايق كلها للعائلات
سكروا قدامنا مليون باب
وكلمة الممنوع قدامك ثبات
لا تحاول ما يردون الجواب
كان ما عندك حريم ولا بنات
غير هذا لا تجيهم بقتراب
جيب نسوانك وتدخل بالزفات
حاسبين لدخلتك مية حساب
كن دخلات الشباب مظاهرات
عندهم في دخلتك لوم وعتاب
جاي تفعل للبنات معاكسات
الشباب محاربينه برتكاب
التحرش وأفعال المشكلات
لا تعمون الشباب إكل ناب
خافوا الله من طريق التفرقات
مقصدي واضح ومفهوم الخطاب
والمعاني يا جماعه واضحات

إرحمونا من قرارات الكتاب
الأماكن إليه عَنَّا مقفلات
الشواطي والحدايق يا شباب
طالعوا باللي عليها معلقات
العلامه واضحه في كل باب
سجلوا فيها «فقط للعائلات»

* * * * *



السيل والعجائر

بسم من خالق الدنيا ويعلم كل مافيهها
إلاه الكون سبحانه عليم في سرايرها
أبيدي كلمتي بإسمه وسجل في قوافيهها
مواضع من الواقع براسي ودي أذكرها
أبذكرها وبشرحها وببعدها وبنديها
وأبأ الي ما درى يدري بماضيها وحاضرها
مردي لي على علوم من أقصى الناس موحيهها
وهي بالفعل عاديه ولكن ما تحاقرها
يقولون الشباب أنته قصيدك دوم مذيها
تهاجمهم بكلمات على العالم تفسرها
على الجنسين طعناتك بشعرك يوم تبديها
توهقنا بما قلته وعمتنا مخاطرها
ومردي يوم قالولي موضح في معانيها
أبدافع بكلماتي وعند الناس ابنشرها
أنا دايم تماثيلي يومني فيهم أبديةها
أقول أخطاء حقيقه وبينه مظاهرها
ولكن فيهم الزينه ترى ماني بناسيهها
بغض ناس نعاتبها وبعض الناس نشكرها
وأنا يا ناس بشعاري لزوم أكتب بتاليها
أخص البعض واستثنى ما أعم الناس حاذرها

وأنا في كلمتي هاذي ما قصدي بس أراضيهـا
 أنا لي كلمةٍ وحده وهي للحق أبظهرها
 دروب الخير ابذكرها وشباب اليوم أبعطيهـا
 شباب في عدد سني لزوم اليوم أناصرهما
 أنصار فيهم العاقل إلّيا حلت ملاقيها
 وابعّد سيرة الخارب وعنه الرجل أنا أقصرها
 أحب اللي بعباداته دروب الطيب يمشيهـا
 نظيف القلب والنية وصدقانه يقدرها
 وشباب اليوم يا ساتر ترى العالم تعاديهـا
 إذا شافوا خطا قالوا شباب اليوم مصدرها
 شباب اليوم متعقد من ظروف يقاسيهـا
 جميع الناس في وجهه وهو ما هو بقادرها
 وأنا يا ناس بامثالي يومني دوم أسويها
 ما أخص ابها الشباب وبس أنا هالحين أبظهرها
 وترى أيضاً كبار السن كثيرات بلاويهـا
 بعظهم ما أجمع العالم أنا نفسي محذرهما
 كبار السن نذكرها ونكشف عن خوافيهـا
 يجيك الدور يا الساكت ونكشف لك سرايرها
 بعضهم يذي أعيالة بشغلات يسويها
 على كيفه يبي يمشي ولو أنه يدهورها
 يمشيهـا برغباته عشانه صار واليهـا
 فرض نفسه بتدبيره ولا حتى يشاورها

بصرخاته ولجاته عياله دوم يدعيها
 لو أن أعمارهم حوله بكلماته يكدرها
 وترى الشيبان قلناهم ودرنا في دعاويها
 وبقى تالي عجائزها انحقق في دفترها
 إذا صارت لها بنت تحكم في مساعيها
 وإذا متزوجها صارت على الحيله تذكرها
 حياة البنت زوجيه تدخل في شكاويها
 ما بين الزوج والزوجة تجيك تقول حاشرها
 مصايب واضحة والله وكل الناس تدريها
 جميع اللي تكلمته أظن الكل خابرها
 وأنا ما أعم في قولي جميع الناس ما جيها
 أخص اللي بهم قولي وكلماتي مسطرها
 وكل اللي حصل قلته وبين في مباديها
 لكم بين بكلماتي من أولها إلى آخرها

* * * * *



كلام مخفية


قد يكون بود أحد منا أن يقول كلاما يكتمه بنفسه.. ولكن يحاول أن لا يفهمه إلا من هو المقصود مستخدماً الغازا بجميع ما يقوله.

العين نامت وقلب الذيب مانامي
واللي يبي النوم عينه دوم سهرانه
ما يرقد الليل وتجزئه الأحلام
أحلام ليل من التعذيب مليانه
ليل مساريه فيها أشباح ووهامي
ما ينسريبه وقمرى الليل خوانه
وبروق بقعا تكشف شرق وشامي
وقوة مطرها تزيد اليوم غدرانه
غديرها اللي يعمر صار هذامي
السيل يجري وكل الناس ضميانه
والماء صافي وعيا يشرب الضامي
ولو يشرب الماء كبده دوم عطشانه
عن بارد الماء فيها مخطرأ حامي
من زود حره تلاهب فيه نيرانه
عجرت أعالج وأخفف جرحه الدامي
كني بفعلي أمقرب منه ريحانه
أحاول أمشي وأشوف الموت قدامي
والذيب الامعط يكشر لي بنيانه

والدرب خطرٍ تفجر فيه الألغامي
ويدمر القاع زلزاله وبركانه
الوقت للي يحب الخير ما دامى
والشر يرقص بجنبه دوم شيطانه
لو قلت أنا الخير يجزونه بالأثامي
أن كان تصبح عليّ الناس زعلانه
لأن الذي ما عرف وش مقصد أحكامي
يجوز نفسه عليّ اتصير حمقانه
صحيح معناني عن بعض العرب كامى
والا بعض ناس في معناني فهمانه
وترى الهدف واضحٍ بالحيل للرامي
وكلٍ يحاول يصيد اليوم نيشانه
كلٍ يقسم حياته عشرة أقسامى
ويعدل الكيل في كفات ميزانه
ما عاد فيها تفاهم صارت الزامى
قام المحرول والأطرم عالج ألسانه
حتى تخربط معبايه عد الأرقامى
العد ازيدو ويكثر فيه نقصانه
وعبرت عن ما تشوف العين بقلامى
وترجمت معناني أنا بالشعر والحانه
وكلٍ بكيفه وأنا بالراي جزامى
الدرب أدله وأعرف اسمه وعنوانه

وعلى قياسي أفصل واشتري خامي
والصنف أعرفه وأقدّر قيمه اثمانه
أجاري الوقت وأتعلم من أيامي
ومن لا تعلم حياته مالها خانه
العمر كله تجارب يا بن الأكرامي
واللي يريد العلاء يتعب على شأنه

* * * * *



النِّسَاء والنَّاس

هل من المعقول أن ينظر إلى الزواج تلك النظرة المادية البحتة؟
وهل من المعقول أن تكون الفتاة سلعة مطروحة للبيع والشراء؟... هذه
هي ظاهرة غلاء المهور التي انتشرت في مجتمعنا وهي السبب الرئيسي
في عزوف الشباب عن الزواج... راجيا أن يتحقق ما اتفقت عليه بعض
القبائل بالشكل الصحيح.

الله يستر من تصاريف الأحوال
تغيرت ما يندرى وش وراها
دنياً تغير كل يوم لها أشكال
الله يكافينا بلاوي خطاها
فيها المشاكل والمصائب والأحوال
صارت تزايد كل يوم بغثاها
كثرت مشاكلها عريضات وأطوال
في مجتمعنا قام يكثر بلاها
صارت تزايد والمدى عندها طال
زادت علينا في بلاوي عناها
أشوف بعض الناس فيها تنقال
قامت تغير والبلاء اليوم جاها
لأجل المصالح والمحاصيل تحتال
بالكذب والهرج المزيف غطاها
بعض البشر عنده على الكذب مدخال
وسوالفه لا قالها ما دراها

الله يكافينا خبيثين الأفعال
 أهل العلوم اللي اتزيد أبرداها
 اللي لهم في حش الأجواد مدهال
 بياعة الكلمة على من شراها
 الكل منهم لا هرج تقل دلال
 وسط المجال كلمته ما قظاها
 يعيل بالكلمة قبل كل من عال
 أيدور السببه ويبحث خفاها
 على الهوى بسرار الأجواد نقال
 واعلومه القشري حشاما نساها
 دايم يقول افلان قايل وما قال
 وأيزيد بالكلمات لا من حكاها
 غير النمايم ^{كه} تقل ما عنده أعمال
 شغله مع العالم يحش ابقفاها
 وأيضاً بعد ياناس ابيه شي ينقال
 ظواهر صار ايتزايد مداها
 شفنا المهور الغالية تشعل اشعال
 والناس تتبعها وتمشي معاها
 بعض الرجال اليا خطب منه رجال
 يرفع مهر بنته على من بغاها
 يبيع بنته لأجل الأموال بالحال
 همه دنانيره إليا من خذاها

بنته يزوجها كثيرين الأموال
 ما هوب همه طيبها من رداها
 شرطه غني ولا يبي غيره ابدال
 لو كان خبل ما يحصل عشاها
 والحرمة اللي تتبعه كل ما مال
 وصيته لازم اتزيد ابشراها
 عند الذهب بين الدكاكين تجتال
 اتدور الغالي وهذا هواها
 لو كان فيه إمن الذهب يلبس انعال
 قالت نبيك اليوم تشري حذاها
 يا ناس والله شغلهم شغل محتال
 أنفوسهم بالزود جاها هناها
 البننت قطوها على صافي الجال
 لأجل الفلوس الزايدة في عطاها
 ما همهم لو كان فيها البلاء طال
 لو كان عيشتها اتزيد ابشقاها
 أنشهد أن ابحقها ظلم واطلال
 بيعت من أجل المال لا واعناها
 ضاعت حياة البننت هم وغربال
 والوقت الأقشرفي عذابه وطاها
 خسران يا اللي بعتها تكسب المال
 لأجل الفلوس ونيتك في عماها

احذرك ثم احذرك عن بعض الأندال
 لا تغرقك كثرة افلوسه ابماها
 إحرص على اللي لا ارتكئ للحمل شال
 اللي طواريق المراجل مشاها
 رجلٍ لدرب المرجله والسعد نال
 اللي إليها منه خذاها حماها
 حرٍ قطوعٍ ما يجي عنده اهمال
 نسل الرجال اللي سعد من نصاها
 والناس معظمها تشابه بالأزوال
 وإلا الفعايل تختلف في مداها
 أحدٍ على درب الصعيبات حمال
 واحدٍ فعوله ما يد في سناها
 احرص على الطيب وماشه بالإسهال
 ونار المصده لا تولع ضواها
 عجل عليه البنت يا طيب الفال
 وحلاة عرس البنت بأول صباها
 خلك عوين له بالأقفا ولا قبال
 عيَّنه وعاون حظها يوم جاها
 ما كل هراجٍ صدوقٍ اليا قال
 ولا كل من سام البضايع شراها
 ولا كل من سمي بطل هاز الإبطال
 تجيه ناسٍ تقدره ما قواها

ولا كل من عنده فناجيل ودلال
 إنه يقلطها على من لفاهها
 ولا كل من يلبس على راسه اعقال
 يحسب من ارجالٍ أيوصف كفاهها
 ولا كل رجلٍ للصعيبات حلال
 لو كان ابه لك حاجةٍ كدقضاها
 لو كل من يبغى المراجل لها نال
 كل أرجوم المرجله كد رقاها
 ولو كل ما ترغب به نفس ينطال
 كل يحقق صوب نفسه مناها
 ولو كل من دمعة على ميتة سال
 يرجع... إن كان الناس يكثر ابكاها
 ولو كل شخص حي مهما الزمن طال
 كان المقابر ما من إحدٍ بناها
 لكن تصاريف الزمن كلها أهوال
 ما عاد يعرف عدلها من خطاها
 الوقت هذا . دايماً به تبدل
 وسود الليالي ما تعلم خفاها
 كم غيرت خضر المرباع بالأمحال
 وصارت عليه الطعس يكتح ذراها
 وكم من بناياتٍ بها صارت أطلال
 من عقب أهلها ما من أحدٍ لفاهها

راحوا ولكن ذكرهم حي لازال
 ذكر يردد جيل ثاني صداها
 وكم يتمت من كثر سيأتها أطفال
 وعقب الحنان اليوم محد رعاها
 اقفت بهلهم وانتحت وهم جهال
 ما يفهمون اش تأخذه من عطاها
 دنياك هاذي بين نازل ورحال
 محد يميز وجها من قفاها
 الناس قبلي وصفوها بالإمثال
 لو زانت أيام قليل حلاها
 اليا اقبلت تشبه حسينات الأقدال
 مثل الهنوف اللي تحسب أخطاها
 يصير لك بأيامها خوش منزل
 وتعيش لذات الهنا في رجاها
 واليا ادبرت ما شاورتنا بالأقوال
 تفرض علينا من خلاها بخلاها
 هاذي عوايدها جديداً وأسمال
 مافيه شخص يا عرب ما شكاها
 ترمي مصاييها لنا رمي نبال
 وحنا هدفها يوم ترمي عصاها
 نجمع ابدنيانا ونوعد ونشتال
 وانحسب أيام بعيد لقاها

أنحسب ونجمع ونوعد بالأكمال
 ونبني ونحفظ لين يوصل نداها
 نقول هذا بين مايل وعدال
 ونعطي مواعيد انكمل وفاها
 يمكن زما ما يجينا بالأمهال
 ولا نلحق أيام حسبنا صفاها
 يمكن نموت وكل مخلوق زوال
 ونترك جميع أملاكنا لمن جناها
 يا الله توفقنا على حسن الأعمال
 يا خالق الدنيا ورافع سماها
 وصلاة ربي عد ما يخلق أجيال
 واعداد نفس واجهت منتهاها
 على نبي صار للدين مرسال
 شفيعنا اللي بالرساله مشاها

* * * * *



فائز السمر

قال الذي لا قال قافه تركد
من شان قوله مايجي فيه منقود
ايحاسب أبياته بالأمثال ويعد
يبعد عن النقصان ويدور الزود
من شان لا جاء ناقد قام ينقد
يلقى الطريق اللي يبي عنه مسدود
لا جاء يبي نقد القصيده تعقد
ماله عليها بالمناقيد مورود
اليا سمعها في كلامه ترد
غير طريقة نقده أسهود ومهود
ويا سامعٍ قولي الي اقلته اشهد
ترى طريق النور بين ومشهود
بالناس ميزاتٍ كثيره اتعد
امقسمه للناس جمعاً ومفرد
بعض الرجال إيجيك كالسيف الأجر
حر ولد حر وبالذكر محمود
لا جيتله باللازمه ما تصد
بيذل بكسب الطاييله كل مجهود
وبعض الرجال الياتكلم تجهد
وقت الرخا فعله على الطيب مرجود

واليا بخصته عن طريق الوفا صد
 مجمع كلام ولا يجي منه الفود
 وبعض الرجال اليا نظرتة تنهد
 من منظره تأسف لحاله من الكود
 تحاقره بين الرياجيل بالعد
 تقول مسكين ولا عنه منشود
 وهواليا منه بدئ لازم ايسد
 على جميع ادروب الأجواد موجود
 وبعض الرجال من الدنانير ممتد
 خيره كثير وحالته حال مقرود
 لاشفت ملبوسه وشكله مخمد
 لا حول في نفسه يجي منه حاسود
 اخص بعض الناس إنما تعمده
 والناس كل له تواصيف وابنود
 الناس مختلفه وكل على حد
 مثل الحروف ابهن امشدد وممدود
 وأنا يوم أني في تماثيلي اقصد
 مالي على كل المخاليق مقصود
 لكن مجرد رأي قلته على حد
 ببيات شعر جاكم اليوم معدود
 الشعر نشرح به مواضيع ونرد
 وكل صدى شعره له اليوم مردود

من يشهر اشعاره على الناس لابد
 بالزين والا الشين تظهر له أشهود
 والشعر إذا ما ينفع الناس ينرد
 لاخير في شعر لراعيه محدود
 مدام ربك بالتمثيل لك مد
 حاول تفيد الناس في كلمة الجود
 يمكن لبعض الناس ينفع ويسعد
 ويصحي عقول بهلها دايم أرقود
 بعض الكلام أفييد بالفعل وأنشد
 وتلقى كلامي واضح ما به اصدود
 وأعرف ترى يومك يجي بعده الغد
 واللي كتب لك ما يجي عنه مصدود
 وهذا كلامي واضح ما يبي شد
 لصغيركم واللي توسط وللعود
 عساه يعجبكم وهذا هو الود
 وأرجو السموحة كان به شي مفقود
 والختم صلوا عدة الجزر والمد
 على النبي واعداد ما هبت النود

* * * * *

الْحَسَنُ وَالْوَرَعُ

البيئة والمجتمع تؤثر على الإنسان... فهي أيضا لها دور في تكوين شخصيته... فلكل إنسان حرية الاختيار في كتاباته وقصائده فقد تكون هذه الكتابات محاولة لتنبية بعض الناس الذين يطويهم عالم النسيان.

هاض الضمير وتبيّن كل مخفيه

ونويت أبين مردي في معانيه

من كلمة لي بعض الناس قالوها

بعض البشر خص ما أقوله بعميه

ناس يقولون نسمع في تماثلك

وقصايدك كلها دوم اجتماعيه

دايم تكلم عن الناس ومظاهرها

ومشاكل المجتمع عندك ضروريه

ونويت أبين لهم في ما يقولونه

هذا مردي وكل ينتبه ليه

ترى القصايد لها أنواع بمعانيها

حسب المواضيع كل ضارب نيه

ياناس كل من الشعار له منهج

حسب اجتهاده بتعبيرات شعريه

كل على ما يبي يبدع ثماثيله

وأنا أحمد الله لنا بالراي حريه

أحد قصيده على الجمهور لا قاله

ينصح على الخير ويجنب عن السيئه

ينصح بدرب الهدى والخير بشعاره
 يوصي بدرب الصواب بكل جديده
 واحد قصيده اليامنه تكلم به
 دايم مواضيع كلماته غراميه
 يشرح ادروب الهوى وشلون لوعاته
 سهر وعذاب ورجاء وأخبار سريه
 والحب مافيه عيب في طواريقه
 كل أكثر الناس تمشي فيه مرضيه
 واحد قصيده خفيف ومنطقه صافي
 وأبيات شعره معانيها فكاهيه
 أبيات جزله وتعجب من تسمعها
 توصيفها زين موزونه ومقفيه
 واحد الياقال ما عنده وسمعنا
 يصير عنده مع الشعر رديه
 أما هو المبتدي وإلا هو الثاني
 ورديه الشعر للشعار ماريه
 وترى القصايد مع الشعر مختلفه
 وكل ترى له من الجمهور شعبيه
 والياقصد شاعر وابدئ تماثيله
 ما هو لكم بس للجمهور كليه
 إن ما عجبكم يجوز الغير معجبهم
 أنفوسكم لا يصير إبهأ أنانيه

ويا ناس لودرت أنا في كل هالعالم
 غرب. وشمال. وجنوبيه. وشرقيه
 أنا أدري أن البشر بالراي مختلفه
 بالذوق والراي ما فيه اتفاقيه
 ما كل شخص مزاجه يشبه الثاني
 ولو صار لازم يجي فيه اختلافه
 وقصايدي يوم أنا في خطي أكتبها
 بالمجتمع بين مسموعه ومرئيه
 أحاول أنني أعالج بعض ما شفته
 من هالمواضيع مكشوفه ومخفيه
 بالقاف. وإلا البشر مالي بها حيله
 مشاكل الناس بالروحوات والجيه
 مشاكل المجتمع لو جيت ابحصيها
 عجزت الحق على الأول بتاليه
 ناس بوسط المحاكم دوم مبتلشه
 طلباتها بين هذا لك وذا ليه
 وناس على طول دوم تدور البلوى
 من رحمة الله تقل هالناس منسيه
 وناس تجهد ولا تقضي مشاغلها
 ليا أنتهت وحده تترد مثنيه
 وناس من الدين والأقساد مطلوبه
 الله يهون مشاكلها الحياتيه

وناسٍ تحب المظاهر في تكسّخها
 لا شفتها قلت هاذي خوش شخصيه
 وهي حقيقه على الرنقات حالتها
 ما عندها اللي تصرف فيه موليه
 وأيضاً بعد فيه ناس عكس ما قلته
 تملك فلوس ولها بالبنك ماليه
 ولا شفتها قلت مسكينه وفقرانه
 تقول هالناس بعصور بدائيه
 أشكالها في ملابسها وعيشتها
 ومعايشتها مع العالم هزليه
 لا حول تبخل على أنفسها بما تملك
 وشلون برواحها تصبح اشحوحيه
 وناسٍ تسافر تطرب مالها حاجه
 بين العواصم تقل هالناس عبريه
 وناسٍ على طول وسط أبيوتها طلبه
 إرجالها والحريم أبحرب قوميه
 وشلون هذا وهذا ليش وشحقه
 وشلون ما عندنا سايق وهنديه
 مشاغل البيت مثل فلان وفلانه
 أبي مثلها وأبيك اتصير لي زيه
 وناسٍ على الكذب والحيلات عيشتها
 تمشي بدرب النفاق أنفوس شريه

ويأنس هذا الذي قلته وبينته
 مشاكل كلها والله حقيقه
 وفيها قضايا كثيرة مالها والي
 مشاكل من جنونه وعقله
 هذا بعض ما بغيت أبديه في قافي
 والخافي أعظم استمرارات يوميه
 الله يستر علينا من بلاء الدنيا
 دنياً لها في جميع الناس دوريه
 وبعكس ما قلت فيها ناس مرتاحه
 ناس بخير ومساعدتها اسلاميه
 ناس اتساعد جميع الناس وتعاون
 في يمة الخير به ناس اسنافيه
 وناس على العلم تسعى دوم مجتهده
 اتواصل ادروها بدروس علميه
 اتسافر من أجله وتترك عوايلها
 للخارج أتروح بعثات دراسيه
 تبي طريق العاربي يوفقها
 ويرد من راح كاسب كل مبغيه
 وبتالي القاف بيئن كل ما قلته
 وإن كان بالقييل غلطه فسمحو ليه

* * * * *

بعض اللامحبات

ما كل من قال التماثيل مقتدر
ولا كل شاعر يعجبك مثايله

عزيزي القاريء... ليس كل من دخل البحر بحارا... وليس كل من
ركب الخيل خيالا... وليس كل من كتب الشعر شاعرا... وليس كل صديق
صديق... فبعض من تعتقد بأنه صديق هو العدو نفسه الذي ينقل جميع
الأخبار لنشرها بين الناس للاستمتاع بطريق النميمة .

سار القلم والشعر قربت فإيله
ونفسي على بدع التماثيل عايله
بالشعر اترجم ما تكنه ضمائري

واترك هزيل القول وأخذ جزايله
اتبع طريق اللي بالأشعار قبلنا

أشعارهم في ضرب الأمثال هايله
قصيدهم بين المخاليق منتشر

معنا وهم كل ثقافت رحايله
وأنا بحاول بالتماثيل واجتهد

لو كان حد الشعر ماني بطايله
الشعر وأبحوره بعباد حدودها


كل ما عرفت أشوي زادت هوايله
ما كل من قال التمثيل مقتدر

ولا كل شاعر يعجبك مثايله

الشعر في بعض المخاليق موهبه
 من ربنا اللي ما تعدد فضايله
 وموضوعي اللي قايله في مثالي
 باللي بطبعه ما يقدر زمايله
 يا ناس أنا في بعض الأصحاب مقصدي
 الكل ما قلته ولاني بقايله
 أخص أنا اللي ما تسرك صداقته
 راع المصالح والغدر من عمايله
 يضحك معاك ويعجبك ساعة الرخاء
 يرضيك لين إنه يجمع حصايله
 يرضيك في وجهك ويطعنك بالقفي
 طبع الخيانه ميزه من دلايله
 والياخذا ما يطلبه منك وانتهى
 محبتك صارت عن القلب زايله
 وإلا أنت يا المسكين تمشي بنيتك
 نيتك خير ونيته فيك مايله
 تعطيه من قلبك بما كان يطلبه
 وتشرح كلام له عن الناس شايله
 أسرارك اللي خافيه لا داري بها
 يمشي بها لو كان ما جاء سايله
 الله يكفيننا تصاريف بعضهم
 طبع جميع الناس تشكي فعايله

هذا مجرد رأي قلته بكلمتي
يمكن بعضكم جربه في بدايله
عبرت باشعاري وترجمت مقصدي
ومعناي كلمته وسكرتُ فايله

* * * * *



ظُرُوفُ الْوَقْتِ

باسم من خالق الأرض وسماها
ويعلم غيبها وأقصا خفاها
إلاهٍ عالمٍ بالكون كله
ودنيانا على أمره منتهاها
أبدي كلمتي من بعد ذكره
وابشرح كلمتي في مبتدأها
يأليت إن الليالي علمني
عن اللي كان مخفياً وراها
غدر بي الزمن ويا الليالي
وظروف الوقت جرتني معها
ألا يا وقت ليه اتصير ضدي
حياتي منك جاها ما كفاها
خدعت الناس يا وقت العجائب
تعدل يوم وتكدر صفاها
رفعت النذل وأصحاب الخيانه
سعادتهم اتطول في مداها
تجي معهم على اللي يشتهونه
ولياليهم كثيراتٍ حلاها
تساعد خاين النية بدربه
يتمم خطته بأسفل رداها

وراع الخير يا وقت اتغدر به
وحياته بالعنا تطحن رجاها
وهل المعروف والعادات دايـم
تنزل مستواهم من بلاها
وأنا اللي حدني بأول كلامي
أعلوم بعض هالعالم مشاها
هل النمه وتلفيق السوالف
أمكثرت الكلام أبزود ماها
لهم بالكذب عادة مستديمه
وظلم الناس هو غاية منهاها
يجبون التعاسه والمصايـب
ولا أدري وش على الكذب ايحداها
وعسى النمام والخاين وربعه
وكل اللي يخونون أصدقاهـا
عساهـم للدمار وللزوالـي
وعسى العالم تريـح من غثاها
علشان أيعرف ما كنت ظالم
حقيقة كل ما قلته لقاها
وصحيح اللي نقوله يا جماعه
ترى به ناس لا تامن غلاها
اليا منه تكلم قلبه أبيض
تقل نفسه عن الغلطه حماها

وهو لا صد عنك دار رايه
 طعنك ابشين كلمات نقاها
 وترى ما كل من تعطي علومك
 يخفيها ولا يكشف غطاها
 وترى من جاب عندك هرج غيرك
 علومك عند من جاله حكاها
 يعلم في سؤالك الخفيه
 وعندك قالك محد قراها
 أخص البعض ما أعم بكلامي
 وجميع الناس تفهم بمعناها
 ألا يا الله تستر من بلاهم
 وتكفينا مصاييهم وأذاها
 وتمنعهم من أدروب خبيثه
 وعلى زين الطواريق اتهداها
 وصلى الله على الهادي محمد
 عدد نجم تعلق في سماها

* * * * *

« استراحة »

هذا الزمن وافهم ترى الوقت دورين يوم على العالي ويوم طماني
 خلك صبور له على العسر واللين ولا بد عقب العسر يسر لياني

ارجوك مافيه داعي تكثر الضجه امر عليه اختلفنا ما توافقنا
 الكل منا على الثاني بدع حجه بالراي يازين حنا ما ترافقنا

ترى سواد الليل يوحش بالأبطال اللي سواده جايعات اسباعه
 وترى العدل ياناس بين اليامال ولاكل من هاوش يفكه اذراعه


الهوى راعيه بحواله ضعيف وعيشة اهل الحب دايم في كدر
 والزمن ما ذكر له شخص حليف كم قلوب صافيه فيهن غدر

ياقلب لا يثر عليك الفراقي اصبر ويجمعكم طريق التلاقي
 ياقلب درب البعد لا بد منه والقرب ما يصبح على طول باقي

=====

بَابُ شَيْءٍ الْغَزَلِ

ديوان شعري يكفني عنه مضمونه
جميع ما وسط قلبي بين صفحاته
... وهذا قصيد الغزل يا لبي تحبونه
بيئات شعري عن الحب ... ومعاناته
واسوار حب بوسط القلب مخزونه
بيئتهما في بحور الشعر ... وابيآته




سِرِّهِ الْحَبِيبَةِ

ما أجمل اللقاء بالحبيب وما أصعبه عندما يكون مصحوباً بالخوف من
عيون الناس فيكون اللقاء سريعاً ومشوقاً... وتبتعد بعد ذلك اللقاء مناظراً
لذلك الحبيب الذي لا تسمع به الكلام ولا تطاوع به العذار،

سَلِّمْ عَلَيَّ وريحة الطيب فايحه
وجدايله من فوق الأمتان طايحه
تناثرت من فوق وجهه من الهوى
وايْدِيْهِ في شعره عن الوجه زايحه
يرفع ظلام الليل بيْدَه عن القمر
ولا هبت النسمات فاحت روايحه
أنشهد أنه يملك الزين والحلا
وياخذ من الزين المصفى ملايحه
وَقَفْتُ أنا وياه لحظه من الزمن
في فرصة كانت مع الزين تايحه
وبادلته الكلمات والزين يرتجف
خايف يشوفه من يسبب فضايحه
وأنا عليه الشوق بالحيل هزني
وقلبي من الفرحة تزايد جرايحه
أكلَمَه من غير ما أشعر ولا أنتبه
ونفسي بفرحتها مع الشوق سايحه
وأخذت منه موعد فيه نلتقي
واقفْتُ أنا وياه وأثبت صحايحه

ورحّت وعيوني تلتفت له من الغلاء
وأخطاه سارت به على الدرب رايحه
هذا الصحيح وكلمة الحق قلتها
في شوفة اللي منه الأطياب فايحه
ومن لا مني عني يوقّر سوائفه
ما طاع العاذل ولا أسمع نصايحه

* * * * *



لننمَ... ولأننا

نهائيتك وانتني وحبك سويه
ضعتوا مثل ثلجٍ من الشمس ماعي

قد تُضحى بحبك وعواطفك لأجل الحفاظ على كرامتك وعزة نفسك.
عندما يكون ارتباطك بشخص لا يعرف معنى الحب.. فيتظاهر بعدم
الأهمية للنهائية فكل إنسان لا يرضى الإهانة ولا يقبل الرضوخ للجدال
الذي لا يوصل إلى نهاية مقبولة .

هَدَي على نفسك وهَدَي عليه
لا ترفعين الصوت ما فيه داعي
إن كان نفسك للنهائية قويه
أنا على الهجران قلبي شجاعي
روحي وكلٍ يبتعد عن خويهِ
كلمة صريحة قلتها بقتناعي
لا تحسبين إنك معي عبقرية
إن كان حبك زيف حبي صناعي
انتني بديتي وانتهيتي شقيهِ
راحت حياتك كلبوها ضياعي
نفسك على ما تشتهينه دنيهِ
وإلا أنا نفسي تحب الرفاعي
ماهينها ما دأمت الروح حيه
دايم على العليا طويلٍ ذراعي
نهائيتك وانتني وحبك سويه
ضعتوا مثل ثلجٍ من الشمس ماعي

وداع الحبيب

لحظة الوداع... لحظة قاسية... خاصة إذا كانت مع من تحب..
ففيها قد تسيل الدموع بلا كلام وتبقى تلك النظرات الحزينة التي خلقتها
الظروف ووجود الحائل بينكما... فتقف حائرا متمنيا عودة من تحب.

آخر لقاء ويا أريش العين يا سعود
وسط المطار أحبابه إيوادعونه
وقف يناظر... لي بأعيونه السود
والكل سال بدمعته من إعيونه
ما قال لي كلمة ولا قلت مردود
بس النظر والناس دوني ودونه
محدود هو عني وأنا عنه محدود
واللي معه بعيونهم ينظرونه
وأشرت له مع غفلت الناس بصدود
يرسل علي أليا وصل تيلفونه
ودنق وقفوا وإبتعد ناعم العود
حان السفر والوقت خايف يخونه
ووقفت أنا كني من العقل مفقود
ونفسي عقب فرقا الحبيب إمحزونه
متى علي الله يرجع الزين ويعود
وأفرح إيشوف اللي عيونه فتونه

* * * * *

رحيل بلا عوده

ما أتعس الأحلام عندما توقظها حقيقة مؤلمة... وغير متوقعه، وما أقسى الزمن عندما ينتزع الأمل من ايدينا... وما أصعب النهاية عندما تكون رحيل بلا عوده.

الله من دنياً خذت داعج العين
دنياً خذت مضمون عيني وراحي
مرحوم يا تابع طريق المقفين
ما عاد يرجع لو نزيد الصياحي
مرحوم يا من مات في يوم الاثنين
الساعة أربع قبل نور الصباحي
راحت به الدنيا وأنا أصبحت مسكين
من يوم فارقني صعيب امراحي
ذقت التعاسه والغرابيل والبين
من يوم مات الزين والسد باحي
خل حجب عيني عن الزين والشين
وكان بحياتي سلوتي وانشر احي
ماضنتي مثله بكل المزاين
كامل جمال وكامل بالصلاح
عشنا بلذات الهوى حول عامين
متبادلين أسرارنا بالسماحي
نمشي على درب المحبين صافين
لين القدر وافاه والحظ طاحي

وعقبه حياتي وينها والسعد وين
 تغيرت دنياي وأقفا أرتياحي
 يا موت وش علمك على كامل الزين
 وراك ما خلّيت ضبي البراحي
 وش فيك ما خلّيت سيد المحبين
 اللي مشالي في طريق النصاحي
 يا موت من هالناس طفت الملايين
 ما جيت غير الزين سيد الملاحي
 أبكي عليه وداخل القلب جرحين
 وابكاي ما وصل طريق النجاحي
 لو البكاء يرجع من الناس غالين
 كل على غاليه زاد النياحي
 لكن طريق الموت ماله مفكين
 محدٍ قدرده بكل النواحي
 غصب علينا بالقدر دوم راضين
 ومن لا يزاح اليوم باكر يزاحي
 وملزوم نقنع فيك ياسنة الدين
 وكم واحدٍ من موت غاليه صاحي
 كل البشر ما هم على طول حيين
 كل على هالكون لا بد ماحي


* * * * *

صدفة الحرمان

صدفة بلا ميعاد جيت ولقيتها
في موقعٍ عنده حشى ما هقيتها
ما كنت متوقع أبد فيه نلتقي
أمشي على فالي وصدفة لقيتها
وتلاقت النظره بعيني وعينها
نظرات مَقْدَرٌ وصفها لو رويتها
إستغربت بعيونها يوم شفتها
ما أبْدَتْ لي الكلمة وأنا ما بديتها
الكل منا واقفٍ يرسل النظر
من بُعْدٍ ما جتني ولا نيب جيتها
أحتارت الخطوات عندي وعندها
هي ما مشت خطوه وأنا ما مشيتها
لها سنة من يوم قالت لي إبتعد
محبك خلاص .. أنا ما بغيتها
من واحدٍ عني بما قال غرها
بالكذب واعلوم حشى ما نويتها
وعادت بي الذكرى على أيام حينا
أيام حُبٍ فايتة ما نسيتها
وحاولت أكلمها ولكن تَبَعَّدَتْ
راحت وأنا لي كلمة ما حكيتها

سرعة بدء الموقف بلحظات وانتهى
أَقفْتُ وأنا خليتُها ما قفيتها
يا صدفَةَ الحرمان ما فيه فايده
يا ليتني في جيئتي ما لقيتها

* * * * *



« استراحة »

أيام تفرح من طربها وتنعم تفرح ولك عسر الليالي تليني
وأيام كنك تنزف اسبابها دم والزين فيها ينقلب لك بشيني

بدايتي بالحب لو تعرفونها مع من خذت بالزين غاية فنونها
بالقاهره بالصيف بأيام سفرتي ساعة عيوني ناظرت في عيونها


وين الغرام الي بقلبك لي العام وين الموده والعهود الطويله
وين السعاده وين تحقيق الاحلام وين الغلا الي كان قلبك يشيله

ابعد عن المبعّد ترى العزه ارحم عزة عذاب . . . ولا غرام يهيني
والنور يفرق عن دجا الليل الاظلم والقصد واضح عند قلب الفطيني

ياما جبرت النفس أنا بشي مابيه كله من اسبابك على شان اراضيك
كله على شانك وخاطرك اداريه واقدرك باللي تريده وارايعك

في موازين الهوى عدل وميل وكم شواعير عن الحب ابدعت
سكة العشاق من هذا القبيل به نفوس بجوع ونفوس اشبت

=====



سر الحزن الحبيب

هلا يا أحلى بشر شفت بحياتي
ألا يا بخت من حاشك نصيبه
أنا ما شفت مثلك بالبناتي
عجيبه زين وأوصافك عجيبه
وصوفك يوم اشوفك كاملاتي
شهادة حق ما فيها معيبه
يميل القلب صوبك يا غناتي
مناه انتي تكوني له حبيبه
ألا يا كاملة زين الصفاتي
أبي لي درب بالمعنى أبتدي به
أبشر لك شعوري بالثباتي
ولكن حالتي منك صعبه
قبل ما أجيك وأسعد بمنياتي
أقول أحلى كلامي واعتني به
وإذا شفتك يحيرني اسكاتي
من أوصافك يجي بالقلب ريبه
وإذا رديت منك صرت أحباتي
أنا أسكت ليه مادامك قريبه
أقول اشلون وأكثر من شكاتي
على قلبي وأقول الله حسيبه
صحيح الحب درب المعجزاتي
من أسبابه تصير أشياء غريبه

موقفٌ وعبيرٌ

قد تحترق عندما تعجب بإنسان ويبادلك نفس الإعجاب ولكن يكون ذلك بنظرات العيون فقط... وقد تحاول الوصول إليه ولكن دون جدوى خوفاً من أعين الناس.. وأيضاً ذلك الإنسان بنفس الموقف الذي يطول بتبادل النظرات فقط.

تناظرني وأناظرها بعيد وعني إبعيده
أحاول ودي أوصلها ولكن مقدر أجيبها
أنا في موقفٍ زحمة ودرب العيب ما ريده
أخاف ألفت نظر ناسٍ عليّ العيب يرضيها
وهي عجزت عن الموقف عليها صعب تحديده
تخاف الناس تكشفها وهذا شي يذيقها
تصد بشوقها مره بعيد ومره أبعيده
وأنا أغض النظر عنها ومرات النظر فيها
تهز القلب نظرتها... عليها الوصف ما جيده
أخاف أظلم وصايفها وأقصر في معانيها
ترد الروح شوقتها وقلب العاشق أفتيده
صراحه شكلها فتنه ألا يا الله تحميها


* * * * *

شعر العاشق

لا باس يا للي لي تلومون لا باس
اللي تقولونه حشنى ما استمع به
أنا شعوري يا الأجاويد حساس
لا تجرحون القلب ماهوب لعبه
أقوالكم عندي ترى مالها ساس
ودربي... يصور لي جميع السنع به
لعيون من كنه على القلب حراس
يسرح خيالي فيه لين اجتمع به
لا من طرالي دق بالقلب هوجاس
والقلب غيره لويجي ما أتسع به
الصاحب اللي زاهي زين الالباس
اللي تواصيف الحلا والدلع به
غلاه عندي يا عرب ماله اقياس
وحبه على قلبي وقع وانطبع به
أغلي هذاك الزول من بد الأجناس
والكون مثله ظنتي ما طلع به
عليه حالي مثل ملجوج الأضراس
تسهر عيونه يوم زاد الوجد به
يسهر لحاله والمخاليق نعاس
زاد المرض به والدواء ما نفع به

ما أطيعكم واخذوا كلامٍ من الراس
 يا عاذلين القلب عن من وقع به
 راضٍ بحبه لو تحملت الاتعاس
 وترى الغلا دربه مواريه صعبه
 القلب لا منه عشق صعب ينداس
 وبخصوص لازاد الغلا والولع به
 يمشي لو أنه عارفٍ درب الإفلاس
 ويترك كلام الناس ما يطلع به
 والنفس لا صارت تبني شي يا ناس
 ما تنتهي دام أنها تقتنع به

* * * * *



كلمة وخمرة

أنتهينا وأنطفت كل الشموع
وأنتهت قصة غرامك يا جميل
إبتعد وأحفظ غرامك بالضلوع
عهدك الخاين لقينا له بديل
أنتهينا لا تحاول بالرجوع
كلمتي وحده.. رجوعي مستحيل
قلبي ألياشاف ما عافه.. جزوع
أعتبرني كنت أنا.. عابر سبيل
مستحيل أمشي مع الشخص الخدوع
وأنت دربك دوم من هذا القبيل
ما يفيد القول وأنزال الدموع
ودمعتك من فوق خدك لا تسيل
لو بكيت أمن الغروب إلى الطلوع
لا تظن القلب من دمك يميل

* * * * *

سؤال الحبيب

لا يوجد حب بلا غيره. فأحياناً تتحول الغيرة إلى شك فما أصعب
زيادة الحب. خصوصاً عندما تجد هاتف من تحب مشغولاً بوقت يجعلك
تضع هذا الشك أمامك... فصحیح أنه يجب أن تكون الثقة متبادلة بين
الحبيبين ولا يجوز الحكم على الغيب ولكن الحب لا يتقيد بكل هذا...

طاحت يدي وأنا اتصل فيك مشغول

مدري من اللي مشغل تليفونك

صحیح ما عندي عن الشك مدلول

خاف أظلمك وأتسيل دمة اعيونك

المشكل أن اللي وراء الغيب مجهول

لكن مقر الشك حولك ودونك

ألياً سألتك قلت أنا غير مسئول

والله وأعلم يا لقضي وش ظنونك

أن كان لك نية تكلم على طول

أخلص وخلصني وكمّل ديونك

وإن كنت صافي بيّن الفعل والقول

وأحذر تخون اللي حلف ما يخونك

* * * * *

الشعر في حياتي

قد يجعلك الحب مندفعاً لذلك الإنسان الذي تحبه.. بحياتك
وبشعرك وبكل تفكيرك.. من زودك الحب الذي يجعلك تتصور بأنه
أجمل ما في الوجود على الرغم من أنه قد يكون ذلك الجمال في نظرة
الآخرين أمر عادي وبسيط.

حياتي كلها شعر وقصايد
لجل خل زها لبس القلايد
اترجم له شعوري بالقصيدة
وشوقي فوق وصف الشعر زايد
صعيب اشرح محبة نور عيني
وعليه القلب لو قفيت عايد
أنا ما شفت بين الناس مثله
عديم الوصف من بين البدايد
غلاه يصوره بالزود عندي
وأحس أنه على الزينات قايد
لو أنه بين كل الناس عادي
أنا عندي هذاك الشخص رايد
ولو إني من غلاه أبدي كلامي
شعوري ما تكفيه القصايد

* * * * *

فِتنَةُ وَجْهَالٍ

جميع الناس نظرتها عليك تصير باستمرار
ذبحت الناس في زينك تستر لا يشوفونك

الجمال نعمه.. أنعم الله بها على فئة من الناس.. فقد يكون ذلك على
فتاة والأجمل من كل هذا بأن تجد لها شخصية قوية وهيبة لذلك الجمال...
ولكن ما يحز بالنفس أنه قد يتعرض ذلك الجمال للحسد وحقد القلوب
فتطلب من الله حفظ ذلك الجمال من عيون الحاسدين.

ألا يا من عطاك الله جمالاً يلفت الأنظار
دخيلك لا تعذبنا كفاية نظرة اعيونك

جمالك يجذب العالم.. وأظنه بالبشر ماصار
حرام أتعذب العالم.. بخلق الله على هونك

جميع الناس نظرتها عليك اتصير باستمرار
ذبحت الناس في زينك تستر لا يشوفونك

من يطالع بنظراتك عليك بموقفه يحتار
ولك شخصية تجعل محبينك يهابونك

عطاك الله من الهيبة على زينك بعد مقدار
أنا أخاف البشر والله على زينك يحسدونك

أطلب لك من إعجابي عليم الغيب والأسرار
من الدنيا ومن فيها.. يصونك خالق افنونك

* * * * *

هزاي وهيرة

ألا واعذاب اللي نشر بالصحف شكواه
على صفحة الشعار يكتب تقاريره
نشر بالصحف من شان كل العرب تقراه
وتسمع كلام اللي نوئى الحب تدميره
من الهم يشكي كل ما عنده أمن أقصاه
عجز لا يكن اللي بصدرة من الحيره
وسباب عذابي من برئ الحال في فرقاه
حبيب على طول الزمن مانبي غيره
حبيب على طول الزمن حالف منساه
ولو طالت الأيام أنا مخلف السيره
وعسى الزين يقرأ كلمة اللي شكى بلواه
من أسباب فرقا صاحبه قال تعبيره
يعبر كلام في ضميره من اللي جاه
من افراقكم قلبي تديره تفاكيره
حياتي من افراقك بها الهم والمأساه
تزايد عذاب الحب بالقلب تفجيريه
ودخيلك بقلب عندك أمانتك تنساه
أمانة معك قلبي وأخذ قبل تحذيره
وأنا أرجوك ترجع للذي حاسته دنياه
زمانه تقلب كل يوم يجي غيره

إذا زان له يومٍ شهر صار في عمياه
تقلب عقب فرقاك شره على خيره
ونهاية كلام اللي نشر بالصحف دعواه
عذاب عسى المولى يشيله بتدبيره

* * * * *



دَارَتِ الْأَيَّامُ

أرجع مدام القلب يازين يغليك
وَألا ترى مع دور الأيام ينسك
أرجع على اللي طول الأيام يرجيك
وإلا اليا من الغلاء راح عفناك
لا دارت الأيام وأقفت لياليك
ما عاد أببك.. ولو تبعدت فراقك
لكن تسرع في رجوع الأمل فيك
وقلب يبيك بصوت الأشواق ناداك
قلب على صوت المحبة يناديك
من زود حبك بالقصيد إيتمناك
اترك كلام اللي على الصديغويك
أرجع وخل اللي بكلماته اغراك
أرجع على قلب من الناس مغليك
ماحب غيرك... لو جماله تعدادك

* * * * *

زهرة العمر

واعذاب اللي تولى
ادعج بالقلب شلى
تو وقته ضاحكه
لامشى شعره يفله
خدها تفاح شامى
من نظرها ما ينامى
وما حلا زمة انهوده
توها طلعت وروده
والعيون السود تذبج
من سهوم العين يصبح
جل من صور هذاك
من نظرجاه الهلاك
واهني منهو خذاه
لا دخل بيته لقاه
أنت عمري يا حبيب
دايم خلك قريب

بالغزال اللي تدلع
مالك تاج الجمال
والعمر بطلوع حله
زين مشيه بعقدال
والشعر حد الحزامى
يسحره هاك الغزال
لامشى يا زين عوده
بالنضوج وبالكمال
ويل من بالعين يشبح
حالتة فيها اختلال
بالجمال أصبح ملاك
كامل زين ودلال
بالحلال أصبح معاه
ثم جاء عنده وقال
وأنت حظي والنصيب
يا بعد عمري تعال

* * * * *


لقاء الأحبيب

ما أسعد تلك اللحظات التي تلتقي بها مع من تحب متبادلاً معه
أسرار الحب... ونظرات العين... والبسمات البريئة.

أسعد اللحظات لي ساعة لقاك
وأحسن أيام الهنا دايم معاك
الفرح دايم بقربك لي رفيق
والسعادة في وصالك يا ملاك
أنت أمل دنياي وأنت أغلى حبيب
كل تعذبي وحالي من فداك
أنت أعز إنسان أعرفه بالوجود
ماحدٍ بالحب يملكني سواك
أنت عمري وأنت روحي وأنت نور
للطريق اللي تمشي به خطاك
كل سحري بالجمال اللي عليك
في عيونك في كلامك في حلاك
شوفتك جنه على القلب العليل
من يشوفك جاه خفه وإرتباك
تسحر العشاق بالشكل البديع
من جمالك توصله درب الهلاك
كل تفكير عقلي دوم فيك
صرت أهوجس فيك والسبه غلاك

أتذكر نظرة العين الفتون
والخطريا صاحبي بسمه إشفاك
دوم في فكري قريب ما تغيب
لو تروح أبعيد قلبي ما نساك

* * * * *



لوحة وحرمان

يا عين هلي خافيات العباير
هلي ادموعك يا عيوني على الزين
هلي ادموعك فوق خدي غزاير
على وليف فارق القلب يا عين
قلبي وعقلي عقب فرقاء حاير
وعزاه يا من فارقوه المحبين
بالقلب من فرقاء مثل السعاير
والنار الأولى صارت اليوم نارين
عليك يا اللي مسكنك بالضمائر
قعدت أجابو نايدات البساتين
أنا أشهد أني منك شفت العزاير
واليوم أحسبه يا هوى البال عامين
عقبك علي الوقت دار الدواير
سود الليالي ذوقتني عما العين
الوقت عقبك يا هوى البال جاير
تلعب بي الدنيا على ايسار وايمين
دنياي من فرقاك صارت حساير
أسهر بليل والعرب فيه ممسين
فرقاك عندي من كبار الخساير
كني ضعيف يوفي الدين بالدين

ارحم عليلٍ منك شاف الخطاير
 واجروح حبك في ضميره ملايين
 غلاك عندي داخل القلب صاير
 بالقلب حبك راجح بالموازين
 محبتك يانور نور النظاير
 بالقلب ما بينتها للحسودين
 ارجع لمن دمه على الخدساير
 ارجع لمن لك في ضميره نياشين
 ارجع لمن شاف العنا والضراير
 يسئل عن أيام مضت يا لقضي وين
 وشفيك بدلت الغلاء بالنكاير
 وش غيَّركَ عن ماضي الوقت هالحين
 دنياي عقبك كلبوها دباير
 ولا ريد غيرك من جميع المزاير
 متى يجيني منك رد البشاير
 وتسئل عن اللي هايم فيك يا زين
 بينت ما خفيت لك من سراير
 عساك تفهم مقصدي بالبراهين

* * * * *

كلام الحب

عشقتك من معانيك الجميله
وضحكات وتغلي وابتسامه

ليس من الضروري أن يكون الجمال رمزاً للحب الذي يجذبك...
ولكن قد تكون الابتسامه الجذابه.. والضحكات الجميله... والتغلي الذي
يصحبه بعض من الدلال... كل هذه الأشياء تجعلك تجد راحة البال مع من
يملكها.

هلا باللي يسليني كلامه
وهلا باللي دخل قلبي غرامه
هلا باللي اليامنه تكلم
تغير نبض قلبي في نضامه
جذبني صوتك. ومعنى كلامك
وصار بوسط قلبي لك علامه
عشقتك من معانيك الجميله
وضحكات وتغلي وابتسامه
طلبتك لا تردد بتصالك
علينا دوم يا ظبي العدامه
أبيك اكرره دايم علينا
وبسمع من يريحني كلامه
تراني فيك هايم ومتولع
ولك أمن الود وسط القلب شامه

تعال أنعيش بالدنيا حبايب
 ونبعد ما نجي درب الغشامه
 أمانة لا تخيب فيك ظني
 تعال وزيل عن جوي ظلامه
 نبي نصارح بعضنا وانتفاهم
 ونبني للغرام أحلى خيامه
 وأخذ مني جميع اللي تريده
 وعطني كل شي بحترامه


* * * * *



لحظة الفرح

هلا بالصاحب اللي يوم جانا
عيونه حين ناظرته بكنيا
دموعه بالفرح ساعة لقانا
على خده من الفرحه جرنيا
يعاتبني سبب وقت عصانا
يقول أن الليالي غيرنيا
يخاطبني بصوته بالتكانا
وعيونيه لا نظر بي سلهمنيا
حبيب منصح قلبه معانا
وغلاه اليوم في قلبي سكنيا
بدرب الشوق يدفعنا هوانا
ولكن الليالي ما عطنيا
زمننا بالتلاقي ما عطانا
وظروف الوقت لي ما ساعدنيا

* * * * *



الشراب والشرى

ما أصعب الحب وما أحلاه... ولكن قد يكون الحب يتيما لأنه وحده.
عندما يقف الحظ وتخون الظروف وتنتهي كل الطرق وتفارق من تعلم بحبه
لك ويعلم بحبك له.

ألا واعذاب القلب من صاحب طرى
حبيب بقلبي دايم الدوم له طاري
خياله يسريني مع الليل لا سرى
وأقضي بقايا الليل بالهم سماري
هو اللي نصيبي في غرامه تحدرى
عجز حظي المقرود وأمر الله الجاري
عليّ ابتعد بعد الثريا عن الثرى
ولا عاد لي حيله سوى الوجد بشعاري
يا شين المفارق بين الأحباب لا جرى
إذا صار كل عن غلا صاحبه داري

* * * * *

نصيحة من الله

بنصحك يا صاحب القلب الهبيل
الهوى قلبه جريح من وطاه
لا تغرك شوفة الزول الجميل
التعب والويل والحسره وراه
لو تشوف الزين والرمش الضليل
لا تغرك لمحة الزول وحلاه
كم هنوف زينها ماله مثيل
وعقلها لو توزنه كبر الحصاه
تجذبك بالزين والثوب الطويل
والهوايل فيه لو تكشف خفاه
أنتبه من نظرة الطرف الكحيل
كم غرير من سببها الموت جاه
كم جريح بالهوى قلبه عليل
يشتكي طول الليالي من بلاه
المظاهر لا تغرك والدليل
صبغة المكياج وأردون العباه
دور اللي تملك العقل الثقيل
أتبعه حتى تحصل منتهاه
أبذل المجهود لو دربه طويل
جعل ريك يجعل الفرحة معاه
وأعرف أنني ما شرحت إلا القليل
والكلام أيطول لو تكشف غطاه

الهنوف

ما أصعب الموقف عندما تضحي بكل ما تملك وتندفع بكل عواطفك
لشخص تحبه... وتجده بين لحظة وأخرى يتخلى عنك متناسيا كل ما
تكنه له من حب وشوق وماضٍ جميل.

البارحة عيني عن النوم عيت
ودموعها من موقها نثرتها
على هنوفٍ بالهوى ما تهيت
اللي حياتي بالعنا دهورتها
من أولٍ لا جيت بالحيل حيت
ووامري بالزين لي نفذتها
ولا جيت أكلمها من أجلي تريت
واليوم ذيك المعرفه كد نستها
ونجومها لي في سما البعد ضيت
وأيامنا اللي ماضيه غيرتها
يلعنك يا دنياً بها الحي ميت
مدام هاذي يا لهنوف أخرتها

* * * * *

بقايا الحب

الله من عينٍ تزايد عذابها
تسهر ولحدٍ من الخاليق درابها
اليا طرئ ما فات هلت دموعها
وعن لذة المرقاد همي سرابها
عينٍ تهل الدمع بالصبح والمساء
على زمانٍ فات زاد الشقا بها
وقتٍ مضى قفا ولا عاد ينثني
وأيامي الحلوه معاه انتحابها
وقتٍ مضالي قصه فيه بالهوى
مع من غلاه بوسط روعي لجابها
الصاحب اللي صابني في مودته
وقلبي له ادروب الحقايق مشابها
عطيته الإخلاص والحب والوفا
وبادلتة أسرار الغرام بعذابها
أوفيت له بالحب في كل مملكه
وأرخصت له نفسٍ غرامه سطابها
وتوجهت بالحب صوبه مشاعري
وأندفعت أشواقي وحبه غدابها
صفيت له ما أغليت غيره من البشر
ومحبتني عن غيره اقفلت بابها

رضيت به يومه صفا في محبته
 ومحبتى يومه يبينى رضا بها
 واليوم عسرتنا القديمة تغيرت
 أقفا وأشوفه ساعى في خرابها
 ضد وتركنى للغرابيل والشقا
 ولانى بعارف صدته وش نوابها
 من دون سبه ما حصل شيء يزعله
 أقفا وخلقى حالتى ما أعتنابها
 يقول غيرتك الشديده تحدى
 على النهاية ما تحمل صوابها
 تعبت والغيره عليه تعظمت
 ما عاد عندي صبر من كثر ما بها
 لا يا حبيب الروح يا غاية النظر
 صدتُك عنى غير هذا جوابها
 ما هوب قصدك يوم صديت غيرتى
 ولا صدق أذار لسانك حكاها
 يومك تبينى كل شيء تحمله
 وتسمح لو أن أخطاي يكثر احسابها
 تتعب على شانى وتشفق لشوفتى
 وإتسهل اظروف زمانك عصابها
 لجلي تحمل كل شيء وتقبله
 ما قلت لي اذار قبل اقترابها

قبل ابتعادك ما تعذرت بالسبب
 وشلون هالأيام زاد احتسابها
 يومك نويت أتروح حاسبت غلطتي
 وسهل الأمور اتخطها من أصعابها
 طبع المقفي لا بغانية الجفا
 لا حصل الغلطة عليك ارتكابها
 وأنت اشتهيت اتصد عني وتنتهي
 ومحبتني وقت بداها انتهابها
 رح والتعاسه والعنالي خلها
 طرّب حياتك دامها في شبابها
 ومحبتني عندك انكانك نسيتهها
 محبتك قلبي ترى ما صخابها
 تبقى بقلبي طول الأيام دايمة
 منسى ليال منك زاد ألها بها
 وهادي تعابيري بالأشعار بينت
 القلب يرسلها واسجل أكتابها
 ودخيلكم يا ناس لحد يلومني
 في جاه من بأمره ينزل سحابها
 لو قلت باللي قلت عنها قصيدتي
 الله يسترها ويسقي أترابها

النهاية

من العيب على المرء أن ينطق بكلمة لا يفي بها... ومن العيب أن
يتنازل الإنسان عن كبريائه وعزة نفسه من أجل حب متزعزع.

والله التبططين ماجتك اتصالاتي
والنمره اللي معي بحاول أنساها
ابجبر النفس وأعاكس إراداتي
ابتصير لوني عنك مقواها
خلاص أنا انهيت من حبك علاقتي
وأيامك اللي مضت معنا مسحناها
بعيش حريتي وامشي ابغياتي
واعز نفس وطاها منك مكفاها
ما فات أخليه وأحسب لما ياتي
أخذت من حبك ادروس حفظناها
حبك تغير ودوره عندنا فاتي
عبره لنا بالليال اللي قضيناها
أنا تنازلت عن حبك ابصماتي
داخل ملفك تواقيع كتبناها
هذا قرار النهاية لك مع اثباتي
سلمتك أوراق حبك واعتمدناها
وشوفي تراني رفعت اليوم راياتي
وعيب على اللي نطق كلمة ولاوفاهها

* * * * *



دموع الخيانة

امسح ادموع الخيانة يا خدوع
لا تنزل لي ادموعٍ باختراع
لا تعذر. لا تكلم. لا تقول
بينت كل الحقيقه والخداع
لا تحاول في رجوعي مستحيل
حبك ابقلبي تراه اليوم ضاع
كنت خادعني تحسب أنك فهم
تحسب أن الغش دايم لك ذراع
لكن أيام الخيانة ما تدوم
كل شي مرجعه لازم يذاع
كل مكتوم لزوم إنه يبيّن
والنتيجة بينت مثل الشعاع
ابتعد لا تعتبرني لك حبيب
عن وصالك صرت أحب الإمتناع
أنت خاين أنت كذاب وحقير
أنت بالدنيا حياتك في ضياع
لا تقرب للبشر خلك وحيد
أنصب ابدنيا التعاسه لك شرع
من حفر للناس حفره ما يدوم
ينبسط في حفرته عقب الرفاع

* * * * *

أَمَلٌ ضَالِعٌ

الحب هو الأمل... فإن ضاع الأمل لا وجود للحب فكيف يعيش الحب
بلا أمل.

يؤمك نويت الصدود	ضاع الأمل والوعود
دونك حياتي عذاب	معاد لي بالوجود
عذبتني يا غشيم	دونك حياتي جحيم
من دون ذنب وعتاب	قطعت وصل المديم
رمىني بالسهام	عذبتني يا حرام
طريق كله ضباب	من نور داخل ظلام
وجرحك بقلبي عظيم	بعدك عليه صعب
قلبي من أجلك مصاب	ما فاد فيني طبيب
عذبتني يا ملاك	رمىني بالهلاك
دمعه من أجلك سحب	ما ترحم اللي هواك
اللي من أجلك طريح	ارجع لحال الجريح
ارجوك طال الغياب	ارجع لنا يا مليح


* * * * *

دموع العَيْنِ

يقول اللي حبيبته له ثلاث أشهر ما شافه
قطع وصله ثلاث أشهر عني ما أتصل فيني
ألا يا ويل قلبي يوم خلي غير اهدافه
نسي اللي فات بأيام الغلا من بينه وبينه
عقب فرقا القضي مني دموع العين ذرافه
ألا يا ليت خلي لا رفعت الصوت يوحيني
قضي صبري وحالي عقب فرقا الزين منلافه
وأنا أنظر من حبيبي يتصل فيني يحاكيني
جذب قلبي بحبه يابو خالد كامل أوصافه
حشي ما غيره أحد في حياتي تارس عيني
ألا يا ليت نور العين يسمع من بدع قافه
ويحس أنه عزيز وعندنا من ناس غالييني

* * * * *





أنت السبب

خلاص لا ترجع ترى القلب ناسيك
أنهيت حبك وأنتهت كل ذكراك
أبعد ترى ما عادلي رغبة فيك
عقب الغلاء حببت أنا اليوم فرقك
أبغضت شوفك لو تعذرت ما بيك
خلاص أنا قررت يا الخاين أجفك
أبعد تراني عفت أنا اليوم طاريك
وكرهت وقت فات لي قبل وياك
عز الله إني قبل أنا كنت مغليك
لأشك عينك صابها عود يمينك
عزيت نفسك تحسب العز يغنيك
وغيريت نفسك لين تفكيرك أعماك
درب الغرور اليوم حطم معانيك
تبي جميع الناس تمشي على أرضك
مسكين كأنه يالمعزّه تحديك
تعز نفسك لين أجيك اترضك
والله ألتبطني ما تعنيت أراضيك
بعز نفسي عنك لين أني أنسك

* * * * *

جمال وغرور

ياللي جمالك غرك اليوم عفناك
لا عاد ترجينا ولا عاد نرجيك
خلاص عزمنا على درب فرقناك
مادام يالمغرور هاذي تواليك
أول جهلنا بك وشلنا خطايك
واليا غضب خاطرنا جينا نراضيك
واليوم يا خاين ترانا عرفناك
ودرب مشيته تالياته مهالك
وعسى الذي في درب الأضلام مشاك
مهور عجزان ابقدره يخفيك
حتى اتريح منك أنا مع هذولاك
وانشيل تذكارك ونقطع طواريك
حيثك تظن أني على الطول ابقفاك
وأنني أحبك دوم وامولع فيك
لاشك يالمغرور ظنك تخطاك
أول أجامل لك ولا نيب ادانك
لقيت عقبك صاحب صار يسواك
حبه صحيح ولا مشي مع حراويك
خل جعلني تالي الوقت أنا أنساك
واخفيك عن قلبي وأبعد مراميك

واليوم يا خاين ترانا نسيناك
لا عاد تذكرنا ولا عاد نظريك
القلب شلنا عن مكانه بقاياك
وعيني خلاص اليوم ما تلتفت فيك
لاشك اشوف الزين أنا اليوم طغاك
كنك تحداني ابزينك وما فيك
كانك تحداني تراني اتحداك
واحذر تحدى من يبيعك ويشريك

* * * * *





حبيبي... مسافر

حبيب الروح سفرتكم دخليك لا تطولها
أنا ما أتحمل الفرقا ونفسي فيك ولهانه
ترى فراقك يا الغالي صعبة ما اتحملها
عجزت أصبر من افراقك وعيني دوم سهرانه
أناجي من سبب بعدك نجوم الليل واستلها
وأسامر ليلي الدامس واغنيلك مع الحانه
وسط قلبي محبتكم إلاه الكون نزلها
أحبك حب ما يوصف بكل الكون ووطانه
أنا بعدك ترى روعي طريق الموت واصلها
أنا نفسي على شوفك ترى بالحيل شفقانه
وأنا أترجاك رجعتكم لنا يا زين عجلها
ترقق وأسرع الرده بعدك الحال تعبانه

* * * * *

عِزَّة نَفْسٍ

يا بنت لا ترفعين الصوت
 خلي كلامك معي هادي
 لا تحسبيني عليك أموت
 إذا انتهيتي ترى عادي
 من قبل أعرفك وأنا مبخوت
 عايش ومرتاح بفوادي
 وإذا انتهيتي يفوت الفوت
 مانى على سبتك غادي
 أعيش في راحة وسكوت
 أحسن من اجهاد واعنادي
 وأكتب بدال البيوت إبيوت
 وغير المخطط يجي سادي

* * * * *




درُوبِ الحُبِّ

انتني على كيفك وأنا أمشي بكيفي
ما فينا أحد يا بنت الأجواد مغضوب
الغضب ما يجمع وليف ووليفي
ولا فيه بالقوه بشر صار محبوب
إن كان قلبك بالمحبة نظيفي
والحب وادروبه لك اليوم مرغوب
أنا لك أمشي بالطريق الشريفي
درب شريف ولا يجي فيه عذروب
وإن كان هاللي قلت عندك كليفي
ولا لك معي نية ولا فيه مطلوب
روحي طريق الحب ما هو حليفي
وكل نصيبه داخل اللوح مكتوب

* * * * *





جمال العيون

إن الجمال هبة من الله تعالى... فجمال العيون صفة من صفات
الجمال التي تجذب الناظر إليها... فبالرغم من أنها خرساء إلا أنها ناطقة
وفاضحة بما قد يخفيه صاحبها.

عيونك يوم أطلع في هدبها
تهز القلب وتحطم شعوره
جذبت القلب صوبك من سببها
عيونك... تثر بقلبي خطوره
وحلاك اشواق قلبي لك جذبها
عليك من القمر... يازين صوره
وصوفك جل رب لك وهبها
عطاك من الحلاء.. ملحه ونوره
ترفق في حياتي يا طربها
ترى نفسي على زينك غيوره
وغلاك الروح يا الغالي سلبها
تعذبها وهي لجلك صبوره
دخلك لا تزود في تعبها
تراها وصلت حد الضرورة

* * * * *

دعوة الغزال

تعالى يا بعد عمري تعالى
لي بروحك وأنا اجيك لحالى
أنا مشتاق أشوفك يا الحبيبه
عليك الشوق وسط القلب عالى
هناي ومنيتي شوفك دقايق
عسى وياك يصفى لي مجالى
ألا يا أعز مخلوق عرفته
ما غيرك ساكن بالقلب غالى
أنا ديك بصوتي وأسمعيني
ترى في شوفتك يرتاح بالي
على وصل المحبة ساعديني
وأذا ناديتك صوبي تعالى

* * * * *



حُبِّ وَخَوْفِ

مدام صارت شوفتي كلها خوف
خله يفيدك يا هوى البال خوفك
اليوم صار الخوف يثر على الشوف
خوفك غدى أكثر ياالقضي من ظروفك
ايا اشتهيت اتحطلي درب مرصوف
تقول عندي ما من أحد يشوفك
وأن ما اشتهيت أتقول لا تقرب الحوف
وإن جيتني كل الجماعة تشوفك
تقول ماني بالهوى فيك مكلف
وتكثر على درب المذله احلوفك
خلاص ماني للمقفين ملقوف
ويا قلب لا تتبع ثرى من يطوفك
ذاك الحبيب اللي سكن داخل الجوف
اللي من أول ساكن وسط جوفك
اليوم دونك ردتة سكة الخوف
قل الغرام وصار يزداد عوفك
هذي سوايا بالهوى كل غطروف
كم واحد قبلك جرتله اصدوفك
ايا اشتهنك سهلن كل مكلف
وايا أكرهنك يا تعاسه اظروفك

* * * * *



الكواشيت

متى على الله يرجعون الكواشيت
ويَعُوذُ للديره غزالٍ تركها
خلٍ حشَى ما غيره احدٍ تمنيت
اللي حياتي في يدينه ملكها
أنشهد أني في غرامه تماديت
سبحان من روعي بروحه شبكها
معطيه صافي حبنا ما تغاليت
وقلبي له ادروب المحبه سلكها
وهو بعد مثلي صفا يوم حبيت
ومحبتني بالقلب عنده مسكها
عساه يرجع لي حبيبٍ ترجيت
وتسرع لي الدنيا بدورة فلكها

* * * * *



آخر زمن

آخر زمن حتى أنت هذا مردك
الله يعين إشلون مع باقي الناس
بالك تحدي روح ماني بقدك
ما بيني وبينك بالأشواق مقياس
نفسي عزيزه لا تهدد بصدك
قلبي حجر... كان أنت ما عندك إحساس
خلاص لو رديت ما عاد أرك
مرفوض مطلوبك... وتبشر بالأفلاس
وصلتني حدي بوصلك حدك
هذا الصحيح وخذ كلام من الراس
قلب وقع في حبك اليوم هذك
البعد حان... ودقت أصوات الأجراس

* * * * *



بَابُ الرَّوِيِّ

أَلَا يَا عَرَبِيَّ هَذَا زِي رَدُودِي مَعَ الشُّعَارِ
قَصَائِدُ تَبَادُلْنَا بِهَا الشُّعْرُ وَالْمَحْوَرُ
بَحْوَ الشُّعْرِ فِيهَا طَوِيلَاتٌ وَأَلَا أَقْصَارُ
مَشِينَا مَعَهَا .. عِنْدَنَا غَيْرُ مَعْسُورَةٍ
وَرَدُودُ الْقَصَائِدِ عِنْدَهَا .. مِنْتَهَى الْمَشْوَارُ
كُفَايَةِ قَصَائِدِ بَيْنِ الْأَوْرَاقِ مَنْشُورَةٍ



قصيده مرسله من الشاعر عبدالله محمد مسرع العجمي

إن الغرب أخذوا منا الأصالة وتركوا لنا قشورها... فبعض الشباب
الآن يجري وراء الموضه متجاهلا أمور دينه الحنيف وتعاليمه تاركا
العادات والتقاليد خلفه... فنجد بعض الفتيات لا يهتمن سوى التبرج
والظهور بالمظهر الفاضح الذي يجذب الناظر إليهن... فهذه تعتبر فتنة
للسباب فلا يمالك الشاب نفسه سوى تضييع وقته بالمعاكسات التي يجد
متعة فيها... فقد اشتكي لي الزميل الشاعر عبدالله محمد مسرع العجمي
هذه الظاهرة قائلا:

سميت باسم اللي رحيمٍ ورحمنٍ
رب خلقها برها مع بحرها
واللي فرض الإسلام مع خمس الأركان
أحد إيواصلها والآخر هجرها
واللي فعل حسنه فيبشر بالإحسان
واللي زرع سيه بيقطف ثمرها
قم يا قلم مادمت للقاء طربان
واكتب لعبدالله أبيوت صخرها
هيضني اللي له بالأوراق ديوان
ومن حظي أنه بالجرايد نشرها
قرئت أنا اسمه ثم فزيت فرحان
ويا صدفةً بالي حشني ما أنتظرها

العلم به كنا صغار وجيران
 والكَلُّ شد وراح يتبع قدرها
 ودار الزمان وشفت مجبل بالأعيان
 قصره وجيره يا عساه افكرها
 زاد الشرف لي باللقابك على شان
 صداقة طافت تجدد أثرها
 سرتني ابياتك تعابير فنان
 قريتها واللي سمعها شكرها
 أحب أنا اقرا صفحة الشعر بتقان
 هوايتي محدٍ لنفسي جبرها
 وأحصل أشعارٍ جديده لشبان
 بالشعر مدري وين ربي حشرها
 أحدٍ قصيده مثل هرجات ورعان
 تمر بالعاقل وهو معتبرها
 لا يصلح اهجينى ولا يصلح الحان
 وليت اللسان اللي نطقها سترها
 وأحدٍ قصيده يمغث الكبد يا فلان
 ومن كان له نفس بيقرا دمرها
 ياكل بعرض الناس ويقول عشقان
 ربي بلا عقالها في غجرها
 ويقول أنا عاشق وبالليل سهران
 وعيونه أمن الحب نازل مطرها

حب الشرف مات وغدى في خبر كان
 فازوا به أشراف مضت من بشرها
 وجاء الحب الآخر وانتشر وسط الأوطان
 ثم انخلط شطرنجها مع سبرها
 البنت تلقى عندها عشر خلان
 وهو كل وحده كاشخ في صورها
 يلعب عليها في رجا الوقت لازان
 ولا زانت الفرصة عليها غدرها
 أمحق محبه دشها كل شيطان
 قزازة جاها الخبيث وكسرهما
 ويروح ويسجل قصايد بعنوان
 روحه حبيبه بالمحبة أسرها
 انشهد أنه يا بن حشاش خسران
 وغلطان منهو بالصحافة ذكرها
 مع أحترامي لكل شاعرو فهمان
 اللي قبل منطوقها خذ حذرهما
 يا مجبل الحشاش يا طير حوران
 جتك الرساله لا يطول سفرها
 هذا وصلوا عد همال الأزمان
 واعداد رمل القاع وأيضا شجرها
 على نبي جاب للدين برهان
 وبين لنا في شمسها من قمرها

* * * * *

إنني أؤيد زميلي الشاعر في انتشار هذه الظاهرة في أبناء المجتمع
مستثنيا البعض منهم. فكان ردي عليه بهذه القصيدة .

حي الصديق اللي ذكر ماض الأزمان
والعشرة اللي بينا ما نكرها
ذكرى قديمه وقتها اليوم لي حان
وقمت اتذكر يومها من شهرها
ذيك الليالي ما تعادل بالأثمان
نمشي معاها ما وطانا دهرها
جيران بالمنزل وبالرفقه أخوان
معنا الصداقة منعمه في زهرها
لين افترقنا يوم توزيع الأسكان
وكل ابيوته يوم طلعت نحرها
وكل بعد يومه كبر صار بلشان
ومشاغل الدنيا كثير قشرها
والوقت دار وجاء سلايل كحيلان
حيه وحي أبيات شعري سطرها
حي الذي شعره بالأمثال مليان
وزين المعاني بالقصيده حصرها
اليوم في شوفك ترى القلب شفقان
والنفس في شوفك تزايد فخرها
يا شاعر في بدع الأمثال سلطان
وأبيات شعره بالمعاني سمرها

جاني كتابك كامل دون نقصان
 وشفقت البيوت اللي جنبك ومرها
 وقرئت ما سجلت لي زين بمعان
 وفهمت ما بينت في مختصرها
 عبدالله اش علمك من البعض تعبان
 أشوف نفسك بينت لي قهرها
 صحيح ما قلت وحشني ما أنت غلطان
 وعلومك اللي قلت عندي خبرها
 أشوف لي ناس على الشعر عميان
 ما حسبوا لسهولها من وعزها
 ما يفهمون اشلون تركيب الأوزان
 والشعر حاله زدوا من ضررها
 يجيك واحد هم على الشعر حرقان
 والقافية لو ما تركب دفرها
 ماله بترتيب التماثيل ميدان
 أما تطول أبيوت والا قصرها
 واليا حصلك فرصة بعض الأحيان
 وجاء للنصيحة دور منك اعتذرها
 لا من نصحته بالعقل صار زعلان
 عيا يطيع وفيك عينه خزرها
 يقول أنا من بحر الأشعار رويان
 أخذ بها الصافي واخلي كدرها

والشعر في وادي وهو عنه وديان
 بينه وبين الشعر يزمي جبرها
 لا أحول حتى الشعر يبلى بالأنسان
 من بعض ناس ما يميز بصرها
 ومن ناحية قولك عن الحب وكدان
 فعلاً على الجنسين ما نختصرها
 بعض الشباب أيجيك بالسوق بطران
 أيدور اللي تقبله لا نظرها
 والياخذت رقمه مشى وراح عجلان
 وبالبيت حط التيلفون ونظرها
 ولا اتصلت استفتح على طول ولهان
 وهي تقول انه ابشكله سحرها
 وفي لحظة صاروا حبايب وصدقان
 وكل محبة صاحبه قد بذرها
 وبعض البنات اليوم تصفق على الدان
 ومنين ما هب الهوى ما عسرها
 اليوم مع شخص بها صار ربحان
 وباكر مع الثاني والأول خسرها
 دايم مع التغيير تمشي وتنهان
 ولا همها إلا لبسها هو ضفرها
 تركض على الموضه ورا كل فستان
 واليا مشت قامت اتمسح شعرها

تمشي دلع ملبوسها شبه عريان
 ولو هي أتمدق لبسها ما سترها
 واليا نظرت أبوجها عشرة ألوان
 ما ينتميز سودها من حمرها
 عدة تمكيج زينت كل شيطان
 حتى السخوت اللي تحطه نصرها
 ولا أعم أنا العالم على كل ما بان
 مستثنى في بعضها ما خسرها
 يوجد عزيز من صبايا وصبيان
 والناس تفرق صوفها من وبرها
 وحب الشرف ما مات يا ذرب الأيمان
 وش بك تعم إسلامها مع كفرها
 موجود به حب عن العيب منصان
 وموجود به ناس شرفها حكرها
 وبالناس عدلين وبالناس عوجان
 لا تظلم العالم يعمك خطرها
 هذا الصحيح ولا تكلمت بهتان
 والقاع تتعب يا ولد من شبرها

* * * * *

قصيده مرسله من الشاعر نهار عبدالله الخالدي

من الأساليب التي يرقه فيها الشعراء عن أنفسهم هي تبادل
الألغاز... فتجد هناك تحدي من قبل الطرفين في حل لغز والإتيان بأخر...
يكون من نفس البحر ويحمل نفس الوزن والقافية...

وهذا ما سنجده عزيزي القارئ في بعض القصائد التي تبادلتها
مع بعض زملائي الشعراء.

بادي باللي يشوف ولا يشافي
الله اللي عالم سرٍ وغيب
ومن بعد ذكر الكريم الي امعافي
جهز الأوراق واكتب يا نديب
لمجبل الحشاش من دون اختلافي
حيث صدره للمثل دايم رحيب
شاقني شعرك مع الشعار وافي
في زمانك يوم حالفك النصيب
قافك المحبوب يا القرم السنافي
يستحق انقارنه في قاف ذيب
قاف ذيب الشمري جزل القوافي
مرهف الإحساس والمعنى الخصيب
وبنشدك يا رامي ابعاد الهدافي
وانتبه يا صاحب القلب اللبيب

ويش عذراً تعترف دون اعترافي
 وأمرها من عند مولانا عجيب
 لاسئلهما اللي يبي كشف الخوافي
 تفضحه لا صار موضوعه غريب
 ويش رجل مسكنه فوق الضفاقي
 وكم بعيد يا ضعه عندك قريب
 لقبوه ابجدنا والأصل هافي
 ودايم يشكي صداعه للطبيب
 منهو اللي جاعل فيه ارتجافي
 غصب فارض سايته ماهوب طيب
 واختصر معناني من غير انحرافي
 بالكلام اللي على المعنى المصيب
 من نهار الخالدي كالدر صافي
 يا عسى مجبل على المعنى يجيب
 واختتم الموضوع في آخر مطاقي
 في ذكر مولى على العالم حسيب

* * * * *

رداً على قصيدة الشاعر: نهار الخالدي
 هاض مابي من بعث لي القوافي
 وارسل ابوته يبي رد امصيب
 يا هلا بك عد مكشوف وخافي
 وعد نبت الوسم بطراف الشعيب
 يا نهار الخالدي وش هالتجافي
 ليش تنوي رميتي وسط الجليب
 يوم دزيت القوافي بنحرافي
 لا تحسب أنني على ردك إتعيب
 جاك حل الغازك ورد ايضافي
 وخابر القاف لا طول يشيب
 لغزك اللي تعترف دون اعترافي
 حله «البصمه» عساها ما تخب
 ولغزك الثاني علي حسب الوصافي
 هو «عربسات» المسمى يا الأديب
 وثالث الغازك هو اللي فيه نافي
 حسب وصفك «صانعه» ما هو صعيب
 هاذي احلولي وأنا ما نيب اخافي
 عل ضرباتي على المرمى تصيب
 كل لغز قلت حله جاك شافي
 وانت يا الي تطلب اصبحت الطليب

جنك الغازي وأبي رد امتعافي
 منك يا اللي مرسلٍ لي النديب
 مرسلٍ ليه ثلاث الغاز صافي
 وأنت جاك اليوم سته يا العريب
 ويش عذراً شكلها فيه انحرافي
 ميتة وإن قلت حيه مستصيب
 جسمها من كل ما ضنيت حافي
 لا شعر لا جلد لا ريشٍ كثيب
 حاملٍ من تنخلق يا الله اتكافي
 أمها تحمل وهي اللي تجيب
 ويش عذراً مشيها دايم اخلافي
 ولا لها قدام بالمشى نصيب
 أحدٍ يجيها وأحد منها يعافي
 وحلها يا صاحب القلب اللبيب
 ويش عذراً هي تخيف ولا تخافي
 عند كل الناس دايم ما تغيب
 تنفع العالم وهي شرٍ يشافي
 وتاكل اللي تاجده بنتٍ رغب
 ويش رجلٍ لاسئلته دوم وافي
 يكشف الخافي ويعطيك النصيب
 عايشٍ في ظلم عنه النور طافي
 وسط بطن أمه وحله يا الصحيح

ويش رجلٍ لا اختفي ضده يشافي
 ينظر بالعين ما يقضب قضيب
 لو خلص واقفى لزوم ايجيك لافي
 وكم قلوب من سبب شوفه تهب
 ويش رجلٍ بيّن ونوبات خافي
 عمره امقسم شبابٍ مع مشيب
 لا ظهر للناس عريانٍ وحافي
 ولا خلص عمره تجدد يا عجب
 هاذي الغازي وأبي منك انتصافي
 أرسل المردود ليّه لا تغيب
 وانت حقك فوق راسي يا لسنافي
 والمجادل بالقصايد دون عيب
 جيب لي ردك عليه لا تخافي
 واتبع القاف الأساسي لا تعيب
 لا يجي بالرد يالقرم اختلافي
 فالعرب تفهم خطاه امن الصويب
 واعتقد ما قلت لك واضح وكافي
 بانتظار الرد والحل المصيب

* * * * *

رد نهار الخالدي على قصيدتي

قال من ينقئ التعابير النظافي
من ينابع هاجس جاله حطيب
محترف والشعر فن واحترافي
يوم يلعب ما يهاب من اللعيب
لا بدئ كب المواقيف الضعافي
ياخذ الصافي ويترك للسريب
ما يعسف القاف والمعنى عسافي
يوم بعض الناس قوله ما يثيب
وما جذبني وهاض شفي واشتفافي
كود مجبل شاقني بقاف ذريب
يا هلاحي الصديق اللي مصافي
شيل ما يرضي سنامك يا هديب
كان نهرك بادي فيه النشافي
جاك بحرأ يلتطم فيه الغيب
المعاني ما خذيناها استلافي
لا بغيته من بحر جاشي يسيب
كان صحراء هاجسك جاها الجفاني
طب روض شابك فيه العشيب
وافتهم يا شوق لباس الغدافي
ما يشيب القاف عندي بالحبيب

يوم أقول انك برد القاف تافي
 ما بغيتك تدبل القاف وتليب
 واستلمت الرد منك بـلتطافي
 وأشكرك والبال من ردك طريب
 لغزي الأول ومن دون التفافي
 حلـكم له صح في راس الجذيب
 ولغزي الثاني عليه الحل ضافي
 وثالث الغازي على حلك صليب
 وإن بغيت الصـح ما فوقه اغلافي
 هو قمر من للعرب دايم حريب
 وبعدها وجهت لي سته اردافي
 ذاهبات وقلت دور للذهيب
 وسرت ماشي في صحاصيح الفيافي
 لين جبت اخبارهن عند العزيز
 لغزك الأول كشفته بكتشافي
 حله البيضه ووارد للـرطيب
 ولغزك الثاني صحيح ولنت جافي
 الزقاره غاية القلب الكئيب
 ولغزك اللي ضده ارجال المطافي
 يا زميل الخير هو نار اللهيب
 ولغزك اللي يعطي الرد المكافي
 حله اقياس الدهن من دون ريب

ولغزك الخامس تشوفه وانت غافي
 ذاك حله داجي الليل الرهيب
 ولا اختفي يظهر نهارك بنكشافي
 مير وقته ينتهي عند المغيب
 ولغزك السادس عوافي في عوافي
 القمر يطلع شباب ويستشيب
 هاذي احلولي ومن دون اكتلافي
 يا المخاطب جاك مردود الخطيب
 وتمت الغازك حسب تحليل قافي
 والله أعلم بالخسائر والكسب
 واحمد الله ماني من أهل الهيافي
 وعارف الخير من الوجه الشحيب
 وخابرينك ما يجي فيك انعطافي
 والأصيل أشويش ما يرجع اهليب
 وجالك القاف الأساسي برتصافي
 ولا تجنب قافنا يا عندليب

* * * * *


ردي الثاني على قصيدة الشاعر نهار الخالدي

مرحباً يا اللي بردك جيت لافي
جايبه ما جابه أحد لك ينيب
يا هلا بك عد ما تذري السوافي
وعد محبوب تولع في حبيب
مرحبا باللي اليامن قال يافي
ولا وعد بالقول عنه ما يغيب
قلتها من صبح ما أقوله عجافي
وكل رجّال يجيب اللي يجيب
شاقني رد المعاني بصطفافي
والبيوت اللي بترتيب كريب
جاني المردود بأوراق اصخافي
يوم أنا جاوبت ليّه تستجيب
وقمت افرق بالمتان وبالرهافي
من مردك يا المجاوب للمجيب
استلمت الرد من بين الكفافي
وشفت حالك يوم جاني بالكتيب
حكّم ما به دعايات وخرافي
بالعلامة صح ما فيهن شطيب
لكن أنت اشفيك في حلي منافي
ليش حصت وقلت في حلي صليب

حلّي الثالث ترى ما به حسافي
 كلمتي لك صح لو منك اتعقيب
 غير من سواء ما يرفاه رافي
 مصنعه هو المراقب والحسيب
 صانعه هو الذي فيه امتكافي
 فارض نفسه بتضييـط وخريب
 وأنت فكر فيه والدنيا عوافي
 لو ركب حلك فحلي له جنـيب
 هذا هو رايي ولا أزهد به زهافي
 وحلك اللي قلت ركبته ركيـب
 ما سمعنا عنه محد به يوافي
 عن علومه مير نشبته نشيب
 ويانهار اركد ترى السرعه هيافي
 لا تحسب انك على العالم غليب
 والذي زود على القاف التهافي
 وزاد شيطان القصيد بالـنحيب
 يوم شفتك متجه لي بلتقافي
 تحسب أنني عنك عجزان أمريب
 يا نهار الشعر أنا أسرف به اسرافي
 أنت بالمشى وأنا لك بالخبيب
 الشعر ما أجيه سرق واختطافي
 موهبه عندي من الله الوهيب

أكتب أنواعه على بيض الصحافي
 بالعسر واللين منه ما استريب
 وكان بحرك يلتطم موجه أخفافي
 عندي لبحرك محيط به لهاب
 وجوك اللي مخضر وبالعشب دافي
 جاه لاهوب يذويبه ذويب
 ورمينا يضرب بعيادات المسافي
 لا رمينا ما يجي فيهن كذيب
 واختصر ما قلت في شيني وكافي
 وحرف راء مع ياء ورتبهن رتيب

* * * * *



قصيده : مرسله من الشاعر سعود الغريب

يابن حشاش المحاحيل استدارت في يدين الفني
وارزمت ربابة الفنان وين اللي عليها يغني
والليال السود صارن مقمراتٍ بالسمااء يضوني
والمغني ما يغني في سنانور القمر لا باني
استر المعنى وخله خافي لا تدري السماعه
والزمن ما كل واحد يا عميلي في مزاجه طاعه
مثل زرعٍ ينتهي فصله يشلع من جذور القاعه
سنة الخالق ودستور الحياة وكل حي فاني
وكل طير يشبعه وقت العلف مخابله ومنقوره
وما قسم للعبد جاري في حياته لين ياخذ دوره
والبخيت اللي يعيش الوقت هذا سمعته مستوره
والحياء دروس فيها موعظه للعاقل الفهماني
وكل بحاراً ليا دش البحر يتبع سهوم الديره
يستدل أبها عن المتاهة في متابع سيره
البحر يغرق غشيم بالسباحه في تلاطم هيره
والسفن تغرق ليا صارت ضعيفه خبرة الرباني
ادخل البحر الغزير اللي دخلته قبلك البحاره
واعرف أن ما كل بحاراً يجيب الدانه المختاره
كم غريقٍ راح في قاع البحر ما حصل المحاره
انقطع فيه انسمه واستلحقه سيبه وهو غشياني

أقصد الذروه ليا منك بغيت المجلس المتعالي
 وركز القامه على جال أم سبعة وأدرج المحالي
 مثلها تروى ورود القيص يا منه حداها اللالي
 كوكب يسقي جذوع بالهفوف سنين له وزماني
 خذ وصية واحد قلبه غيور وضا مره محراقي
 عل عسرات الليالي ما تدوسك بالقدم والساقلي
 والنماذج مثلكم قلبي على سموها مشفاقي
 وشاور الرجل الكبير العاقل الفهماني
 وأعذر أبن غريب اللي قالها نصيحة مهديها
 ذاق من طعم الليالي يا عميلي مرها وحاليها
 هيضه ناس تمثّل ربعها ما ودنا نظريها
 خير من بعض الكلام سكوتنا حيث اللسان حصاني

* * * * *



رداً على قصيدة الشاعر سعود بن غريب
 مرحباً في شاعر زين المعاني في قصيده جني
 أرسل اببوته على عنواني الدائم وهن وصلني
 يا هلا باللي جميع أبيات شعره بالهدف شاقني
 عد ما هب الهبوب وعد حرف بالقصيده جاني
 يا هلا بالشاعر اللي شاقني قافه وحسن ابداعه
 شاعر يلعب على ابحور الشعر ويجيد كل أنواعه
 شاعر فنان قبلي في بحور الشعر فل اشراعه
 يا لله التوفيق في رد يعجبه يوم جاني عاني
 الليالي نورها لابان عز لك وقل منصوره
 جعل تاليها يجيكم يا عميلي بالفرح واسروره
 والقمر ياسعود في وسط السماء لابد يظهر نوره
 هاذي الدنيا ترى ياسعود منت أول ولا أنت الثاني
 الخبر مستور والمعنى عرفنا كلبو تفسيره
 بيني وبينك وبين اللي مشينا في حسن تدبيره
 عارف مالي ابشرجه مانبي تزويده وتطويره
 ما نبي يدري به القاصي ولا يعرف هدفه الداني
 البحر يا سعود يومني نصيته قاصد تجاره
 قصدي أجلس بينهم وأخذ تعاليم البحر وأخباره
 عارف أنه صعب والتعليم ما هو قطت السناره
 الخبر له نوع ثاني والمعاني فيه ما تخفاني

عارفٍ دربي عليه ورحت له متوكلٍ بالعالِي
 بقصد الغبه عسى ربي على دربي يسمح فالي
 لين أجيب اللولو اللي لا عرضته صار سومه غالي
 تشتريه الناس لو أنه عليهم غالي الأثماني
 لذة الدنيا على هلون وإلا جعلها تنعاقِي
 كسبة العليا هواي وعارفٍ محدٍ عليها باقي
 والولد لا صار ما قلبه على العليا يجي مشفاقي
 يا خسارة عمره اللي ضاع له دايم وهو ينهاني
 والزمن غدار والفرصة قليلٍ به من إيلاقيها
 والليالي من قديمٍ كل الأمة دايمٍ تشكيها
 ويا الله إني طالبك تستر علينا من بلاء تاليها
 يا عليمٍ قدرته بالكون خالق كل شيءٍ ء كاني
 واشكر الله واشكر يا بوبدر ياسعود يابن غريب
 حيث بك غيره وتقدير ومعزه لي وساسك طيب
 عازمي ومن الصوابر وأنت لي من الخوال اقريب
 مسحمي من هل الجرباء خوالي عز يالشجعاني
 وآخر الموضوع مني بختمه في تالي الرديه
 مع سلامي واحترامي والتحية مرسله مثنيه
 للذي يومه بدع زين المثل بالقاف دزه ليه
 أشكره يومه على التشجيع والعليا بها وصاني

* * * * *

قصيده مرسله من الشاعر السعودي محمد عبدالله الهاجري :

قاله اللي بالتماثيل يصخرها صخر
من هجوس ما تطول على ديانها
هاض مابي شاعر يوم صك المحتظر
كلمته موزونه وافي ميزانها
يا بن حشاش ويش عذراً لها بطن وظهر
الحضر صدقائها والبدو عدوانها
لا رجيل ولا يدين تكافي من خطر
وسرها في راسها والطبيب وزانها
مرة في البر تمشي ومرفا البحر
ومرة فالجو راحت من اللي هانها
إن جهلك العلم يالعاظمي رد الخبر
وإن عرفت العلم نشكرك يا ربانها

* * * * *



رد مجبل الحشاش على الشاعر : محمد عبدالله الهاجري «ابن محيا»

مرحباً باللي كتب لي جواب في سطر
والمعاني ما تخربط بضبط ألحانها
يا هلا بك مرحباً عد ما همل المطر
وعد ما مالت من الريح خضر أغصانها
فيك يا لي بالمثايل على صوبي حذر
وخصني ببيات شعرٍ وضع عنوانها
يا محمد يوم حظيت لي فيها مقر
يوم لي اسندتها حاطرٍ في شانها
من نصاني له تراني على خيرٍ وشر
أبذل المجهود والنفس مع سلطانها
كان تنشدني عن اللغز تفسيره حضر
نفسي بحله عليم الخفايا عانها
لغزك اللي قلت لي واضحٍ مثل القمر
حله «الكوره» كتبته لك بقيفانها
جاك حله والحذر ما يفك من القدر
والمعاني ودنا نفتتح ببيانها
مثل ما دزيت لغزك ترى ما من عذر
جاك لغز وعطني الحل يا فنانها
ويش عذراً يا محمد وخالقها بشر
خلقه ابنادم ومتعدده بلونها

راعية قرنٍ طويلٍ وناحلت الخصر
 تشرب وتأكّل ولا بينن ببدانها
 ما تمل من التعب لو توقّفها شهر
 ورأسها لو تفضّخه ما طلعن دمانها
 لا نبات وتنحسب من حسابات الشجر
 يا كثر عدوانها ويا كثر صدقائها
 ويا محمد ويش رجلٍ حليّاته عشر
 وأي وحده غايبه يذبّحه فقدانها
 اسمهن يطلع لمن العدد فيهن قصر
 وكل وحده أمن الحريم أمية ورعانها
 يشهرن اسم الرجل في تجمعهن شهر
 بربعه وإلا على اثنين واسمه صانها
 جاتك الغازي وعطني جواب مختصر
 حلها كأنك بالलगاز من فرسانها
 كأنك أنت اتصخر القاف أنا اجبر له جبر
 اكتب أنواع القصايد بكل أوزانها
 لا تحسب اللغز والقاف هذا لي عسر
 جاك حل اللغز والرد ضمن اعلانها
 واعرف أني يا محمد لخطك منتظر
 ارسل المردود يا بادِي بألحانها

رد محمد الهاجري على مجبل الحشاش

يا هلا يا مرحباً عد ما بان السفر
وعد نشو المزنه اللي هطل ودانها
برمضان وصايمٍ وأتحريّ للقدر
وتحريّ لي علومٍ عزيزٍ شأنها
عاش من قز المثايل مثل نقش الحجر
والمعاني ردها ضابطٍ ميزانها
عالم ومتعلمٍ سابحٍ غبة بحر
والسفينة في بحركم ركذ سكانها
مجبِلٍ جاني كتابه ورد لي الخبر
ضابطٍ نقد المعاني حشا ما خانها
يوم رزيت الهدف صاب راسه ما قصر
رميته وسط الهدف ما نقول وزانها
صحّ قولك يا عميلي وتحري بالفخر
من رجالٍ حقها تأخذه بأيمانها
استوى بيني وبينك سوى لعبة سبر
شد وأنزل والمعاني على بنيانها
يوم جانا لغزك اللي يحير به البصر
شاقني مبنئ بيوته على عمدانها
لغزك الأول نحلّه بليا مؤتمر
دلة الرسلان تصلني على نيرانها

أكلها الهيل المصفى مع البن الخضر
 تشرب وتشرب اليا حضروا وغدانها
 قند الدله وعده لمطلقة النظر
 عد فنجال الشجاعه على شجعانها
 ولغزك الثاني نحله على شط النهر
 عملة ابلادك عسى الله يعز أوطانها
 الرجل دينار لا من خردته انكسر
 والحريم إميات يا للي تعد أثمانها
 والعيال فلوس واحسب حسابك يالصقر
 والفلوس نعدھا من عدد بزرانها
 وإن جمعنا الأربعة صار دينار حمر
 والثنين أنصاف متساويات أوزانها
 وجاك ردي يا عميلي بليا مختبر
 وأعرف انحن ما وصلنا أَللمس بطانها

* * * * *



ردا على قصيدة الشاعر: محمد عبدالله بن محيا الهاجري

مرحباً باللي جوابه على لغزي حضر
شاعر زين المعاني بشعره صانها
شاعر في بحور الأشعار له درب وممر
ما يجي هزل القصايد يجيب اثمانها
يا هلا بك مرحباً عد ما بان الفجر
وعد ما سيّل سحب المطر وديانها
مرحباً باللي على لغزي الثان انتصر
صاب حله والمعاني عرف ميدانها
لغزي الثاني جوابك بحله ما عثر
صبت حله يوم رزيت لك نيشانها
واحد صابه سهمكم وواحد به خسر
والنصيفه رابح من مسك برسانها
أما الأول في جوابه علامتك صفر
صار حلك مخطي ما عرف وكدانها
صرت في حلك سريع على مد وجزر
ما انتبهت لتالي اللغز في قيفانها
يوم أنا لك قلت عذراً وخالقها بشر
خلقه إبننا دم ومتعدده بلوانها
راعية قرن طويل وناحلت الخصر
ياكثر عدوانها وياكثر صدقانها


أنت حلك قلت جاني بليا مؤتمر
 دلة الرسلان تصلى على نيرانها
 انتبه للحل حاول تعيدا به الفكر
 الدلال اسئل ولا تنوجد عدوانها
 فيه ناس ما تعامل معاها لا نكر
 لكن العدوان ما تنطبق بخوانها
 وأنت ما قصرت نرفع لك اشعار النصر
 والهزيمة خلها لا تجي حسابها
 دامك اخطيت الهدف ما ظربته بالنحر
 بشرحه وفسره لك واجيب أبيانها
 حله «الشيشه» ألياعمروها بالجمر
 وقرنها الهوز الذي يوصلك دخانها
 تشرب الماء وأكلها «الجراك» لامنه عمر
 لا تولته الشواريب من خلانها
 يشربونه عارفينه يضرولا يسر
 خاسر ماله وحاله رفع خسرانها
 وراسها يصنع حديد ويصنع من حجر
 ولو كسرتة قلت لك ما طلغن دمانها
 وجالك المردود مني جوابي والشكر
 عد ما هلت علينا السحب غدرانها

قصيده مرسله من الشاعر عوض سالم بن مرضي العازمي

طارشي كان واجهت ابن حشاش
وصله مني الخط يالماشي
معك أمانة ترى الخط يالطراش
به سلام من القلب والجاشي
به سلام من خاطر الهشاش
عد ما يمطر المزن بالناشي
يا بن حشاش هاج البحر للطاش
موجته رشها سيل الطاشي
من غرق وسط موج البحر ما عاش
ما يدش البحر كود طواشي
ميت البحر ما كفنوه ابشاش
ميت بالبحر وأصبح اقشاشي
ناقش العود يعبي له المنقاش
يظهر العود من كان نقاشي
كم صببي تجي هقوته ببلاش
من سبايب توحيه للواشي
يسري الليل ويقرب المغباش
عارش العظم ما حصل إعراشي

والخبر يا فتى الجود اشوفه ماش
ويش هقوتك ابيه يابن حشاشي
ميرانا في رجا منزل الرشاش
منزل الرش من مزنه الغاشي
في رجا خالقي ما رجيت اللاش
ما اترجا المعزّه من اللاشي
منبت العشب في السهل والعكاش
لين يخضر ويشبع به الحاشي

* * * * *



ردا على قصيدة الشاعر: عوض سالم بن مرضي

يا قلم سجل الخط هاض الجاش

من جواب عطانيه طراشي

من صديق نوى يمي المطراش

صافي القلب ماهوب غشاشي

مرحباً عد بالمعركة من هاش

وعد من به رصاص الخطر ناشي

وعد من يا عوض يأخذ المعاش

فيك يومك نصيت ابن حشاشي

يا بن مرضي تبني هقوتي لك كاش

يوم قلت البحر هاج للطاشي

لو يهيج البحر مرجعه دشاش

لا يغرك ولو يوحش أوحاشي

والسهم ضار به بالهدف ماناش

لو يعدل السهم فيه ماناشي

والردي لو تسمع كلام الواش

ما يفيد كلام من الواشي

والجبل ما يهزه رمي رشاش

والخشب ما يسمونه اقماشي

ويا عوض ما يفيد العظم عراش
وأنت لي قلت ما حصل أغراشي

يا عوض من يعرش العظم ما حاش
ما يفيد أعراشه بالأنواشي
وكل شيءٍ يجيله ترى فتاش
لين يكشف خفاياه فتاشي

كم صبي نهار اللقا ينحاش
لا نظري يا عوض شيل الأنعاشي
في كلامه نهار الرخا هواش
مير بالصامله عنه ينحاشي

ويا عوض مَيَز حمود من عماش
وأعرف المرتشي كنه الراشي
وآخر الخط من رد أبن حشاش
كاتِب فيه ما تطلبه كاشي

وأعرف أنك بخطك قفلت الآش
ما كفا وايضاً اقفلت بالآشي
مير ما أقول أنا غير كلمة عاش
تحسب أنني عن الرد ابنداشي

لكن أعرف عن الرد أناما أنداش
اصخره لو وقف لي يجي ماشي

قصيده مرسله من الشاعر السعديه عنود الريف

قد يؤدي الإرغام على الزواج إلى الفشل والضياع... وهذه القصيدة
ترمز إلى معنى ألا وهو أن لكل نفس حق في اختيار الشريك دون ضغط أو
إكراه... وهذا ما تعبر عنه عنود الريف شاكية لي بهذه القصيدة تقول:

يا ابو محمد لك سلام وتحية
تحية مصحوبة ورد واعطور
خطبتها يالعاظمي لك هديه
يا اللي بحسنات التماثيل مشهور
من لابة بالعون ما هي رديه
الي اليا عدوا القبائل لها دور
اشكي عليك الحال مالي جديه
ياكود دمع فوق الأوجان منثور
دنيائي يالحشاش ضاقت عليه
أسهر اللياما يشرق الفجر بالنور
أبليت أنا في شخص والله بليه
مالي بهم لاشك بالحيل مجبور
والعيشه اللي ما تجينا هنيه
وش ينبغي يا ابو محمد لنا شور
وش شوركم يا بومحمد عليه
ليتك تقوله بالإذاعه على الفور

شورك ترى له عندنا قابليه
عجل ترى قلبي من الويل مقهور
عسى ليالك كلبوها هنيه
وياعل حظك دايم الدوم مسرور
وارجي السموحة كان تنقد عليه
وارجي عسى بالخط ما جاك مقصور
وانهي الكتاب ولك سلام وتحية
تحية مصحوبة ورد واعطور

* * * * *



رداً على قصيدة عنود الريف

هذا هو ردي الوحيد على الشاعر عنود الريف ناصحاً إياها بالتحلي
بالصبر وعزة النفس... فما من جدوى سوى ذلك:

سر يا قلم واكتب مرد القضية

واحسن جوابي في تماثيل واسطور

قل مرحباً عد الليال المديه

واعداد خلق الله على الكون بالدور

رداً على اللي تشكي الظيم ليه

اللي شكت لي من عنا الوقت والجور

تشكي عنود الريف من حسن نيه

ماجت على خبث الطواريق بحدور

من حظها واطروفها العائليه

شكوى شريفه ما بها عيب مذكور

الخط جاني واقتهمت اش نويه

واللي كتبتني عندنا صار مخبور

بس المصيبه ما لنا مقدره

واللي ورا العالم صعيب ومعسور

يا بنت والله علتك باطنيه

وأنا ترى يا بنت ماني بدكتور

لا صار مالي مع هلك مدخليه

مالي على حل المواضيع مقدور

والأمر إذا ما صارت أنا اللي وليه
 كل العرب صوبي يقولون معذور
 لكن تبين الشور مني هديه
 شكواك للي خالق بر وبحور
 قلولي لبوك البينه والخفيه
 وعطيه علم عمير من جمّة الخور
 يمكن يجيه من الولي مرحميه
 ويصير علمك بالتساهيل مقصور
 أو صارحي من صار حظك خويه
 اللي سبيلك في يده صار ميسور
 قلولي أنا وياك صرنا سويه
 بس ابتعد غني وأنا اقول مشكور
 يمكن تجي به غيرة مع حميه
 ويعز نفسه عنك كأنه مهو ثور
 بعض الرجال اتجيبه المنتخيه
 واتحسه الكلمة ويمشي مع الشور
 هذا إذا أمرك فيه روحه وجيه
 يا عل حظك بالتوافيق منصور
 وإن كان صار العكس يالغشمريه
 صبرك على نفسك معزة ومستور
 ستر لك ولأهلك وكل الدنيه
 اخير من كلمة خبيث ومعيور

تصبري وأمشي بنفسٍ رضية
الله يفرجها على خير وسرور
واختم كلامي في صلاةٍ زكية
على نبيٍ وضح الظلم والنور

* * * *



قصيده مرسله من الشاعر ناصر سالم الهاجري

يا مجبل إن كانك اتعرف المعاني
فسر معاني شاعرٍ جات جزلات
أنشدك عن طيرٍ ارجليه ثماني
وجنحانه أربع وأن مشى خطوة مات
مرباه من بين العلا والطماني
ولا يشبعه ما في البحر والمحيطات
رد الخبر ليه ابضعة ثواني
وإلا الليالي المقبله ما بعد جات

* * * * *



فكان هذا هو ردي عليه

يا مرحبا ياللي ابخطه نصاني
أهلاً وسهلاً مرحبا والتحيات
أهلا عدد من صام شهر أرمضاني
واعداد من طاف الحرم بالزيارات
وحي الجواب وحي من به لفاني
وباللي عليّ اسند ابيوتٍ جميلات
أسند عليّ اللغز يبغى امتحاني
عسر كلامه والمعاني صعيبات
يقول وش طير ارجيله ثماني
وجنحانه أربع وأن مشى خطوة مات
مرباه من بين العلا والطماني
ولا يشبعه مافي البحر والمحيطات
ويقول هات الحل بأسرع زماني
والا الليالي المقبلة ما بعد جات
يا الهاجري يومك نويت اتحداني
واتقطني وسط البحور الغزيرات
لا تحسبن القاف منك ايعصاني
وإني غشيم بالبيوت الخفيات
لا يابن سالم بالقصايد تراني
أفسر الكلمة يجي عشر مرات


لغزك رميت لحروته بالمكاني
 وكل الوصوف اللي تبي فيه عدلات
 هو الجسر ويا أرصفته الثماني
 وجنحانه اللي قلتها الاتجاهات
 ومرباه ترفيعه بذك المباني
 ولا يشبعه مر المواتر كثيرات
 وافهم ترى بالناس قاصي وداني
 ولا كل شاعر يستطيع الإجابات
 لكن مثل لغزك أبعطيك ثاني
 واليا عرفت الحل يا لها جرى هات
 أنشدك عن طير ابكبره دهاني
 وفي وسط جنحانه خلق له علامات
 رجليه واجد والخطر له بياني
 وتجييه صيداته على كل الأوقات
 ولا يا كل الامن لحم مودماني
 ومحله رب البحر والسموات
 واحد بواحد مثل ما جاك جاني
 أرسله لي بيتين وأرسل لك أبيات
 حل وفسر في جميع المعاني
 وأنا انتظر ردك على كل الأوقات

* * * * *

تعقيب الشاعر ناصر الهاجري على ردي .
حي الكتاب اللي بزرفه لفاني
حيه عدد ما ينشرن الإذاعات
اشتقت له ساعة قرите وجاني
جزل وفيه من المعاني شحينات
وكتبت قاف طاعني ما عصاني
خط القلم بيدي بيوت ثقيات
رد على من فاز بالإمتحاني
اللي بيوته صادق بالإجابات
رميت له لغزي ومجبل رمانني
وأبا تحمل صد كل الرمايات
وحليت لغزك كان ربي هداني
على الصواب الله يقدي الخطوات
كان الفكر صادق بما هو عطاني
القبر حله كان مافيه زلات
ويابو محمد تالي العمر فاني
وترى القبور أهي المنازل لخيرات
وإن ما عرفته مانبي دور ثاني
واليا عرفته زودوا في العلامات
وانته مهندس في جميع المباني
وأنا اتعلم في سطور خفيفات

وعز الله أنك ما تبني ترجماني
وأنا اعتذر منك على كل مافات
وأنا مع العالم لسانى حصانى
صنته لجل محدٍ يمس الكرامات
ولانى بناسى واحدٍ ما نسانى
حقه على رد المراسيل عجالات
وأقول مثلك نصف ما جاك جاني
يا شاعر يكتب بشعره سجلات
وصلوا عدد ما يسمعون الأذاني
على نبي ما غشته الملامات

* * * * *



ردا على حل الشاعر ناصر الهاجري .

حييت ياللي جيت بالخط عاني
رداً على لغزي كتبت الجوابات
يالها جرى حلك وصل بغلطاني
ورحبت في حلك بوسط الرسالات
لكن ترى حلك غلط ما كفاني
ما صبت حله والمعاني غزيرات
أخطيت ما صبت الهدف يالحصاني
واتقول مابي دور ثاني كفايات
لا يا عريب الساس ذرب اليماني
اللي بدئ وش عجله للنهايات
البادي أنت ولغزك اليوم هاني
يومك نويت اتحطني بالمتاهات
أرسلت لي لغزك وهو ما قصاني
ساعدني الله بالردود السريعات
ودزيت حل بالتفاسير باني
وجتك الرسالة بالعلوم الصحيحة
وأرسلت لك بالرد لغز لياني
باغي جوابك بالعلوم السليمات
وأخطيت حله ما ظلمته ضماني
حطيت غيره والهقاوي كثيرات

ومدام حله ما عرفته فلاني
امطول بالسالفه والدعايات
اليوم أنا بوضحه بالبياني
وافسره يالهاجري بالبيانات
أول أحروفه ميم والسين ثاني
والألف بختام الحروف الأخيرات
وتراه للمرضى مقر ومكاني
والساعة أربع دايماً به زيارات
هذا جوابه جاك سر وعلاني
ابين من المومي بروس العدامات
ميرانتبه لي يا عريب المجاني
احذر عن الشعار فيهم مهمات
احذر عن العيلات في كل شاني
عطيتك المردود هو والنصيحات
وتراني ابلاء من جوابه بلاني
بالقاف راقله ابروس الطويلات

* * * * *

قصيده مرسله من الشاعر محمد حفيظ العجمي

من منا لا يأسف ويتأثر بما يعانيه الوطن العربي من تفرقه في
صفوف أبنائه... من منا لم يعتصر ألما لما نشاهده في وطننا العربي
وخليجنا وكويتنا من المآسي والشروخ التي لن نتغلب عليها إلا بالكثره
والوحدة... فقد ترجم كل هذه المعاني الشاعر محمد حفيظ العجمي لي
بهذه القصيدة قائلاً:

ألا يا مجبل الحشاش صدق إن الزمن دوار
يدور بكل هالعالم ودوره بيد من داره
يدور ودائره ربي عليم الغيب والأسرار
مدير دايـر كونه عليّ بالقرم مختاره
وبعده اسمع القصه وأبي منك تجي الأخبار
وحنا مثلكم يابو محمد نسمع أخباره
على اللي مننا صارت بكف الخاين الغدار
وغيّر من هويتهـا وصارت دار كفاره
عليها راح متوجه وفي عالي سماها طار
وأرسل له قذائف حطمت حاره على حاره
وعذب كل من فيها وخلاهم كما الأحجار
وكدر جوّها الصافي وزاد بحربه اغباره
وبعد القدس له مده وسط لبنان شب النار
بحرب بين أهاليها حقيقه حرب دماره
وهو في نفس مرتاحه ولا يدري عن اللي صار
ولا منه تضايق راح يرميهم بطياره

وقبل اشهور في دار الصباحي حط له تذكار
 بتفجيرات يا مجبل بها نور الخطر ناره
 يقولون انهم غيره وأنا أقول أنه البوار
 بتخطيطه يمشيله نفوس أشخاص جباره
 وهو يرسل تحياته علينا لا بغاله قار
 ونلبي مطلب الخاين ولو هو عهدنا باره
 ومن فعله عمل حرب كبيره بين جار وجار
 ألا يا حيف كيف الجار يذبح يا فتى جاره
 لها خمسة اسنين جاريه والأمر منه سار
 مابين اخوان للإسلام طول الوقت عماره
 الا وشلون صرنا يا عرب نمشي على مختار
 وياكل بعضنا الآخر ونفسه منه محتاره
 وترى كثر الصبر يا مجبل الحشاس معني العار
 وياليت إن العرب تهجم على اسرائيل في غاره
 تحطمهم وتذبحهم وتجعل شملهم طشار
 وكل منهم تصبح يمينه ترفع ايساره
 ويصبح عندهم علم بإننا ما نخلي الثار
 ويبقى فعلنا مشهور وسط الكون وأقطاره
 ندوس الذل ونضحى ولا نرجي غلاء الأعمار
 ومنهو عاش بكره بعد بكره تقطع أخباره
 وتم القول يا مجبل وابطل ربى الستار
 يحفظ أرض الخليج الغاليه يا أخوك بستاره

* * * * *

ردا على قصيدة الشاعر: محمد حفيظ العجمي

بذكر اللي بها الدنيا خلق بروسماء وأبحار
وجميع الكون يعلم به ويعلم خافي أسرار
هو الرازق هو الهادي هو العالي هو الغفار
بعد ذكره ابسجل بخطي وابدي اسطاره
أبدي كلمتي واتبع بقافي منهج الشعار
وأرحب فيك يا اللي في جوابه جتني اشعاره
هلا بك مرحباً وأهلاً وسهلاً فيك بال تكرار
عدد من زاور الكعبة وفيها يرمي اجماره
وآلا يا محمد بن حفيظ فكري من جوابك دار
وذكرني بوقت ما بقى الا تالي اذكاره
زمان للعرب كانت لهم هيبة وعز وكرار
يجون الموت بأنفسهم ولا يرهبهم أنذاره
زمان به فتوحات العرب كانت عليه اكثر
على الإسلام جمعتهم يجون الموت بخطاره
يخوضون بمعاركهم حروب النصر ب استمرار
يضحون بسبيل الله وكل ى يرخص أعمار
حروب النصر خاضوها وفازوا في بحر ها امرار
وكم بسباب قوتهم بلا ى زادت اضراره
على أيام الرسول اللي على أمر الله لجا بالغار
عليه أزكى صلواتي مدامه حل تذكاره
تذكر معركة حطين وش سووا مع الكفار
آلا وشلون ما تذكر صلاح الدين وأشهاره

يا محمد ترى الخاين مثل ما قلت والبوار
 لنابه ماضي صارم ولكن زاد بفخاره
 فعائلنا بهم واجد ولكن الزمن غدار
 سبب تفريقنا صاروا علينا اليوم زماره
 وترى اللي عندهم راحت وكثر الحكي للهذار
 عسى الله يحفظ الباقي ويستر تالي أدياره
 وتفجيراته القشري بفضل الوالي القهار
 سلمنا من خطورتها يوم أن الرب ماجاره
 عثره الله على فعله ولا صار الذي به ثار
 فشل تخطيط قواته على اللي بالوطن ثاره
 ودار القدس يا محمد تبي ناس من أهل الدار
 بجمعه للعدو حره تجي وانطيع أفكاره
 ترى الجمعة لها هيبة ولو كانت بعشر انفار
 ودرب التفرقه فاشل لو أنه زادت انفاره
 على أهل المذهب الضايع هل التخريب وأهل البار
 محللة الحرام اللي بدرب الكفر قماره
 عدو ما لقي ضده اليامنه بغى المحدار
 يسوى ما يبى كيفه ولحد يمنع اقشاره
 ولكن خلها تمشي على الله يا ولد بستار
 وراس ما تجي قده بعيد عنك مشواره
 عسى الوالي يحفظ أرض العروبة منبع الأحرار
 ديار اسلامنا حره كبيراته مع اصغاره

وأيضاً قصيده مرسله من الشاعر السعودي محمد عبدالله بن محيا الهاجري

قال منهو يجذب الماء من العد الغزير
والمعاني ما تخربط بنظم احروفها
لا بغا نظم المعاني حشا ما يستحير
مثل جذب الماء اليامن بغا مقطوفها
لابن حشاش المعاني على شانه خبير
والمثايل عادتي بالهدف ما طوفها
جاك لغزي يا عميلي وقرر له مصير
أرم لك رميه عساها تصيب اكشوفها
مرة خف العصي ومرة ثقل البعير
والفهم يحلها والغشيم يلوفها
ويش عذراً راسها أنثى ورجليها ذكير
ولا مشت شلت ولدها وسط سرجوفها
ورجلها نوب طويل ونوبات قصير
ودايم له مركب بين روس اکتوفها
وبنتها في راس أبوها ومسعاها خطير
عند بعض الناس والا البعض ما يشوفها
والمعاني بيتاً جرهما سلك الحرير
عدها بميات وانعدها بولوفها

* * * * *

ردا على قصيدة الشاعر: محمد عبدالله بن محيا الهاجري

هاض مابي شاعر في تماثيله بصير
صانها عن كل عيب يخل بجوفها
شاعر قافه يجي كنة السيف الشطير
في يد اللي لا وقف ما يهمه خوفها
جني أبيوت نظمهن على المعنى الكبير
بالرسالة يوم فكيت أنا مظروفها
وسطها لغز بمعناه فرسانه تحير
ويطلب أبيوت ابحله ترز اسيوفها
لغزك اللي قلت حله يجيك ابه البشير
والمعاني صوبكم مسرع بنكوفها
حل لغزك يسعد الي ورد له فوق بير
واسئل البدوان قد جربوا معروفها
«الدلو» كل المعاني عليها تستدير
وارد لغزك عليها بكل أوصوفها
وغيرها ذي يابن الأجواء ماضني تصير
ولو تصير اعرف ترى الدلو نفس أهدوفها
وانشد اللي بالتماثيل تفسيره شهير
وخل عنك اللي تطاما كبير جروفها
واعرف أن اللي امفتح مهو مثل الضرير
وكل راعي سلعة عارف وش نوفها
جاك حله ميرا بسلك يالوجه السفير
عن هنوف يا كثر يالعميل اشفوفها
من خلقها الله وهي حامل بطفل صغير
وزوجة لثنين كل خذا منصوفها

وانشدك كانك بجل المعاني لك مسير
 وتفتهمها لو تصعب عليك اظروفها
 ويش رجال اعياله لهم ورد وصدير
 وله هنوف كلبوهم يجون اضيوفها
 بنت وحده تختلف كل وقت باسم غير
 والعيال اشكالها تختلف بصنوفها
 والرجل موجود شكله مع العالم كثير
 والعيال أمن أجل بنته تشد اصفوفها
 هاذي الغازي عسى دربها عندك يسير
 والديون اليوم يالهاجري لي أوفها
 وأعرف أن الطير لازم إيوقع لويطير
 والبنات بكل عرس تكد ازلوفها
 والقوافي يا محمد بها يسر وعسير
 وحاضر في ردها لو تزيد اكلوفها
 وآخر الموضوع ابعطيك أنا العلم الأخير
 عدها بولوف وانزيد لك مصروفها

* * * * *

«تعقيب الشاعر محمد الهاجري على ردي»

مرحباً في مرحباً عد من ورد الغدير
وعد همال المطر من غزير اقنوفها
بالكتاب اللي لفاني وأنا له مستجير
خط شاعر بالقلم من جزيل احروفها
قالها اللي بالمثايل حشني ما يستعير
قزها بقياس فكرة وجاب كلوفها
صانها من كل درب يغير ويستغير
حشمة للطيب اللي نقل مصروفها
بو محمد عادته بالمثل ما يستحير
عادته حل المعاني برمز اهدوفها
وجاتك الغازي على أربع معاني بتعبير
ولو خسرت ابراسها رابح بردوفها
يوم أنا لك قلت عذراً ورجليها ذكير
ولا مشت شلت ولدها وسط سر جوفها
ورجلها نوب طويل ونوبات قصير
ودايم له مركب بين روس اکتوفها
وبنتها في راس أبوها ومسعاها خطير
عند بعض الناس والا البعض ما يشوفها
أنت صدت آخر هدف يوم ركزت الضمير
والمعاني واضحة بينات وصوفها

بنتها جودتها بالسبوق وبالجرير
 وأمها خليتها والمثايل خوفها
 والرجل صديت عنه عسى بالأمر خير
 والولد جنبت عنه بوسط نجوفها
 لغزنا اللي نذكره للكبير وللصغير
 المحالة والرشاء لا درج حاذوفها
 والولد مسمارها دايماً جسمه حسيّر
 وسط جوف أمه وحاله نحل من جوفها
 والمقام ارجيها وافتكر كانك فكير
 عدة البدوان في القيظ والا اسيوفها
 وجتني الغازك عسى احنا بها ما نستحير
 حلها موجود عندي وانا عاسوفها
 لغزك الأول رميته وغيره ما يصير
 حله العين الشقيه ويبرح شوفها
 والغريير اصبيها بين رمشين يدير
 سعد عين أمه ويسهر من أجل وقوفها
 ولغزك الثاني نحله الياطال المسير
 المساجد في البلد عمروا في طوفها
 والبنات افروض ربك ترى ربك يسير
 واطلب الله جعل الإسلام يمن خوفها
 والصفوف اللي تبلي وتسجد للكبير
 والله اللي يعتني بالغنى واضعوفها

وجاك مردود القوافي وبالعمله خبير
وكل راعي سلعة عارف وش حوفها
وكل ديان بنوفيه لاقر القرير
نعطي الديان حقه وجزل اسلوفها
والرجال اجبال يالعازمي ما تستطير
والخشوف بليلة العيد حمر اكفوفها
واذكر الله عد ما ابذر على البيدا البذير
لخظرت وديانها والسهل واشعوفها

* * * * *



ردا على قصيدة الشاعر: محمد عبدالله الهاجري

مرحباً حييت بالحل والرد الوفير
والبيوت اللي ينومس مرد أزروفها
فيك يا اللي صار شعرك عن حضورك سفير
عد ما ينبت من العشب في شفشفوها
وعشت يا اللي في جواب المعاني صرت أمير
صبت حل ألغازي ابضبط يا عاروفها
كل لغز صبت حله وتفسيرك منير
والبيوت اللي لفنك كشفت أسقوفها
لكن افهمني وراجع مردك يا العشير
قلت خاسر راسها ورابح بردوفها
يا محمد ما تمعنت بالحل السفير
والبيوت اللي عطيناك ليش اتطوفها
قلت حلي يسعد اللي ورد له فوق بير
واسئل البدوان كد جربوا معروفها
ينطبق لغزك على الدلو افهم يا الخبير
فسر بحل الدلو وافتهم بصروفها
والمحاله يا ولد ما تجي ثقل البعير
وزنها معروف يا صاحبي بخفوفها
لكن الدلوان فضت مالها وزن مثير
وإن ترسها الماء ثقل وزنها بكلوفها

والدلو كل المعاني عليها تستدير
 بختصار وعارف يا ولد ملفوفها
 وأنت كل اللي تقوله على حلي يصير
 كل رفٍ قلت محسوب ضمن ارفوفها
 المحاله والرشا فوق مسمار صغير
 والمقام اللي يثبت مكان اوقوفها
 كلهن غير الدلو مايسون اتعمير
 الدلو هي ساسهن دايم بطروفها
 خذ مردي واعرضه للصغير والكبير
 ودقق ابجلي وتفهم صحيح اعروفها
 ويا محمد من بغى الراي ما طاع الشوير
 وأنت كيفك حطها مثل ما أنت اتشوفها
 يمكن أني قلت أنا غير وأنت اتقول غير
 لكن الناس اتعرف ريشها من صوفها
 والختم صلوا على اللي على الأمة بشير
 عد خلق الله بتالي مرد احروفها

* * * * *

قصيده مرسله من الشاعر مهلي حشاش الظفيري

مبداي باسم اللي له الخلق سجاد
عالم خفايا العبد لو هو يكني
المعتلي علام ما كان ينراد
في قدرته صم الصخور يحكني
إلا هنا المعبود معطي بلا عداد
وليا عطى للعبد محدٍ يمني
اعوذ به من شر مبغض وحساد
بعض القلوب من الحسد ما خلني
ومن بعد ذكر الرب نبدي بالإنشاد
يوم أن صلفات الهموم ارهجني
تحاضبن بالقلب مع كل ميراد
هواجس في خاطري حضبني
همومٍ تهاجم بسرة القلب بعقاد
بحرابها في وسط قلبي تشني
وأُسندَ لقرمٍ بالجماليات معتاد
هو مجبل الحشاش لخاب ظني
واشكي عليك الحال من كثر الأنكاد
حيثُ أفعولك بالوفاء ما خفني

صبرت يا الحشاش والصبر ما فاد
لما همومي بالحشا فجرني
أنا وقلبي يا فتا الجود بجهاد
نوب يهيد ونوب ما يرجهني
القلب يامجبل تقل فيه وقاد
كن الدبا في وسط قلبي مبني
أوكن قلبي مدخل عند جلاذ
في يد قطوعٍ للشقي ما يحني
البارحه يوم المخاليق رقاد
أنا عيوني بالدجا ما مرجني
على الذي من دونه البعد حداد
عنها تصاريف الزمان أبعدني
منساه أنا لو بدل القرب ببعاد
دام العروق من الجسد ما يبسني
ما طيع به يا مسندي كل نقاد
لو العدا بسيوف حقه تسني
وأبي الأفاده منك يانسِل الأمجاد
يوم إن نيران الحشا ولعني

* * * * *

ردا على قصيدة الشاعر / مهلي بن حشاش الظفيري

عاد القلم مني على عادته عاد
على الورق لكتابة الشعر مني
يكتب تماثيل حسيّات وجداد
ردّ على أبياتٍ بظرف اوصلني
أبيات شعرٍ صوبها القلب ينقاد
جني وبالمعنى الصحيح اعجبني
يا مرحباً بالشاعر اللي بهن جاد
اللي لي أرسلهن ابخطه وجني
مهلي اللي يشتكي حر الأوجاد
اليوم بالشكوى على امتعني
حييت في شكواك واهلا بتعداد
ماي البحر قطرات لا وزعني
تشكي عليّ من الهوى يابن الأجواد
تقول نيران الحشا حرقني
هذا الهوى قلب وقع فيه ما هاد
وقليل من بالحب صار امتهني
كم واحدٍ مفلس وكم واحدٍ صاد
وكم واحدٍ من جور الأيام وني
الحب يا مهلي شكوايه تزداد
وياما شكوا بسنينا اللي مضني

قبلك ترى محسن شكى وبن شداد
 ومجنون ليلى اللي عليها استجني
 ومن غيرهم ناس كثيرين رواد
 بالحب ودروب الهوى ينشكني
 واليوم كان أنك عن الرأي نشاد
 وتبي الخبر يا اللي ابيوتك نصني
 البعد ما هو للمحبين رداد
 وترى ظروف البعد ما يمنعني
 وقت التقدم بالوسائل لنا زاد
 فيه الديار المبعده يقربني
 فيه المواتر والهواتف والأرصاد
 وبه طائرات بالسماء يشلعني
 كان الحبيب منصح لك بالأوكاد
 وانتة على شوفة هواك امتمني
 ابشر بحقك كاش ما هو بالأقصاء
 وابيات شعري بالوعد يشهدني
 هذا الخبر كانك على العد ورا
 عسى الظروف بفرزعتي يسعفني
 وجالك مرد اللي على الرد معتاد
 يا شاعر منك المعاني لفني

حلول جميع الألغاز

ألغاز نهار الخالدي التي أرسلها لي:

١ ويش عذراً تعترف دون اعترافي وأمرها من عند مولانا غريب

٢ ويش رجل مسكنه فوق الضفافي
لقبوه بجذنا والأصل هافي
الحل هو «البصمة»
وكم بعيد ياضعه عندك قريب
ودائم يشكي صداعه للطبيب

٣ ومنهو اللي جاعل فيه ارتجافي
الحل هو «القمر الصناعي عربسات»
غصب فارض سايته ماهو بطيب

الحل هو «الذي صنع عربسات
ويتحكم به» علماً بأن الأخ نهار حاول
تغيير الحل بقوله إنه قمر صناعي
غير عربي ولكن هذا غير صحيح

الألغاز التي وجهتها إلى نهار الخالدي

١ ويش عذراً شكلها فيه انحرافي
جسمها من كل مازنيت حافي
حامل من تنخلق يا الله اكافي
ميتة وإن قلت حيه مستصيب
لا شعر لا جلد لا ريش كثيب
أمها تحمل وهي اللي تجيب

٢ ويش عذراً مشيها دايم إخلافي
احد يجيها وأحد منها يعافي
الحل هو «البيضة»
ولا لها قدام بالمشي نصيب
وحلها يا صاحب القلب اللبيب

الحل هو «الزقارة»

عند كل الناس دايماً ما تغيب
وتأكل اللي تاجده بنت أرغب

الحل هو «النار»

يكشف الخافي ويعطيك النصيب
وسط بطن أمه وحلّه ياالصحيح

الحل هو «قياس الدهن بمكيّة
السيارة»

ينظر بالعين ما يقضب قضيب
وكم قلوب من سبب شوفه تهب

الحل هو «ظلام الليل»

عمره امقسم شباب مع مشيب
ولا خلص عمره تجدد يا عجيب

الحل هو «القمر»

ويش عذراً هي تخيف ولا تخافي
تنفع العالم وهي شر يشافي

ويش رجل لا سألته دوم وافي
عايش في ظلم عنه النور طافي

ويش رجل لا أختفى ضده يشافي
لو خلص واقفا لزوم ايجيك لافي

ويش رجل بيّن ونوبات خافي
لا ظهر للناس عريان وحافي

لغز الشاعر محمد عبدالله الهاجري الذي أرسله لي

١ - يا بن حشاش ويش عذراً لها بطن وظهر
الحضر صدقائها والبدو عدوانها
لا رجيل ولا يدين تكافي من خطر
وسرها في رأسها والطبيب أوزانها
مرة في البر تمشي ومرف البحر
ومرة فالجو راحت من اللي هانها

الحل هو «الكره»

الألغاز التي وجهتها إلى محمد الهاجري

- ١ ويش عذراً يا محمد وخالقها بشر
راعية قرن طويلٍ وناحلت الخصر
ما تمل من التعب لو توقفها شهر
لأنبات وتنحسب من حسابات الشجر
- خلقة ابن آدم ومتعدده بلوانها
تشرب وتأكّل ولا بينن ببدانها
ورأسها لو تفضّخه ما طلعن دمانها
يا كثر عدوانها ويا كثر صدقائها
- الحل هو «الشيشة - الأرجيلة»

- ٢ ويا محمد ويش رجلٍ حليّاته عشر
اسمهن يطلع لمن العدد فيهن قصر
يشهرن اسم الرجل في تجمعهن شهر
- وأى وحده غايبه يذبحه فقدانها
وكل وحده من الحريم أُميّة ورعانها
بأربعة وإلا على اثنين واسمه صانها
- الحل هو «الدينار»

لغز الشاعر: ناصر سالم الهاجري الذي أرسله لي:

- ١ أنشدك عن طير أرجيله ثماني
مرباه من بين العُلا والطماني
- وجنحانه أربع وان مشى خطوة مات
ولا يشبعه ما في البحر والمحيطات
- الحل هو «الجسر... الكُبري»

اللغز الذي أرسلته إلى الشاعر ناصر الهاجري

- ١ أنشدك عن طير بكبره دهاني
رجليه واجد والخُطر له بياني
ولا ياكل إلا من لحم مودماني
- وفي وسط جنحانه خلق له علامات
وتجيه صيداته على كل الأوقات
ومحلله رب البحر والسموات
- الحل هو «المستشفى»

اللغز الذي أرسله لي مرة أخرى الشاعر محمد عبدالله
الهاجري

ويش عذراً رأسها أنثى ورجليها ذكير
ولا مشيت شلت ولدها وسط سرجوفها
ورجلها نوب طويل ونوبات قصير
ودائم له مركب بين روس اكتوفها
وبنتها في راس أبوها ومسعاها خطير
عند بعض الناس وإلا البعض ما يشوفها
الحل هو الدلو

الألغاز التي وجهتها إلى محمد الهاجري مرة أخرى:

١ جاك حله مير أبسالك يا لوجه السفير
من خلقها الله وهي حامل بطفل صغير
عن هنوف ياكثري العميل اشفوفها
وزوجة لثنين كل خذا منصوفها

الحل هو «العين»

٢ ويش رجال اعياله لهم ورد وصدير
بنت وحده تختلف كل وقت باسم غير
والرجل موجود شكله مع العالم كثير
وله هنوف كلبوهم يجون اضيوفها
والعيال أشكالها تختلف بصنوفها
والعيال من أجل بنته تشد اصفوفها

الحل هو «المسجد»



الفهرس

عنوان القصيدة	الصفحة
الإهداء	٣
المقدمة	٥
تسمية الديوان	١٠
باب المناسبات	١١
اليوبيل الفضي	١٣
شهر الإحتفالات	١٧
من أجل الشيخ والشعب والدار	٢١
سعد الكويت	٢٥
شباب العز	٢٧
من أجل الدار	٢٩
فرحة العيد	٣٠
يوم الشهيد	٣٢
دعوة ريعية	٣٤
زيارة أمير البلاد لديوانية شعراء النبط	٣٥
ذكرى وتخليد	٣٧
عيد رمضان	٣٩
باب الإجتماعيات والنقد	٤١
سر مكشوف	٤٣
المزهريه	٤٧
أوضاع غريبة	٥٠

الصفحة

عنوان القصيدة

٥٦	طبيعة الحياة
٥٩	مشاكل اجتماعية
٦٤	الواقع الغريب
٧٠	اختلاف الزمن
٧٥	فقط للعائلات
٧٧	الشياب والعجايز
٨٠	كلمات مخفيه
٨٣	الدنيا والناس
٩٠	فائدة الشعر
٩٣	إتهام ولوم
٩٨	بعض الأصحاب
١٠١	ظروف الوقت
١٠٥	باب الغزل
١٠٧	سلام المحبة
١٠٩	أنتي... وأنا
١١٠	وداع الأحباب
١١١	رحيل بلا عوده
١١٣	صدفة الحرمان
١١٧	صراحة الحب
١١٨	موقف وتعبير
١١٩	شعور العاشق
١٢١	كلمة وحده
١٢٢	شكوك الحب
١٢٣	الشعر في حياتي


١٢٤	فتنة وجمال
١٢٥	عذاب وحيره
١٢٧	دارت الأيام
١٢٨	زهرة العمر
١٢٩	لقاء الأحباب
١٣١	لوعة وحرمان
١٣٣	كلام الحب
١٣٥	لحظة الفرح
١٣٧	الثريا والثرى
١٣٨	نصيحة غرامية
١٣٩	الهنوف
١٤٠	بقايا الحب
١٤٣	النهاية
١٤٥	دموع الخيانة
١٤٦	أمل ضائع
١٤٧	دموع العين
١٤٩	أنت السبب
١٥٠	جمال وغرور
١٥٣	حبيبي... مسافر
١٥٤	عزة نفس
١٥٥	دروب الحب
١٥٧	جمال العيون
١٥٨	دعوة الغرام
١٥٩	حب وخوف
١٦١	الكواشيت
١٦٢	آخر زمن

١٦٣	باب الرَّدِّيَّات
١٦٥	قصيدة مرسلّة من الشّاعر عبدالله مسرع العجمي
١٦٨	الرد عليها
١٧٢	قصيدة مرسلّة من الشّاعر نهار الخالدي
١٧٤	الرد عليها
١٧٧	تعقيب نهار الخالدي على الرد
١٨٠	الرد على تعقيب نهار الخالدي
١٨٣	قصيدة مرسلّة من الشّاعر سعود الغريب
١٨٥	الرد عليها
١٨٧	قصيدة مرسلّة من الشّاعر السعودي محمد الهاجري
١٨٨	الرد عليها
١٩٠	تعقيب محمد الهاجري على الرد
١٩٢	الرد على تعقيب محمد عبدالله الهاجري
١٩٤	قصيدة مرسلّة من الشّاعر عوض بن مرضي العازمي
١٩٦	الرد عليها
١٩٨	قصيدة مرسلّة من الشّاعرة السعودية عنود الريف
٢٠٠	الرد عليها
٢٠٣	قصيدة مرسلّة من الشّاعر ناصر سالم الهاجري
٢٠٤	الرد عليها
٢٠٦	تعقيب ناصر الهاجري على الرد
٢٠٨	الرد على تعقيب ناصر الهاجري
٢١٠	قصيدة مرسلّة من الشّاعر محمد حفيظ العجمي
٢١٢	الرد عليها
٢١٤	قصيدة مرسلّة من الشّاعر محمد الهاجري
٢١٥	الرد عليها
٢١٧	تعقيب محمد الهاجري على الرد

الصفحة

٢٢٠	الرد على تعقيب محمد الهاجري
٢٢٢	قصيدة مرسلة من الشاعر مهلي حشاش الظفيري
٢٢٤	الرد عليها
٢٢٦	حلول الألغاز
٢٣١	الفهرس

حقوق الطبع
محفوظة للمؤلف



منع الآخر وصيرة ينهي محتوى الديوان
 حصيلة الوعيد الذي كتبته من الوعدان
 كتابي بصفتي انه الوعد خفي بالسنان
 جمعة لا يعمل بغير مع فواح الازمان
 وعرفت البديهة في وحول اول المديان
 ورى الشعر والحرارة حر لونه ملا حنولان
 حسني تاحصل في ما عرفت لكم فوصلت
 على ما استطعت .. (المحمد فاذي فهايانا
 مجمل الحشاش